

Digitaliseret af | Digitised by



Forfatter(e) | Author(s):

ex MSSis optimis erutum et notis illustratum
Otthonis Sperlingii.

Titel | Title:

Testamentum Dni Absolonis Archiepiscopi
Lundensis

Udgivet år og sted | Publication time and place: Hafniæ : literis Joh. Jac. Bornheinrichii, 1696

Fysiske størrelse | Physical extent:

[8], 151 s. ;


DK

Materialet er fri af ophavsret. Du kan kopiere, ændre, distribuere eller fremføre værket, også til kommersielle formål, uden at bede om tilladelse.
Husk altid at kreditere ophavsmanden.

UK

The work is free of copyright. You can copy, change, distribute or present the work, even for commercial purposes, without asking for permission. Always remember to credit the author.








DET KONGELIGE BIBLIOTEK



130019004598

42.-96-8°
DA BOX





4

TESTAMENTUM
DNI AB-
SOLONIS
ARCHIEPISCOPI
LUNDENSIS
Ex MSSis optimis erutum
&

Notis illustratum.

OTTHONIS SPERLINGII, U. J. D.
Confiliarii Regii, & in Academia Eqve-
stri Regia Hafniensi Historiarum ac
Eloquentiæ Profess. Publ.

Imprimatur,
C. BARTHOLIN.

HAFNIÆ,
Literis, JOH. JAC. BORNHEINRICHII,
ANNO MDC XCVI.

PERILLUSTRI AC GENEROSISSIMO
DOMINO,


DN. JOHAN-
NI RÄNTZOVIO,
DUCI MILITIÆ PRÆ-
CLARO BRIGADIER ALIAS
DIGTO. ET PRÆFECTO TUR-
MARUM EQVESTRIUM
S. R. M. DANIAE NOR-
VEGIÆ, &c.

DOMINO HEREDITARIO
IN FRYDENDAL. BRAMMINGEN.
ØRSLEFCLOSTER. STRAND-
ØE ET BISTRUP.

MÆCENATI MEO NUN-
QVAM NON VENERANDO
GRATIAS. VOTA. SALUTEM.



Qvod



Quod Tuum est, ad
Te merito, DO-
MINE PERIL-
LUSTRIS, redire de-
bet: Tuum sanè fecisti,
dum svalsu Tuo nunc e-
dendum hoc qvalecun-
que persuasisti; Tuum
qvin etiam, qvod sumti-
bus Tuis & liberalitate
summâ hæc prodire vo-
lueris.

lueris. Dudum est, qvod
fatigari præla desierunt,
vel calescere, nisi neces-
sariis qvibusdam , qvæ
tempus ingerit & pro-
trudit, non eruditio: Et
modò typographis di-
stineri necessariis solis li-
ceret, non tot nugæ vel
qvisqviliæ qvaqvaver-
sum orbi legendæ ven-
derentur. Mæcenates sa-
nè pauci sunt , qui scri-
ben-

bentes authortentur, aut
sublevent; haud enim
commentari, vel lucu-
brationibus indulgere,
sumtusq; pariter ferre, u-
nius facile hominis esse
videmus. In Te qvod
Mæcenates plures revi-
xerint, MÆCENAS
OPTIME, haud mihi
præfatiunculâ hac solâ
dicendum veniet: neque
enim tam misere meri-

tus es, ut in laudes Tuas
è carceribus , ad metas
tam brevicas effundi
sit opus. Quidquid di-
cere potero, omnes jam
norunt; Te militaribus
innutritum rebus , iisq;
spectatissimum , in lite-
ris tamen ita desudare,
ut novo rursus exemplo
Tuo militiam literis in-
digere doceas , qvi illas
artes tam feliciter con-

aut

§ 26

junxi-

junxisti. Habent hic igitur Miles-
tes suum Mæcenatem , habent
etiam literati suum , habent o-
mnis ordinis Cives , qui virtuti-
bus student , qvos , ut emergant
juvare , qvantum potes , deside-
ras non solùm , sed ornatos & ad-
jutos se plurimi testantur ac glo-
riantur. Idem est in domo Tuâ ,
qvar non Academia non videtur
esse , in qvam Nobilissimis Libe-
ris Tuis ac Nepotibus tot mor-
ruim & eruditionis omnis magi-
stros ac magistras confluere vo-
luisti , ut exercitum non minùs
domi qvam foris habeas. Hinc
est , qvod nihil abs Te exspectari
possit , qvam qvod RANTZO-

VII veteres, Tui Majores, summis anhelarunt votis & strenue præstiterunt, qvorum gloriam vel nunc meritis æqvästi felicissimè, vel superabis aliquando felicius. Deus Te servet Tuosq;, & cui tantas gratias debeam sci- ant tum vivi, tum posteri, meq;


TIBI DOMINE PERILLUSTRIS

Humili cultu & obsequio
Dabam Hafniæ, deditum vivere
a. d. 30. Junij
Ann. c. 13c XCVI.

O. SPERLING.

TESTA-

HV



TESTAMENTVM
Quod pius Pater noster Absolon Archiep. ante obitum suum
confecit.

Quæ præsenti paginâ continentur, ex testamento legavit & donavit (1.) Venerabilis (2.) Dominus ABSOLON Lundensis Ecclesiæ Archiepiscopus, Sueciæ Primas, ad hoc vocatis & præsentibus (3.) Domino Esberno, Fratre suo, & (4.) Domino Gaufrido Abate de Sorâ, (5.) & Tochone & Achone Præpositis, (6.) & Magistro Johanne (7.) &

A Thor-

Thordone Capellano suo, Lundensis Ecclesiæ Canonicis, & Anfrido Presbittero, & Haquinno (8.) Camerario suo, & Paulo & Simone (9) pueris suis, & Henrico (10) Converso de Sorâ, totum videlicet patrimonium suum, excepto (11) Fialensleve, quod Fratri suo contulit, Monasterio de Sorâ donavit.

Monasterio (12) de Aas in, Hallandiâ Vathby, cum omnibus attinentiis suis, excepto molendino donavit (13) & scotavit.

(14) Ad mensam Canonico-
rum Lundensis Ecclesiæ (15) Es-
biruth cum molendino in Ro-
gen, & coeteris suis attinentiis
syl-

sylvis omnibus & terris donavit
& scotavit.

Similiter (16) Saxulstorp in
Rumâ cum Ecclesiâ & cœteris
suis attinentiis eisdem (17) Fra-
tribus ad mensam donavit & sco-
tavit.

Ad candelas cereas (18) utri-
usque Coronæ & ad cereum no-
cturnum (19) in monasterio Bea-
ti Laurentii (20) quatuor mar-
cas argenti singulis annis de cen-
su Civitatis, qui vulgariter dici-
tur (21) **Midsummers Gylde** /
dedit.

Venerabili Domino Erico Ni-
drosiensi Archipræsuli, (22) pro-
pter Justitiam exsulanti, centum
marcas argenti.

Martino Bergensi Episcopo,
qvinqvaginta marcas argenti.

(23) Nigello Episcopo Staf-
fengrenſi, qvinqvaginta marcas
argenti.

(24) Ivaro Hamarcopensi E-
piscopo, qvinqvaginta marcas
argenti.

(25) Nicolao Aslonensi Epi-
scopo, (26) ciffum argenteum,
(27) & scutellas argenteas, qvas
idem Episcopus ei qvondam de-
derat, donavit.

(28) DNO Regi ciffum argen-
teum (29) mirabiliter fabrefa-
ctum, qvem Dn. Nidrosiensis ei
qvondam dederat, & vasculum
aureum cum musco dedit.

(30) Do-

(30) Dominus Suno ei tenebatur reddere cxxx. marcas argenti , & illud debitum Domino Petro Roschildensi Episcopo & Fratribus suis reliquit.

(31) Episcopo Roschildensi quinquaginta marcas argenti duabus minus concesserat ad emendum Alstofta, quas idem Episcopo remisit, & ciffum argenteum, quem ei quondam dederat, donavit.

Fratri ejus (32) Domino Cancellario , ciffum argenteum , quem ei Dominus Suno quondam dederat, legavit.

(33) Domino Esberno ciffum argenteum , quem (34) Hildebrand

brand fecerat, & parvum ciffum,
de quo Pater ejus potionē acci-
pere solebat, & cuilibet filiorum
suorum ciffos argenteos de ma-
joribus ciffis dedit.

(35) Domino Alexandro cif-
fum argenteum de melioribus,
(36) & loricās qvas habebat, (37)
& duobus filiis suis, duos ciffos
argenteos modicos dedit.

(38) Dominæ Margaretæ du-
os ciffos (39) Rojanorum Idolō-
rum.

(40) Canonicis de Paraclito
ciffum argenteum (41) de plano
opere, ponderantem circiter (42)
decem marcas argenti.

Majorem ciffum argenteum

bnsid

SA

quem

quem Sora habuit, Capellæ de
Sora dedit, (43) ad calicem faci-
endum.

Scutellis suis argenteis jus-
sit calices fieri in monasterio B.
Laurentii fortes & sufficientes:
quod verò his prædictis de ciffis
argenteis & scutellis super fuerit
ad perficiendas (44) Coronas in
templo reservari præcepit.

(45) Dominus Alexander ha-
buit (46) octo marcas auri & di-
midiam ad opus (47) casulæ &
coronarum, ex qvo auro ma-
gnam partem casulæ jam appo-
ni feci.

Eschillus presbyter annulos
aureos habet ad opus eorundem

reservandos; argentum quod Liuthgerus ei tenebatur persolvere, totum pauperibus jussit erogari.

Dominus Archidiaconus de argento, quod accepit pro decimis & à presbyteris & de argento, qvod habet Dominus Alexander, Domino Archiepisco po Nidrosiensi, & Episcopis prædictum argentum persolvat, & qvod residuum fuit, inter monasteria Scaniæ & Selandiæ fideliter distribui præcepit.

Dominus Alexander autem argentum suum non habet, nisi quantum conflari poterit ex septingentis marcis (48) denario-
rum

rum Seaniensium veteris mone-
tæ, & ex eodem argento præ-
cepit Domino Alexandro, ut
xvi. marcas Soræ mitteret qui-
busdam persolvendas.

Argentum quod Hericus fi-
lius (49) Harinæ, & Sueno fra-
ter ejus, & Conradus de Tume-
thorp ei tenetur persolvere, cu-
jus debiti sumimam Archidiaco-
nus novit, præcepit reservari.

Debitum, quo Bondo filius
Gamalielis ei pro donatione ex-
actionum tenebatur, heredibus
ipsius Bondonis totum (50) pro
animâ suâ remisit.

Herico Batti (51) cappam for-
ratam (52) de pellibus marturum
dedit. A 5 Magi-

Magistro Petro Capellano
Archiepiscopi Nidrosiensis cap-
pam forratam de (53) pellibus
griseis dedit.

Decano Lundensi (54) palli-
um marturum dedit.

Thordoni Cappellano suo (55)
superpellicium cum pellicio de
marturibus, & cappam (56) va-
rio forratam (57) & juppam va-
rio forratam dedit.

Simoni minorem juppam de
griseo forratam: Petro Stamma
griseum pallium quotidianum.

Marsilio coco, (58) cooper-
torium vulpinum dedit.

Petro (59) Stabulario equum,
quem filius Biörne ei donavit, de-
dit.

Fra-

Fratri ejus Wlff loricam, quam
 (60) Esbernus Mule ei dedit, do-
 navit.

(61) Haquino Camerario suo
 eqvum dederat, quem Bondo ei
 dedit.

Eqvum (62) brunei coloris
 Haquino Normanno dedit.

Nigrum eqvum, qvem Soræ
 habuit, eidem monasterio reli-
 quit.

(63) Eqvum blaccatum Do-
 mino Archiepiscopo Nidrosien-
 si dari præcepit.

(64) Eschillum Bathsven liber-
 tate donavit.

Mulieres, qvas (65) Nicolaus
 Stabbellarius de libertate in ser-
 vitu-

vitutem suscepit, ubicunque reperiantur, cum filiis suis libertate donentur.

Mulierem acceptam de Biargaherred in Scaniâ cum filiis suis libertati donavit.

(66) Saxoni Clerico suo duas marcas argenti & dimidiam, concessit, qvos sibi donavit.

Saxo debet duos libros, quos Archiepiscopus ei concesserat, ad monasterium de Sorâ referre.

(67) Magistro Johanni (68) bicarium argenti dedit.

(69) M. Walthero (70) pallium griseum, quo in nativitate Domini vestiebatur, dedit.

Annulos aureos quindecim,
cum

cum lapidibus , & sedecimum
sine, lapide monasterio B. Lau-
rentii dedit ad (71) plenarium fa-
ciendum.

(72) Præposito Achoni mino-
rem ciffum argenteum, quem
Soræ habuit, dedit.

Argentum quod (73) apud
Cluniacum habuit, dimidium ei-
dem monasterio contulit, me-
dietatem verò ad (74) Claram
Vallem transmitti præcepit.

Ecclesiæ de (75) Wellinge te-
nebatur argentum reddere, cu-
jus summam Archidiaconus no-
vit.

Ecclesiæ de Stangby teneba-
tur (76) mansum unum reddere,
quem

qvem dedit pro manlo in Köpingh, & jussit ut Ecclesia in Stangby habeat mansum in Köpingh, donec de Episcopature datur.

Præbendæ cuidam tenebatur dimidium mansum in Huphackre, & jussit ut in Arleff haberet dimidium mansum, donec de Episcopatu reddatur.

Præbendæ Nicolai Monialis dimidium mansum in Asmundathorp, & jussit ut in Nybyle haberet in parochiâ de Saxulstorp, donec solvetur de Episcopatu.

(77) Magister Hugo proprium præbendæ suæ habeat, donec de Episcopatu persolvatur. Ar-

Archidiacono dedit pallium,
magnum (78) de Lækatt, si sit ibi,
& si ibi non sit, lectisternium,
forratum de marturibus ei dona-
vit.

Jofrido Coco, duas cappas
pluviales, alteram forratam.

Præcipuè Archidiacono præ-
cepit, ut campanam qvam face-
re proposuerat, consummaret.

Magistro Hugoni lectister-
nium vario forratum.

Nicolao (79) filio Archidiaco-
ni superpelliceum vario forra-
tum.

Eschillo Presbytero cappam
forratam, qvæ est (80) in castro
de Haffn.

Chri-

Christianum Cocom, qui in-
justè captus erat in servitutem,
libertate donavit.

Achoni magistro laterum, &
Achoni Lapicidæ præcepit ut
Archidiaconus benefaceret.

Pixidem argenteam cum re-
liquiis monasterio de Sorâ de-
dit.

Retribuat ei Dominus mer-
cedem in vitâ æternâ

A M E N.

NOTÆ.

NOTE.



NOTÆ AD PRÆCEDENS TESTAMENTVM.

MAnuscriptum hujus Testamenti egregium mecum communicavit Vir elegantissimus & Antiquitatum nostrarum amantissimus DN. JOHANNES LAVRENTII. Summi illius Historici Andreæ Velleji pronepos, qui hoc Manuſcr. Haraldi Huitfeldii, Opt: nem. Historici manu nobilitatum nactus est, ex quo nunc illud hic editum videtis.

In sumtibus ferendis Civis eximius Hafniensis Dn. GEORGIVS MOLLENGRACHT laudari meretur, qui qvamvis literis doctoribus excultus non sit, eruditionem tamen amat & eruditis favet. Ejus ad exemplum si multi se compararent, non doctorum cogerentur scripta cum blattis & tineis luctari. Hæc in illorum laudem, qui consilio, ope vel operâ juvarunt, præfari debui.

(I.)

VENERABILIS. Hic titulus post Bedæ tempora , cui primò omnium datus fuit , Ecclesiasticis placuit , sicq; Episcopos Imperatores & Papæ Romani compellare perrexerunt : Archiepiscopos quoque Imperatores & Reges sic solebant , at Papæ in multis suis literis Reverendissimos & Sanctissimos dixerunt . Nec penes Ecclesiasticos hic titulus solum resedit , sed & ad Principes seculi liberales in Clerum transiit : unde in literis Papæ Gregorii IV. de Hamburgensi Archiepiscopatu Ludovicus Pius Imp: non solum Venerabilis Princeps vocatur , in verbis : *Omnia verò à Venerabili Principe ad hoc Deo dignum officium deputata , nostra etiam autoritate pia ejus vota firmamus :* Sed & Missi Imperatorum , Venerabiles iisdem literis audiunt , qvamvis Episcopi non essent : Sic enim legimus . *Venerabiles Ratolfum sive Vernoldum Episcopos , nec non Geroldum Comitem , vel Missum Venerabilem relata est confirmanda .* Quin & mulieres & matronæ pietate insignes titulum istum subinde meruerunt ab ipsis Ecclesiasticis ; apud Adamum Bremensem primò IKIA illa , quæ Ramsolam in Verdensi Diœcesi donavit , Venerabilis dicitur l. i. p. m. 22. *Unde contigit ut prædium quod Ramsola dicitur , à quadam VENERABILI MATRONA suscepit nomine IKIA.* Deinde quoque Emmanni Ludgeri Comitis uxorem ob ean-

dem munificentiam hoc titulo condecoravit. l. 2. p. m. 64. *Benno Dux Saxonum obiit, & Ludgerus Frater ejus, qui cum uxore sua VENERABILI EMMA Bremensi Ecclesiæ plurima bona fecerunt. Hodie quemvis Sacerdotem, VENERABILEM, VENERANDVM, REVERENDVM compellare decet.*

(2.)

DNS ABSOLON LUNDENSIS.
 Meretur hic Archiepiscopus ob multa præclarè gesta, & decus, quod familiæ suæ intulit, sæpius commemorari: Adzeri Rygh filius, Episcopus Roschildensis factus An. Chr. 1157. ad Archiepiscopatum Lundensem adscendit An. Chr. 1178. vitâ tandem excessit A. C. 1201. die S. Benedicti, seu 21. Martii, ut indicat Arnoldus l. 4. Chr. Slav. c. 18. ubi quoque verba quædam exstant, qvæ Testamentum hoc Soræ nuncupatum innuunt, dum *Soræ circa finem dierum suorum molestiâ corporis tractum ægrotasse scribit*, & cum ætatis annum septuagesimum tertium attigerit, natus fuit Anno 1128. quod Huitfeldius observavit, ita ut Episcopatum Roschildensem regere cœperit ab anno ætatis 30mo, & Archiepiscopatum ab Anno 50mo Testamentum hoc suum Anno 1200. condidit, vel seriùs etiam, *circa finem dierum suorum ægrotans*, ut Arnoldus loquitur. Et dum Canonorum de Paraclito meminit, quibus legatum insigne reliquit, videtur jam Abbas illorum

Iorum Willhelmus, Absoloni tantopere dilectus, vitam commutasse, cum Absolon testamentum dictaret, & sine Abbe Canonicos fuisse, quod illis solis scribi curaverit, atque sic paulo ante vitæ finem 1201. hoc Testamentum conceptum esse dici debet: Willhelmus enim Abbas, & Absolon Archiepiscopus eodem anno deceperunt, sed Willhelmus prior.

Testamentum fuisse nuncupativum ex ore Archiepiscopi exceptum, indicant non ab Archiepiscopo, sed ab altero de Archiepiscopo scripta verba, & saepius repetita, *donavit & scotavit*, non *donavi & scotavi* unde quoque subscriptionibus & sigillis caret, testibus solum adstantibus undecim nominatis & prescriptis: quæ quoque confirmant circa finem vitæ Absolonem, sentientem vires deficere, & morbos urgere, hæc dictas & nuncupasse, cum multa sint illic legata & donata, quæ non nisi ultimo ejus tempore dominio ejus accesserant. Et qvamvis Testamenta reliqua valere non possent in Daniâ nisi Regis confirmante; Episcopos tamen & Clericos, qui juribus ac moribus Danicis subjectos se non credebant, nisi qvatenus vellent ipsi, aut leges prodeissent, juribus Romanis vixisse considerare debemus, ex quibus testandi jus liberum sibi sumserunt, & ne possent à Regibus Testamenta eorum scripta facile subverti, nuncupare malebant qvam scribere. Andreas Sunonis Successor Absoloni in Archi-

episcopatu Lundensi Testamento quoque ultimam suam voluntatem declaravit, prout Saxo in dedicatione sui operis Historici docuit, qvodan nuncupaverit, an verò solemniter scripserit & obsignarit, dicere nequeo, quod illud nondum viderim. Multæ tamen aliæ donationes ejusdem Archiepiscopi Andreæ scripto comprehensæ leguntur, qvas per Valdemarum II. Regem confirmari curavit,

Jam de nomine *Absolonis* quoque monebo, quo nunc omnibus notior est hic Archiepiscopus qyām suo. Certum enim est, eum *Absolonis* nomine ab initio, aut in Danicâ lingâ non usum, sed Clericos & Ecclesiasticos, non intelligentes nominis Danici vim, ex AXEL finxisse *Absolonis*, qvali, qvi Danicè *Axel* diceretur, Latinè ABSOLON appellandus sit. Minima qvæque allusio nominis occasionem Clericis qvondam dedit Latina substituendi; sic enim ex KIELD fecerunt Kiliandum; ex ORM, Homerum, ita ut neminem hoc admirari velim ex AXEL factum esse, Absolonem. Omnes Majores *Absolonis* Danicis, & huic genti consuetis ac receptis nonnibus, appellati snnt; Frater ejus, ESBERN; Pater, ADZERVS; Avus, SKIALMO; Proavus, TOCKO; primus Christianus in hac familiâ; Abavus, SLAGO: Solum Absolonen Hebraico nomine addito inter Danos succrevisse, credere neqvaqvam ulla rario jubar.

bet. AXELII sanè nomen inter Danica in-
 hodiernum usque diem permanet, nihil est
 frequentius qvām hoc nomen, præprimis in-
 ter Nobiles Viros. Nec soli Absoloni hoc
 evēnit, sed etiam aliis Axeliis, quos Latinè
 scribentes Absolones vocarunt omnes. Ex-
 stant Christophori Bavari literæ apud Huitfel-
 dum An. 1443. datae, ubi ille, qui centies alias
 Oluff Axelsøn scriptus & recensitus fuit, Se-
 nator regni maximè Nobilis & celebris, u-
 nusq; ex Axelii filiis, (af de Axelsønner) in
 historiâ Danicâ nominatisimis, ex quibus
 hodie Domini T O T T I I, quotquot sunt,
 cognominati prodierunt, ille, inqvam, *Oluf*
Axelsøn in prædictis literis Latinè conceptis
 disertè OLAVS ABSOLONIS scribitur, &
 tantundem de aliis Absolonom nominibus in
 Daniâ sentiendum supereft. Qvin & ipse Ar-
 chiepiscopus credidit *Axelii* nomen ex Abso-
 lonis nomine detortum eſte, cum veteres hæc
 opinio diu tenuerit, totam lingvam Danicam
 vel ex Latina, vel ex Græcâ fluxisse, eoq; no-
 minum & verborum origines referendas:
 qvam opinionem etiam Saxo ſecutus, ipsum
 ſemper ABSOLONEM vocavit, qui cum ipſo
 vixit, & Axelii nomen in vulgo millies audi-
 vit pronunciari, ſed & ipsius Archiepiscopi
 Epistolæ ad alios exaratæ, hoc nomen Abso-
 lonis ubique præferunt. His addatur Inſcrip-
 tio Aſumenſis Runica, Runicis literis ſculpta
 quæ reperitur in muro & portâ templi, & eſt

ab Excell: Dn. Wormio p. m. in Monumentis
descripta p. m. 171. ibi Absolon & Asbiornus
Mule ut benefactores Ecclesiæ istius annota-
ti clarè reperiuntur.

KRIST MARIV SVN HIALPI THEM
ER KIRCKIV THINO GVTHI ABSI-
LON ARKIBISKVP OK ASBIORN
MVLI.

Hoc est

CHRISTE MARIÆ FILI ADJUVA
EOS QVI ECCLESIÆ TUÆ (vel huic)
BENEFACIUNT ABSILONI ARCHI-
EPISCOPO ET ASBIORNO MULE.

Ubi quoque Absolon, non Axel dicitur;
quorum omnium causa est, quod Absolonis
& Axeli nomen unum idemq; esse persvasi
fuerint, & Axel ab Hebraico Absolon deri-
vatum ac contractum esse ab indoctis Clericis
didicissent, in quibus tamen falsi fuerunt, si-
quidem Axel & Absolon toto cœlo differunt.
Absalon, *Pater pacis* explicatur; Axel, est ma-
gnificus & magnus. Axelborg etiamnum vo-
camus locum nundinarum spatiosisimum
& frequentissimum: Axelhus est aut domus
magna, multisq; communis, aut domus ab
Axelio constructa: unde rectè satis Huitfel-
dius in Chronico ad Annum 1201. p. m. 67. e-
dit: noviss: de Absalone verba faciens, Haf-
niæ arcem ejus tempore Axelhus dictam fuis-
se scripsit: *Hand skriotte Københaffns Slot oc*
Vy!

By / med Amager Land til Roskilde Stift. Et
 quare Axelii domus dicebatur hoc castellum?
 non sanè aliam ob causam , qvam qvod ejus
 Dominus ac conditor vulgò Axæl vocatus sit ,
 qui est Latinis Absolon factus. Nam Anno
 1168. cum Episcopus Roschildensis esset , hoc
 castellum contra piratas exædificavit, ab eoq;
 tempore *Axelhus* dici cœpit , donec Roschil-
 densi Ecclesiæ totum illum locum transcri-
 psit: qui post mortem ejus , amplificatis fini-
 bus , & in oppidum paulò lautius exspatian-
 tibus , *Stegelburgi* nomen imposuerunt arci ,
 aut potiùs à Germanis & peregrinis illic ex-
 scendentibus quoties appellerent , nomen
Stegelburgi adquisivisse videtur , ita ut ab indi-
 genis *Axelhus* à peregrinis *Stegelborg* voca-
 ri perrexerit: sicq; conciliantur facile diver-
 sa illa nomina , à diversis nationibus uni loco
 collata , qvod sæpe fit: qvæ tamen Svaningi-
 um induxerunt in Chronologia Danicâ rem
 totam invertere , dum p. m. 78. sic referre
 voluit: Anno 1168. ad arcendos finibus Se-
 landiæ piratas exstructa est ab Absalone Epi-
 scopo Roschildensi ARX HAFNIENSIS , o-
 lim STEGELVRGVM , postea AXELHU-
 SIUM vocata. Axelhus enim nomen præ-
 cessit , Stegelburgi post additum reperimus.
 Sed Axælvold castellum in OstroGothiâ à Ca-
 nuto Porse Duce Hallandiæ circa Ann. 1326.
 conditum , non ab Axilio qvodam aut Abso-
 lone nomen sortiri video , sed à sylva ista in-

genti, qvæ castellum excepit; adeò ut Axels-
 vold sit sylva spatioſa, densa, longa, omnis
 generis arborum nutrix, qvalem conspicuam
 vel vægrandem magnitudinem rerum cum
 voce Axel augeri Septentrionalibus dixi; ut
 sit Axel veluti contractum ex Allsæll: tam bea-
 tus, ut omnia subministrare possit: Sic Aarsæll/
 qui dives est frugum & annonæ, illasq; copioſe
 procurare novit. Vinsæll, amicis stipatus &
 gratus omnibus. Seyeræll/ qui victoriis bea-
 tus est, illasq; parare potest egregie: explica-
 tius illum vocamus Seyerælig/ ut Lycksalig/
 Germanis Glückselig cui fortuna favet: omnia
 ex unicâ voce scelge profluentia, (sic enim
 melius scribitur qvam sellie) quod est tradere,
 vendere; ita ut Sæll & Salig dicatur ille
 cui fortuna libenter tradit opes suas & libe-
 raliter: Sic Axell/ cui fortuna in omnibus fa-
 vit, qui verè magnus est. Axels tada villa ad
 Susam amnem in Selandia ex ea causâ con-
 tractè Allsted hodienum appellatur, non pro-
 cul Ringstadio versus occidentem sita: Saxo
 ejus meminisse dignatus est. Hæc cum non
 intelligerent Clerici, Axel Danicum idem es-
 se quod Absolon Latinum sibi & aliis persua-
 serunt. Et sic errare contingit omnes illos,
 qui Danicam lingvam ex Hebræâ, Græcâ, vel
 Latinâ deducunt, cum in nominibus propriis
 Dani veteres nullam lingvam respexerint ni-
 si suam: & dum Danicam lingvam ultimam
 esse crediderunt omnium, nec ex eâ profi-
 ciisci

cisci posse, quæ non in aliis linguis priùs fuerunt, valde se fefellerunt ita statuentes, cum etiam innumeræ supersint antiquitates, non exigui momenti, quæ ex nulla aliâ qvâm ex Danicâ lingvâ explicari poterunt.

Jam & alius error de hoc eodem Absalone Archiepiscopo multorum animos sic obfedit, ut vix mihi spes relinqvat evelli aliquando posse. Absalonem enim cognomento non solum *Huid* sed & totam Huidiorum familiam in Daniâ hinc descendere putant, quod falsum est omnino. Cognomina enim quæ tunc fuerunt in Daniâ Nobilibus, vaga, nec perpetua, vel hereditaria aut in familiam transeuntia deprehendimus fuisse, sed cum iis, qui cognomen acceperant, extincta, neque ad posteritatem demissa. Hoc innumeros hactenus errare fecit in familiis Nobilissimis constituendis, earumq; origine deducenda. Fallum est præterea, Absaloni Archiepiscopo unqvam *Huid* aut *Albi* cognomen fuisse; nulla enim veterum monumenta ejus ætatis hoc dixerunt, non *Saxo*, non *Sueno Aggonis*, non alia *Chronica* ejus ætate aut paulo post scripta. Recentiores quidam hanc opinionem sovere cœperunt, & controversiam inde magnam facere, quasi totius Danicæ Nobilitatis salus periclitaretur, nisi protinus his fidem addiceremus nostram. Ego verò dum qværo, qvibus rationibus initiantur pro Huidiorum familiâ, nihil planè reperio,

reperio , nisi illud , qvod Avum Absalonis SKIALMONEM CANDIDUM , seu *Hvid* cognominatum fuisse legissent : hinc enim ita colligunt ; si avus *Hvid* fuit cognomine , etiam filii & nepotes , & pronepotes & abnepotes omnes Huidii erunt : qvam ob causam nepos Skialmonis Absalon , *Huid* cognominandus erit .

Nego autem ego , & pernego illud sequi , siquidem nondum cognomina fuerunt ulli familiæ per Daniam hereditaria . Verum satis est , & ex Saxone constat , Skialmonem avum fuisse Absalonis , constat quin etiam , *Candidi* cognomen Skialmoni datum : at non ex familiâ illud cognomen ortum duxit , sed ex vulgo , causisq; incidentibus , id eoq; nec ad posteros ejus descendere potuit , imo nec descendit , nec ullis monumentis quisquam mihi hoc probatum dabit . Contrarium elucet protinus ex hac ipsa familiâ Absalonis , ubi cognomina nulla cognominatum excedunt , aut ad ejus familiam descendunt . Tocco pater Skialmonis cognomine non uno claruit , dictus est enim & *Eryller magus* & *Slytter Sagittarius* , tam quod magia deditus fuerit , dum paganus fuit , & usque quod Christianæ religioni nomen dedit , quippe qui primus scribatur in eâ familia Christianus ; qvam qvod arcu præstans fuerit , sed à Huidiorum cognomine multum ille abfuit . Filius Skialmonis Adzerus , pater

Absa-

Absalonis , suo cognomine s̄epius celebratur , quod *Ryg* vel *Rög* fuit , *hirsutus* , non *Hvid* . Frater Absalonis Esbernus , cognomine quoque suo gaudebat , *Snare* vocatus , qvod expeditissimus esset , & in consiliis , & in rebus gerendis . Esberni deinde filius Absalon , *Belg* cognominatus , qvafsi *ventricosus* & totus venter : alter filius Esberni , Johannes dictus , sed cognomine *Marsalcus* , ab officio , ni fallo , quod gessit ; & tertius filius Nicolaus , rursus alio cognomine donatus *Mule* , scilicet ; ita ut nemo eorum , nec *Candidus* , nec *Albus* , nec *Huid* appellatus sit : qvibus jungi potest Nicolai Mule filius Esbernus , dictus *Snerling* : ita ut majorum cognomina tunc nemo sumserit , sed suo proprio quilibet gavisus sit , dum vixit : quæ si quis ad familias trahere voluerit , ut hereditaria , næ ille multis erroribus & se , nosq; omnes implicabit , qvod hactenus qvoqve summis viribus ausi conatiq; sunt plures , qvi qvoties cognomen aliquod emersisse aut legerunt aut saltem alludere ad hodierna Nobilium familiarum cognomina posse judicarunt , protinus exinde familiam arcessere aut extruere totam voluerunt . Serò sanè cognomina , qvibus familiæ hereditariò hodie distinguuntur , in Danicâ Nobilitate fuerunt recepta , & penè post alios omnes : nec ulterius qvàm à Seculo XIV. paucis Danorum hunc morem placuisse , totas familias cognominibus

minibus hereditariis insigniendi, deprehendimus, postquam Germanicos mores etiam
 hac in re imitari voluerunt Septentrionales.
 Istorum verò, de quibus dixi, cognominum
 & illa tunc conditio fuit, ut non adsciscerentur ab iis, qui sic cognominabantur, sed
 ab aulicis & à vulgo imponerentur, ut coacti
 omnes ea de se dici audirent, quod plerumque
 ridiculi aliquid immixtum haberent talia cognomina, ut *Belg*, *Mule*, &c. Hinc istis
 cognominibus, de se ipsis loquentes, non utebantur, quae quoque causa est, quod Esberni
 nomen nudum, non addito cognomento
Snare, in hoc Testamento positum videamus,
 nec Saxo in historiâ suâ eo cognomine Esbernum ullibi produxerit, quod gratum non
 esse jam didicisset cognominibus istis traduci, sive ad laudem nimiam spectarent, invidiæ
 nutricem, sive ad risum excitandum, cum vulgi sannis comedendos exponi Viros
 Illustres grave esset omnino. Haud eò tam
 men hæc pertinent, de cognominibus Nobilium hereditariis, quæ nova possunt dici,
 quasi Danica quoque Nobilitas, & familiæ
 antiquissimæ ac honoribus cumulatissimæ,
 novæ sint, nec nisi à Seculo XIV. numerandæ:
 Minime gentium: neque enim à cognominibus istis pendet Nobilitas, sed à successione
 perpetuâ & longævâ, quam Nobilissimi
 homines ab antiquo conservatam ad nos
 usque deduxerunt, quæ successio sub multis
 cogno-

cognominibus familias antiquissimas nobis dedit. Antiquitus sufficiebat ad Nobilitatem indicandam primi autoris nomine posteros omnes descendentes appellasse, ut ab Ingó, Inglingos, à Skoldo Skoldungos; à Folcone, Folckungos, à Carolo M. Carolingos; à Merovéo, Merovingos; ab Immedingo, Immedingos; à Sturlo, Sturlungos, & innumeras alias antiquissimæ nobilitatis familias, haud alio cognomine ornatas. His appellationibus deinde cessantibus, cum nimis diffundere se viderentur ista cognomina, & nobiles ac ignobiles pariter in eadem familiâ comprehendendi & confundi; siquidem multi ramii nobilium stemmatum haud in eâdem nobilitate semper potuerunt gradum figere, quin ad incitas quasdam redigerentur, quod reliquæ nobilitati, cui nihil tam proprium est quam splendor, non solum luctuosum, sed & dedecoris nimium habere videbatur, esse inter suos, quos eò prolapsos videre non cuperent: hinc ad Patrum nomina Nobiles cœperunt recurrere, iisq; diu semet appellare, & Nobilitatem suam conspicuam reddere: ut Ericus Otthesön, Axelius Oluffson, Tycho Nielson &c. Sed cum neque sic à vulgo tuti essent, aut satis distincti, quoniam vulgus semper nobilitatis insignibus sub- & obrepit, ad ultimam hanc cognominandi rationem, qua cognomina hereditaria familiis & stemmatibus reliquerunt, per ventum est,

qvæ

qvæ aliquandiu Nobiles egregiè quidem distinxit, sed nunc qvoque in vulgus ita patet, ut nisi suâ luce præfulgeant Nobiles dum vivunt, vix à posteris discerni amplius valeant nobiles & plebeji, & ad alia rursus remedia deveniendum sit, si posteritati suæ Nobiles dehinc consultum volunt. Nihil igitur propter nomina vel cognomina decedit antiquitati familiarum Nobilium, qvæ profectò Danis sunt antiquissimæ, ita ut cum qvavis gente certare possint, imò plurimas vincere, quod alio tempore mihi deducendum sumsi, modò vires & facultates mihi suppetant. Sive sint igitur *Urnii*, sive *Bannerii*, sive *Göji*, sive *Tottii*, &c. Omnes illas familias, infinitæ antiquitatis, supra qvam credi potest, reperire licet fuisse, licet serò *Urniorum* aut *Bannerorum*, &c. cognomen assumserint, in quibus reverâ nulla nobilitas versatur, cum nomina sæpius, etiam ex levissimis causis, mutantur, nobilitas postqvam semel radices egit, velut annosa qvercus occulto ævo crescens, non desinit qvamdiu spiritus est & medulla.

Nunc illud saltem demonstrare volui, nec *Huidiorum* familiam ad Skialmonis candidi propriè pertinere, aut ita, ut ab eâ descendat, nec diu esse nimis, qvod Huidii cognomen hoc hereditarium suæ familiæ fecerint. Eadem ratione seqvitur, Saxonem Grammaticum, qui cum Absalone Archiepiscopo vixit, non censendum esse ad Langiorum familiam

liam nobilissimam pertinere, qvod alicubi cognomen Longi sortitus sit, iis enim temporibus cognomina non fuerunt hereditaria, aut familiæ; non inter nobiles, multò minùs in vulgo.

(3.)

DNO ESBERNO FRATRE.

Hic ille est, qvi cognomen *Snare* tulit, qvod suas res citissimè expediret, eóq; distinctus fuit ab aliis Esbernis. Fratrem majorem fuisse ESBERNUM, tum conditio ipsius evincit, qva proli procreandæ aliisq; seculi studiis dicitus erat in aulâ, domi, foris, militiæq; ; qvæ sanè curæ ad primogenitos filios spectabant, adeò ut sæpe moneant nos historiæ, primogenito sine liberis è vitâ excedente, minorem fratrem ad seculum revocatum, ordines Ecclesiasticos ut deserere posset impestrasse, pro domo & familiâ sustentandâ. Sic Hartungus & Adolphus Fratres Schowenburgici; Hartungus regimini & militiæ destinatus erat, Adolphus Ecclesiasticis: Hartungo tamen absunto bellis quibus servierat, ad Adolphum successio rediit, qui qvoque monasteria relinques, seculo matrimoniiisq; se mancipavit. Hoc itaque Esbernum ætate, Absalonem prævertisse primò docet, deinde Dambori Rugii oratio apud Saxonem I. XIV. p. m. 296. disertè satis indicat, dum rationes suas exponit, cur Absalonem potius quam Es-

C

bernum

bernum natu majorem adhibere cupiat in
 pace petendâ à Rege Daniæ. Nec pari indu-
 striâ, inquit, in Fratre. Tuo prætereundo, quan-
 quam natu præstet, usos nos esse constat. Tibi enim,
 (loquitur Absaloni) autoritatis prærogativam,
 bonoris, non animi nec ætatis privilegia, sed digni-
 tatis ornamenta conciliant. Hæc Saxónis ver-
 ba, qui cum Esberno & Absolone vixit, à
 veritate aliena esse nemo facile credet: re-
 pertus est tamen Martinus Petri Abbas So-
 ranus, (is enim præfuit usque ad annum 1571.)
 qui in libello suo de Absalonis Archiepiscopi
 Genealogiâ Danicè edito Hafniæ A.C. 1589.
 tam in fronte libri qvàm postea p. 29. Ab-
 salonem & Esbernum, Fratres gemellos uno
 partu exclusos contra Saxónem ausus fuit
 scribere & statuere, anilibus quibusdam fa-
 bulis, qvarum plenus est iste liber, innixus,
 qvas tanto Historico præferre non dubita-
 vit, earumq; mendacia tantæ luci, ipsiq; ve-
 ritati vim ut facerent, quantum in ipso fuit,
 passus est. Eiusmodi verò nugas haud opus
 est confutare, sed damnare; nullis enim ra-
 tionibus docuit, cur Saxóni minus, sibi verò
 præfiscinè credendum sit: nec ea qvæ oppo-
 nere conatus est, plus possunt qvàm ultimus
 fluctus contra Marpesiam cautem. Fuit igit-
 tur Esbernus Adzeri filius natu major, ideo
 seculi rebus destinatus, alter Absalon, minor
 natu, & Ecclesiasticis propterea regulis im-
 butus, prout tunc solebat observari in edu-
 candis

candis filiis. Uxores Esberni hujus duas fuisse docet nos Manuscr. de iis qui Soræ sepulti fuerunt, quibus nomina *Hulvesfretb* & *Ingebburg*: dicit enim. *Juxta illos sepultæ sunt duæ uxores Esberni Snare Hulvesfretb & Ingburg: inferius ante gradum sepulta est Domina GLUNDIL* mater prædictæ *Hulvesfretb*. Monet autem idem Manuscr. hæc corpora sita in parte australi à Choro, in presbyterio S. Johannis Evangelistæ, cum ossa Esberni Snare ante gradum presbyterii Absalonis jacerent, disjuncta sic ab uxorum ossibus longo spatio: quod non solet maritis & uxoribus usuvenire, quod conjungi ament uno sepulchro. Et sanè conjuncta jacuerunt olim, sed Ecclesiâ Soranâ flammis & incendiis destructâ A. C. 1247. translata sunt horum Patronorum ossa A. C. 1285. in Ecclesiâ novam majorem, atque hoc pacto ab invicem separata, tribus Ecclesiæ novæ locis rursus inhumata, quæ priùs conjunctim jacuerant: qva de re audiendus est Autor ejusdem Manuscr. loco notabili & egregio. *Istorum tamen omnium ossa* (loquitur de Absalonis & ejus familiæ ossibus) *cum multis aliis, quorum nomina in libro vitae scripta sunt, translata fuerunt de antiquâ Ecclesiâ per Dominum Abbatem Nicolaum tertium in Ecclesiâ majorem, & repositâ in tribus locis, videlicet, pars quædam in presbyterio summi Altaris ad dextram Domini Absalonis Archiepiscopi, ut jam patuit: pars altera in presbyterio Beati Johannis Evangelistæ, ubi uxores Domini*

Esberni Snare locum suum ab illo tempore
recepérunt cum matre Gunildâ. Et pars ter-
tia in presbyterio B. Johannis Baptistæ Anno Domini
millesimo ducentesimo octogesimo quinto, in crastino
commemorationis animarum. Cœtera qvæ de
Esberno hoc ejusq; præclarè gestis dici me-
rentur, exstant apud Saxonem, unde peti po-
terunt.

(4.)

DNO GAVFRIDO ABBATE.

Præfuit Sorano monasterio hac dignitate ab
Ann. 1189. ad 1213. Anglus natione: multis e-
nim ex Angliâ monachis & Ecclesiasticis usi
sunt Dani, qvamdiu non tantam copiam Cle-
ricorum regna ipsa Danica suppeditare po-
terant, hinc & prædecessor Gaufredi, Simon,
Anglus fuisse scribitur.

(5.)

ET TOCHONE ET ACHONE.

Ambo Præpositi erant, sed Tocho Roschil-
densis Ecclesiæ, ut ex catalogo eorum, qvi So-
ræ sepulti fuerunt, manifestum evadit. Sic
enim ibi verba jacent: *ante hostium Ecclesiæ ja-
cer Dominus TILCHO Præpositus Roschildenſis*, erat
enim ex benefactoribus Sorani monasterii;
qui cum vixerit & adfuerit, qvando Absolon
Testamentum suum nuncupavit, facilè vide-
mus Saxonem Præpositum, cujus literæ ali-
quot meminerunt, circa Ann. 1180. & 1184.
apud Stephanum in notis ad Saxónem editæ,
jam

jam deceſſisse, & TOCKONI PRÆPOSITO locum feciſſe, ut ſucceſſori ſuo in hoc offiſio. Nondum occurrit mihi, qvando Saxo Præpoſitus Roschildenſis diem ſuum obierit, & Tocko ſucceſſerit, ſed apertè ſatis Stephanii ſententia convellitur hiſ ſindiſiis, qvi Sa-xonem Grammaticum & Historicum eundem cum Saxone Præpoſito Roschildenſi fuifſe, multiſ conatus eſt aſſerere, in proleg: ad Sa-xon: c. XI. Solum enim Saxoniſ Præpoſiti nomen non facit Saxonem Grammaticum vel Historicum noſtrum Præpoſitum. Plures fuere Saxones iisdem temporibus viuentes, ex quibus non niſi unus Præpoſitus Roschildenſis fuit, qui ſanè non fuit Saxo Gramma-ticus, prout contendit Stephanus: mansit e-nim Saxo Grammaticus Absalonis Archiepiſcopi Clericus uſque ad mortem ipsam Archi-epiſcopi, & diu poſt etiam in viuis fuit, ut aliqvando clariuſ docebo; cum Saxo Præpoſitus ante Absalonem vitâ exiiffet, & Tockonem hunc, qui teſtamento Absalonis nuncu-pando cum aliis adſtitit, ſucceſſorem acce-piſſet Præpoſitum Roschildenſem. Constat igitur ex hoc Teſtamento quoque Saxonem Grammaticum non fuifſe Præpoſitum Roschildenſem; neque enim deficiunt alia plurima, quibus hoc docere poſſem, niſi ab hoc loco aliena eſſent, & nimis diſfundere nos oportet, qui de Tockone Præpoſito diſquiren-dum ſumſimus, non de Saxone Grammatico.

Vocatur hic Præpositus *Tocho* & *Tucho*, ut audi-
divimus, sed cavendum est, ne illud cum Ty-
chonis etiam nomine confundamus: sunt e-
nīm Danis diversa nomina, *Tocke* & *Tyge* / nec
Latinorum flexiones aut scriptiones perversæ
sunt attendendæ, sed ipsa lingua Danica, quæ
in nominibus suis exprimendis & distinguen-
dis semper fuit & est accuratissima. Idem di-
cendum de ACHONIS nomine, quod hic
Tockoni conjungitur: multis apud Clericos
Latinos vexatum est illud nomen injuriis, nam
aliis est *AGGO*, *AKO* & *Hako* & *Hacho* & *Haqui-
nus*, aliaq; præterea hujus nominis detorta,
cum Danicum verum nomen sit *Ulage* & Nor-
vegicum *Haagen*.

(6.)

MAGISTRO JOHANNE. Vi-
de inferius notam 67.

(7.)

THORDONE CAPPELLANO.
Habebant Archiepiscopi Cappellanos Nota-
rios ac Clericos suos, qui scribenda observa-
bant in domo aut cappellâ, hoc est, Comita-
tu Archiepiscopi. Cappellanus erat totius
Cancellariæ caput, instar Cancellarii in aulis
Principum; quidquid enim Cancellarii Prin-
cipibus præstabant, illud Cappellani Archi-
episcopis. Quid? quod Cappellani & Archi-
Cappellani antiquiores sint in hoc munere,
quam

quām Cancellarii, & priū Regum aulas ac Episcoporum scribendi gratiā per Germaniam obsederint, qvod præter clericos initio ferè nullus secularium scribere didicisset. Sed postqvam ex Romano jure & aulā Cancellarii nomen prævaluit, Cappellani cœpit etiam apud Episcopos cessare. Sic qui Caroli M. temporibus Archicappellani scribebantur, paulo post Archi-Cancellarii in hunc usque diem cœperunt appellari. At non existimet quis hunc Thordonem Cappellanum esse Thordonem Degr/ vulgò cognominatum, qui leges Valdemari 2. Juthicas annotationibus perbrevibus illustravit: nec juvat, qvod Cappellani qvandoque Danis Degne vocati sint; nam primò non convenit ætas: Thordo Cappellanus Absalonis sub Canuto 6. Rege vixit; Thordo Degr sub Valdemaro 2do & quidem serā ætate, post promulgatam legem Juthicam Ann. Chr. 1240. qvō Thordo Cappellanus vix pertingere potuit: deinde qvod Thordo Cappellanus Absalonis Archiepiscopi fuerit Roschildensis, ut innuit Huitfeldii Chronicón p. m. 134: tertio qvod Degr vel Diaconus & Cappellanus haud idem fuerit: Degr enim & Diaconus Archiepiscopi ad Cancellariæ negotia admoveri non solebat, sed in Ecclesiæ officiis Archiepiscopum juvando aderat, Cappellanus verò in cappellā Archiepiscopi, ut in comitatu Principis Cancellarius vivebat, & scribenda regens & scripta.

(8.)

CAMERARIO SUO. Etiam illud nomen Episcopi à secularibus mutuati sunt, ne pompâ aulicâ secularibus ullo modo cederent; nihil enim adeò profanum, aut deliciosum, aut ostentatione plenum ulla aula suscepit, quin tandem Episcopi sibi convenire quoque crederent. Et cum Duces ac Reges thesauris suis Camerarios præponere ob amplitudinem ditionum & redditus mūltiplices tantum non cogerentur, Episcopi divitiis immensis velut præfocati, anginam istam Camerarios quoque sibi sublevare jussérunt.

(9.)

PUERIS SUIS. Hi pueri, pueri non fuerunt, sed obtinuit ista loqvendi formula de ministris alicujus aulicis junioribus & florētissimæ ætatis. Anglis dicebantur communī nomine *Thegni*, sive ætatis gravis essent, sive vegetæ, dignissimis officiis admoti, vel inferioribus: à veteri verbo Danico & Saxonico *tienne / deenen / in usum diuturnum deducti*: Olim apud paganos & initio Christianismi vox satis nota Danis, qui nihil freqventius in ore habebant, quām HERDA GUDAN THIAGN. Ecclesiæ Dei minister vel servus. Sed ab aula tandem penitus in Daniâ recessit vox, in Ecclesiâ retinent suos *Degne / qui sunt subministri velut Ecclesiæ: nec à diaconis Græcorum originem repetere debemus,*

quod

quod faciunt plerique; sed à veteri THIAGN factum est Degr: *Thiagn autem à thionne*, servire. Quotquot igitur in aulâ Regum & Principum serviebant, *Thiagni & Thegni* dicebantur, ex quibus juventute primâ conspicuos, Latinè loqui volentes Clerici, fecerunt *Pueros Germani Knaben / Edelfnaben*. nec solum hic reperitur, sed in multis Scriptoribus hoc sensu occurrunt *pueri* pro ministris & servis non contemptissimis. Et Chronicon quidem Seladicum parvum, quod nuper edidit Arna Magnæus Islandus, ita de Canuto Duce Slesvicensi p. 17. loquitur: *quem cum pueri sequi vellet, prohibuit eos: at cum illi dicerent, turpe esse quod Dux non solum sine pueris, sed etiam sine gladio incederet, &c.* Pueri ergo non fuerunt illi, qui consilia dare poterant & Duci suggestere. Sic quoque de Nicolao Rege Daniæ p. 19. habet. *Cum venisset prope Hetheby, dissenserunt ei comites & pueri sui, ne introiret illuc.* Sunt enim hi pueri his scriptoribus, quod olim Danis & septentrionalibus *Drenge / quos novimus juvenes robustos & nobiles fuisse, Virisq; similes, quamvis hodie ad minorem ætatem & viliores solum nomen illud sit restrictum:* Hinc enim *Drungarii* milites apud Græcos Constantinopolitanos nomen retinuerunt, idemq; fuerunt *Drenge / & formula, goden Drenge* apud Danos, quod *Karle* apud Suecos. In Anglicis Scriptoribus vocantur *Tyrones*, hoc est, qui nondum Milites facti erant, proximi

verò, ut fierent. Milites enim in aula dicebantur, qui ob officia & servitia sua, quæ præstabant, beneficio aut feudo quodam erant donati: Hinc sæpius occurrunt Milites feudati: Tyrones autem & Pueri illi sunt Nobiles, qui quidem serviunt, sed feudum aliquod nondum impetraverant, spe impetrandi viventes, servientes, & militantes. Nobiles enim fuisse illos *pueros* de quibus hic loquimur, nullum est dubium, quin & ætatis justæ juvenes, quia Testamento tanti Archiepiscopi ut testes adhibiti leguntur, quod non est puerorum minorennum aut vulgarium. Etiam veteres Romani voce *pueri* sic aliquando sunt usi: Plautus sæpiuscule, Curcul. Act. I. sc. I. v. 9. de Phædromo juvēne amoribus nocturnis indulgente, & eunte, quò *Venus Cupido* imperat suadetq; amor. *Tute tibi puer es*, inquit, *lautus lutes cereum* In Mostellar. Act. 4. sc. 2. v. 30. Theeuropides senex alloquitur servum & Phaniscum: *Heus vos pueri, quid isthic agitis? quid istas aedes tangitis.* Varro in Eumenid. *Vix vulnus confluit, non Furiarum, sed puerorum & ancillarum:* *Anchete und Mägde* dicunt Germani. Ita puellæ quoque dicebantur, quæ jam uxores erant, vel viduæ. Horat. 3. Carm. 22.

---- Laborantes utero puellas

Ovidius Fastor. 2. jubet --- viduas cessare puellas. Penelope ipsi dicitur puella, cum Ulyssi jam Telemachum dudum peperisset. Scævola J. C. puellam vocat, quæ erat vidua, & post

post alteri nupta: Agellius l. 12. c. 1. puellam vocat, quæ bis jam puerpera fuerat: ita ut puellæ fuerint, quamdiu jnvinculæ. quidni quoque pueros appellare liceat, quamdiu viridis est juventa & γόνυ χλωρὸν, adeò ut pueri hoc loco sint, quos nostrâ lingvâ junge Herren vel Gunderen vocare solemus: Scälcke veteribus Danis dicti & Germanis propriè, quamdiu vox illa in meliorem partem sumta fuit, ita ut non simpliciter servi dicti sint tales pueri, sed Scälke nobiliorem servitutem servientes. hinc in leg. Burgund. tit. 49. §. 4. *ad pueros nostros, qui multam per pagos exigunt, juss eramus adduci: hi pueri Danis dicebantur Whytescalke, & Germanis, sicq; in eadem lege titulus 76. incipit DE WITTISCALCIS. pueros nostros, quæ iudicia exsequuntur, quibusq; multam jubemus exigere.* Illo igitur nomine gaudebant isti pueri, qui sanè pueri non erant, sed satis adulti, officio sibi mandato pares. Soli Marescalci nomen vetus retinuerunt, atque quid primum fuerint vox ipsa docet, inter pueros nempe Regis eos apparuisse, donec tempus dignitatem illustrem magis reddidit, & ad hodierum splendorem Marescalcos evexit in aulis. In lege salicâ tit: 14. leges: *Si puer Regis vel Litus ingenuam fœminam traxerit, hoc est, raptum commiserit, de vita componat.* & in l. Riu-
puar. tit. 53. §. 2. *Si Regius puer, vel ex tabulario, ad eum gradum adscenderit Capitul. Karoli & Ludovic. Impp. l. 6. c. 319. eadem ratione;*

cuius

cujs vindictæ reus sit puer ante Dominum suum, qui uxorem Domini sui adulterio violaverit. Ita quoque Gregorius Turon. Hist. l. 3. t. 5. lorum sub collo positum ac sub mento ligatum, trahentibus ad se invicem duobus pueris, suffocatus est. ex quibus quomodo pueri sint intelligendi satis percipimus; fuisse nimirum juvenes nobiliores veteribus Danis & Germanis Scalcos dictos. Sicq; optimè distingvi poterunt *Whitescalki* à *Whytetheovnes*, qui occurrunt in legibus Athelstani Regis c. 3. apud Bromtonum p.m. 841. Sunt enim *Whitescalki* ut andivimus, ministri Regis, qui multas exigunt: *Whytetheovnes* verò servi poenæ, vel ut explicat lex servus forisfactus, qui ob maleficium suum in servitutem redactus fuit: neque etiam *Whytethegnes* legendum est, ut Bromtonus voluit, quia *Thegni* nomen honoris est apud Anglos, sed *Theovnes* relinquendum, qvamvis & *Thegni* & *Theovnes* ex eadem radice provenerint, tienne/ Danis; dienen/ Germanis.

(10.)

HENRICO CONVERSO DE SORA. In omnibus ferè monasticis scriptis Conversorum Fratrum fit mentio, qvi cum monachis unà vixerint, nemo tamen qvid sint, cur ita dicantur & distingvantur à reliquis, annotavit: an sint illi, qui Laici Fratres, Laybrifs der/ hodie vocantur, an verò alii? Reperiuntur sanè apud Carthusianos & Bernhardinos, qui

qui CONVERSI ideo ipsis dicuntur, quod mundum relinquant & monasteriis se tradant, conversi ad meliora & tranquilliora à turbulentis seculi negotiis, Patribus & Fratribus istorum ordinum servientes, habitu etiam & colore distincti à cœteris Fratribus, quibus serviunt, suntq; ut dixi, similes illis, qui in aliis cœnobiis Layenbrüder appellantur. nullis literis imbuti ad Theologiam & sacra pertinentibus. Erat Sora ejusq; Cœnobium Bernhardinis Fratribus & Patribus ab initio dictum, hinc etiam *Conversi* leguntur inibi fuisse, & quia servi monachorum, etiam post ponuntur pueris Absolonis.

(II.)

FIALENSLEVE. Puto esse idem prædium quod FIENNESLÖF LILLE vocatur in Catalogo MScr. eorum qui Soræ sepulti sunt; ubi dicitur, Absalonem inde *transtulisse ossa Dni Schelmonis Huide avi sui, & filii ejus Tuchonis de Ecclesiâ Fienneslöfille in Ecclesiam nostram*, id est, Soranam, adeò ut prædium illud *Fia-*
lensleve seu *Fienneslöf* videatur fuisse paternum & hereditarium in Absalonis familiâ, ideoq; Fratri Esberno relictum. Supersunt adhuc ista prædia, vocanturq; *Fienneslöf magle*, & *Fienneslöf lille* in Selandia non procul Sorâ. *Magle* enim significat majus in his oris, ut *lille*, parvum, jungiturq; pluribus prædiis, quæ se distingvere cupiunt ut *Agli magle*, *Steen magle*, &c.

&c. Sicq; videmus quid Roskildiæ *Magle Kilde* significet, fontem scilicet majorem, cum qvo cœteri comparati ejusdem loci, minores sunt; ob illos enim fontes ibi scaturientes Roskildiæ nomen emersit, majoribus & minoribus fontibus celebre, adeo ut quæ hactenus etymologia placuit, quasi *Magle Kilde*, sit fons Magdalena, ex corrupto fonte petita sit, ab iis, qui quid magle Danis antiquis sit non intellexerunt.

(II.)

MONASTERIO DE AAS. Aas monasterium situm in Hallandiâ, ab Eskillo Archiepiscopo Lundensi fundatum legitur, & à Valdemaro Episcopo Slesvicensi dotatum. Eskillus sedet ab Anno 1138. ad 1178. Conjicio illud fundatum esse circa Ann. 1165. & Soranos monachos primam illuc coloniam deduxisse dicto anno, secundam qvoque Soranos Anno 1195. delegasse, sicq; legendum apud Huitfeldium p. m. 148. Siden sente Sorøe een Sverm Munk fra sig til Aas i Halland Aar 1165 (pro 1195) Nam p. 162. Ann. 1195. secundò Soranos monachos ad Aas monasterium concessisse monet. Aar 1195. sende Sorøe Kloster atter een Sverm Munk af S. Bernhardi Ordentil Aas Kloster udi Halland. Hæc causa fuit Absaloni, cur Aasensi Monasterio benefaceret, & legata præcipua relinqueret, qvod veluti mater esset Sorana Ecclesia, & per il-

lam.

Iam Aafense cœnobium incrementa sumfisset.
Ab hoc Cœnobia tritum illud in his regnis,
Hallands Aaf exsttit; etiam extra Hallan-
diam plura loca sic denominata memini.

(13.)

DONAVIT ET SCOTAVIT.

Hic vides verbum Danicum *ſtigde* Latina
lingva donatum esse. Sæpius enim reperitur
in antiquis Scriptoribus. Est autem Scotare
& *ſtigde* idem quod tradere, & in alterius
potestatem ac dominium rem transferre: pa-
tet hoc ex literis Christierni Episcopi Ripen-
sis circa Ann. 1298. datis apud Huitfeldum,
ubi dicit, *ſe contulisse & ſcotaffe, & ſub reali po-*
ſeffione tradidiffe bona jure perpetuo poſſidenda.
Unde vero hæc traditio, *Scotatio*; & *ſcotare*,
tradere dici cœperit, explicandum est: non
enim est nullius momenti, sed antiquos tra-
dendi ritus apud Septentrionales & Germa-
nos, imò apud Celtas omnes, complectitur.
Celtæ enim, quia ſcriptioni ac literis non stu-
debant, sed hanc *παγδειαν* à ſe ſemper alieni-
ſimam eſſe oportere judicarunt, contractus
tamen, ut firmi eſſent & bonæ fidei, ſemper
curarunt, eóq; fine signa quædam loco ſcri-
ptionis adhibebant, quæ teſtarentur rite con-
tractus impletos & perfectos eſſe, tradenda,
tradita; facienda, facta eſſe, & promissa ſo-
luta. Inter hæc signa erant *ſtipulae*, unde ſti-
pulationes Romani juriſ nomen retinuerunt,
& ſti-

& stipulatæ manus dicebantur, qvæ stipulam
 tradebant, qvæq; recipiebant: stipulatâ manu
 promittere dicimus eos, qvos optima fide præ-
 stare promissa credimus, manus jungentes,
 einander die Hand darauff geben / qvamvis ho-
 die stipula absit, qvæ qvondam promittenti-
 bus adesse debebat, si stipulatâ manu qvid fe-
 cisse dici vellent, sic qvoq; festuæ & exfestuca-
 tiones. Fuerunt enim Romanis qvoq; tem-
 pora, qvando sine scriptione ullâ in rebus
 tractandis versati sunt, solis verborum obli-
 gationibus & signis concomitantibus, ac me-
 moriam rei gestæ tuentibus contenti. Ita
 septentrionales qvoq; signis, maximè ob-
 viis, & qvibuscunq; in sinum aut gremium
 contrahentium conjectis, contractus imple-
 bant, sive stipulæ essent, sive virgulæ & ta-
 leæ, vel terræ pugillus, & cespes, vel claves,
 chirothecæ, vel alia: Omnia enim, hujus-
 modi in gremium alicujus missa signa erant
 contractus qui præcesserat, & ritè jam ad fi-
 nem perductus erat, ideoq; signis his in judi-
 cio productis nulla fides denegari solebat aut
 poterat. Hoc illud est, qvod Dani voca-
 runt at *skiode*; & qvamvis ritus illi perierint,
 in gremium conjiciendi, aliiq; ritus nunc ob-
 serventur contrahentium, vox tamen illa-
 antiqva mansit in hodiernum diem, ritè e-
 nim ut contractus perficiatur, adhuc dicun-
 tur contrahentes at *skiode* vel *scotare*. *Skiod*
 notum est esse gremium & sinum excipientis
 ali-

aliquid, *Scot*, Germanis, Saxonibus & Belgis;
Schoos superioribus Germanis; hinc *Skiode*
& *scotare* in gremium alicujus aliquid conjice-
re, contractus perficiendi causa; at *skiode* sit
Barn infantem suum gremio excipere: At *skiode*
hannem *Huus* / *Ager* / og *Eng*: *domum, agrum &*
prata alicui tradere in dominium. Saxones &
Franci hunc ritum *scotationis* etiam alio voca-
bulo expresserunt; vocarunt enim *lesowerpum*,
qvod tamen eodem redit cum scotatione;
composita enim vox est ex *Lise* veteri Danic-
co vocabulo, & in usu hodienum manente,
quo gremium significatur, & qvidem gremiu-
mum inferius ad alvum, qvæ pars corporis ap-
ta nata est ad colligenda & excipienda omnia
à sedentibus, ideoq; à *læse* & *læse* nomen reti-
nuit, qvod in eum simum colligantur omnia,
scribiturq; propterea & *Laifum* & *Lesum* Jun-
ctum verò *werpum* itidem Germanicæ origi-
nis vocabulum est, *werpel* jacere, conjicere, een
Werp & *Worp* / *jactus*, hinc *werpum* Latinâ
flexione, & *laiso werpum*, *jactus* in gremium,
et *Skiode* Danicè, *scotatio*. Huc spectat to-
tus titulus Legis Salicæ XLVIII. apud Linden-
brogium, qvi qvoniam totam rem explicat
& notabilis est, afferri debet. Sunt autem ejus
verba hæc. *Hoc convenit observare, ut Tunginus*
vel Centenarius, mallum indicent, & scutum in ip-
so mallo habeant, & tres homines causas tres de-
mandare debent in ipso mallo, & requiratur postea
homo, qui ei non pertinet, & sic festucam IN LAI-

SUM jactet, & ipsi, in cuius laisū festucā jactaverit, dicat verbū de fortuna suā, quantum ei voluerit dare. Loquitur hæc lex de exfestucatione bonorū & fortunarum, quas quis alteri donare vult, heredem eum instituendo. Pergit igitur: Postea ipse in cuius laisum festucam jactaverit, in casā ipsius manere, & hospites tres suscipere, & de facultate suā, quantum ei datur, in potestate suā habere debet & postea ipse, cui creditum est, ista omnia cum testibus collectis agere debet: postea aut ante Regem, aut in mallo legitimo, illi cui fortunam suam deputavit reddere debet, & accipiat postea festucam in mallo ipso ante duodecim menses, ipse quem heredem depnavit, in laisum suum jactet, & nec minus nec maius, nisi quantum ei creditum est. Et si contra hoc aliquid dicere voluerit, debent tres testes jurati dicere, quod ibi fuissent in mallo, ubi Tunginus vel Centenarius indixerunt, & quod vidissent hominem illum, qui fortunam suam dedit in laisum illius, quem jam elegerat, festucam jactare, & nominare illum debent, qui fortunam suam in laisum electi jactavit, nec non & illum, in cuius laisum festucam jactavit, & heredem appellavit, similiter nominent. Et alteri tres testes jurati debent dicere, quod in casā illius hominis, qui fortunam suam donavit, ille in cuius laisum festucam jactavit ibidem mansisset, & hospites tres vel amplius collegisset & pavisset, & ei ibidem gratias egissent, & in beudo suo pulles & testes collegissent. Ista omnia alii tres testes jurati dicere debent, quoniam in mallo legitimo, vel ante Regem, ille qui accepit in laisum suum

suum fortunam in mallo publico, hoc est, ante Theada vel Tunginum fortunā illam quem heredem appellavit, publicē coram omnibus festucam in laisum ipsius jactasset, & hec omnia novem testes debent affirmare. Videmus hic ritus omnes in scotationibus observari solitos, qvando qvis fortunarum suarum heredem aliquem eligere & instituere optabat. Sic quoque in aliis alienationibus locum habebat *Skiðe* & scotatio, seu *laisowerpum*, ut in legatis, hoc loco, quæ quamdiu in prædiis & agris erant, additur, *donavit* & *scotavit*. cœtera bona mobilia dare & donare solum sine scotatione legitur Absalon noster. Formulæ quoque Marculfi de his laisowerpis loquuntur ut form. 43. *de lesowerpo per manum Regis.* & in ipsâ formulâ nobis per festucam visus est *lesowerpisse* vel *condonasse*. & mox: nobis voluntario ordine visus est *lesowerpisse* vel *condonasse*. h. e. testes adfuerunt videntes, qvod in sinum Regium festucam miserit, & donationem suam sic perfecerit, ita ut nihil potuerit esse firmius aut stabilius quam coram Rege *laisowerpire* vel *scotare*, vel per manum Regis: unde formulæ dictæ initium tale est. *Quidquid in præsentia nostrâ agitur, vel per manum nostram videtur esse transvulsum, volumus & jubemus, ut maneat in posterum robustissimo jure firmissimum.*

(14.)

AD MENSAM CANONICORUM. Pecu-
D 2 lia-

liares villæ & prædia ad sustentandos monachos olim & clericos, in monasteriis & collegiis destinare solebant, quoniam Cœnobitæ erant, ex communi mensâ ac quadrâ viventes, ita ut ubicumque magnus numerus Fratrum, ejusdem mensæ & convictûs degabant, multa quoque prædia necesse esset servire, isti numeto alendo sufficientia, Hinc Zaffelgütter apud Germanos, Regum & Principum mensis destinata bona, à quibus didicerunt monachi & collegia Clericorum ac Presbyterorum, mensæ suæ, ut lautior multo multoq; evaderet, donariis conquisitis indies consulere, qvæ sanè mensæ γασέρας ἀργύρας illas produxerunt, quas in pluribus Collegiis Pontificiorum observare licet. A Persis hic mos primò manasse creditur; illi enim alia prædia mensæ, alia vestibus, alia venationibus dicasse leguntur.

(15.)

ESBIRUTH. Puto esse eandem vil-
lam, qvæ vocatur *Esperöd*: in quâ circa Annum 1329 adhuc Archiepiscopus Carolus Lundensi Capitulo curiam unam donavit, ut ha-
bet *Chronicon Episcopale Huitfeldii*.

(16.)

SAXULSTORP. Non frustra vide-
tur additum *in Rumâ* ut distingvatur scilicet
ab aliâ Ecclesiâ Saxeldorp, qvam Isarnus Ar-
chie-

chiepiscopus A. C. 1305. eidem Capitulo Lundensi contulit: & diversæ Ecclesiæ, ejusdem licet nominis, esse debent, neque enim quæ jam semel donata acceperant, rursus donata potuerunt agnoscere Fratres illi ac Canonicci.

(17.)

F R A T R I B U S. Hodie Canonici Fratres desierunt appellari, in primis Canonici cathedralium Ecclesiarum, qui Thumb- Herren malunt & Domini dici. Nec more Fratrum amplius Canonici vivunt, ut junctim prandeant, junctim dormiant, sed quilibet sibi domum & curiam structam habet, ubi laetusculè vivant; in Choro tamen Fratres, nisi ubi vicarios substituerunt, qui horas canonicas eorum nomine peragere & observare tenentur, ipsis, cum lubet, otiosis. unde Patres potius quam Fratres malunt & esse, & dici, recesseruntq; Canonici ab iis moribus antiquis multum, ubi canonico ordine & monastica competentiâ vivere jubebantur, ut est in foundatione Bremensis Ecclesiæ Caroli M. apud Adamum Bremensem l. i. c. 10. & in aliis Ecclesiis, quamdiu opes & bona donata nondum affluebant, vitamq; segregem lautam & unctam minus concedebant; tunc enim Fratrum titulus satis placuit Canonicis & sufficiebat, nec Pater quisquam eorum audiebat, nisi solus Episcopus; unde Liemaro Archiepiscopo Hamburgensi Adamus Bremensis

historiam dedicans, BEATISSIMO PATRI inscripsit, & in Ecclesiâ Lundensi perseveravit Fratrum titulus adhuc, quippe quos prius Canonicos, hic verò Fratres Absalon Archiepiscopus appellavit, ita ut distingvenda sint tempora sequentia, quibus FRA TRUM nomen inter Canonicos eviluit. Vix Monachi pergunt Fratres appellari in monasteriis, cum plures eorum PATRES quoque dicantur. Hinc vita Anskarii calamo Remberti composita sic incipit. *Sanctissimis, & in Christi amore precipua veneratione recolendis PATRIBUS ET FRA TRIBUS in sacratissimo Corbejæ monasterio adeò illorum Fratrum quoque gratia & cordia rara est.*

(18.)

UTRIUSQUE CORONÆ. Intelligit lychnuchos & candelabra illa brachiis in coronam cincta & diffusa, atque in Ecclesiis nostris suspendi solita: eorum fuisse duo in Ecclesia Lundensi indicat, quibus ceram & cereos hoc legato procurat, & Danicâ ac Germanica lingvâ vocantur aut simpliciter Kroner/ Kronerne i Kirken/ aut ut clarius distingvantur à cœteris coronis, addi solet Liusekroner/ Lüchtkronen. Ex orichalco plerumque fusa videoas, & ad majorem ornatum ac splendorem etiam ex argento; quod quoque conatum esse Absalonem, Archiepiscopum in suâ Ecclesiâ audiemus infra.

(19.) MO-

(19.)

MONASTERIO B. LAURENTII.

Indicatur Lundense monasterium adjunctum Ecclesiæ Cathedrali; tota enim Domus Lundensis, Ecclesia cum Monasterio, S. Laurentio Martyri dicata fuit, nomenq; ejus præferbat. exstant æreoli nummi, qvi pañim effossi sunt, cum crate Laurentii, indicantes se prodiisse ex moneta Episcopali Lundensi. Novimus enim in martyrologiis annotatum esse, B. Laurentii martyrium peculiare & excoxitatissimum fuisse, eumq; crati impositioni ignibus subjectis tostum jacuisse, hosq; cruciatus adeo spretos à constanti & Sancto Viro, ut mediis in flammis exclamaverit, jussuritq; in alterum se latus verti oportere, quod alterum jam satis tostum sibi videretur. ideo hi nummuli cum crate sunt.

(20.)

QVATUOR MARCAS ARGENTI. De Marcis nunc nihil dicam, earum nomen Danicum esse, & ex septentrione primum ad omnes, qui marcis vel usi sunt, vel haçtenus utuntur, pervenisse. Marca autem argenti est sedecim semunciarum pondus argenteum, nostrâ monetâ octo unciales thaleros reddens, ita ut quatuor marcæ argentî faciant 32. unciales, & quæ seqvuntur centum marcæ sunt 800. unciales thaleri, & qvinqua-

D 4

ginta,

ginta, quadringenti. Hæ sunt marcæ argenti,
 Mark Gølf: aliæ erant marcæ denariorum,
 Mark Penge, exstantq; inter nostras marcas,
 marcæ denariorum Scaniensis monetæ, aliæ
 Selandensis, aliæ Jutensis. Scanienenses denarii
 & marcæ, Absalonis hujus temporibus, præ-
 pollebant Selandicis altero tanto, & diu post
 etiam. Quatuor marcæ denariorum Scani-
 ensium, octo verò marcæ denariorum Se-
 landensium, requirebantur ad unam marcam
 argenti conficiendam, ita ut uncialis thalerus
 apud Selandenses id temporis fuerit marca
 denariorum. duo verò unciales apud Scanien-
 ses marcam denariorum Scaniensium red-
 debant. Et quia sedecim denarii faciunt
 marcam denariorum, videmus quemlibet
 denarium Scanensem argenteum valuisse ho-
 diernæ monetæ sex asses Lubecenses, atque
 sic æqvales fuisse denariis Romanis: denarios
 verò Selandicos valuisse tres asses Lubecen-
 ses, seu quinarium Romanum. Hæc tunc
 temporis erat magnitudo & pondus denari-
 orum Scanienorum ac Selandensium. Valde-
 mari l. denarios non semel vidi, pondere di-
 midiae drachmæ, vel trium assium Lubecen-
 sium singulos: at Scanienis ponderis drach-
 males denarios nulos: unde haud statim col-
 ligitur, eos illo pondere nunquam cudos fu-
 isse, quod nusquam hodie extant, vel in
 Germaniâ, vel in Galliâ, vel in Angliâ, vel
 in Daniâ Sveciâve, Romanis licet salvis &
 super-

superstibus: & trium assium denariis vetustis passim in dictis regionibus occurrentibus. ut nulla causa sit , cur denarii drachmales horum populorum non etiam servati essent. Et fateor hanc rationem valde stringere contra denarios Scanienses & Slavicos; nam & hi ejusdem ponderis erant , ita ut qvatvor marcæ Slavicæ facerent marcam argenti. Novimus tamen veteres denarios, in primis argenteos, conquisitos fuisse sedulò, qvoties novi denarii cuderentur, & ad monetam editis severis propositis redire debuisse, ne nunc addam de argentariorum opificum officinis, qvæ argenteos nummos omnes ex quibus lucrum sperare possunt, conflant & disperdunt. Ab illis hominibus præcipua nummorum calamitas fluit, illi nummos omnes absumunt alicujus frugi vel pretii, Regesq; cogunt ac Principes tot monetas adulteriis fœdere, cum his harpyis alijs non possit occurri. Non aureæ messes ullæ, non ulla Gargara aut montes auri vel argenti in nummos conclusi, ab istis lucripetis tuti erunt , vel sufficient. sic ut mihi mirum non videatur tam paucos nummulos veterum Danicorum superesse , & qvi supersunt, esse ex vilioribus, qvod præstantiores dictorum argentariorum avaritia jamdudum inhians uncis manibus traxerit. Neqve tamen existimet aliquis, cum marcas argenti & marcas denariorum. hic legit, unum aliquem nummum cusum.

D 5

tunc

tunc temporis fuisse, qvi marcā argenti & marcæ pondus in argento repræsentaret: minime gentium. supra denarios tunc nulli nummi cudebantur: cœtera nomina numerorum pondus erant, nihilq; præterea: sic denarii Scanierenses sedecim marcā denariorum reddebat, denarii 64. marcā argenti: denarii Selandici 16. marcā denariorū constituebant, & denarii numero 128. marcā argenti; erat enim, ut dixi, Selandicus denarius Scaniensi dimidio minor. Civitates Hanseaticæ, Lubeca, Hamburgum, Wismaria & Lüneburgum primæ fuerunt, qvæ marcæ nomine nummum produxerunt, A. C. 1506. non ante. qvæ erat marca denariorum Lubecensis aut Slavicorum, non verò marca argenti: sedecim enim asses Lubecenses tunc illum nummum etiam ingrediebantur, sed multò minores qvam olim. neque enim hæc marca denariorum continebat nisi 32 asses hodiernos Lubecenses, ita ut denarii Lubecenses illo tempore fuerint duorum assium hodiernorum, sicq; Anno 1506. denarii recesserint ac defecerint duabus partibus ab antiquis. Hic nummus dicebatur *Markstück*, qvorū duodecim marcā argenti faciunt. Superfunt enim adhuc illi nummi, sed vix istos prædones argentarios effugiunt, primæ monetae præprimis, qvod illi secundis & tertiiis sequentibus fuerint puriores. Illæ enim Ci-

vita-

vitates tunc marcam denariorum ad peculiarem statum redegerunt, & loco denariorum scillingos sedecim marcæ denariorum tribuerunt, scillingo verò cuiq; denarios duodecim, unde postmodum scillingum fecerunt, ita ut denarii 2304. scillingi verò 192. marcam denariorum effecerint, duodecimq; marcæ denariorum unam marcam argenti: Hic erat STATUS MARCÆ LUBECENSIS Seculo priore, ad qvem redacta fuit per dictas Civitates, quæ propterea nummo huic inscribi curarunt STATUS MARCÆ LUBICENSIS 1506. Recesserunt verò paulatim ipsi ab hoc statu, nullam aliam ob causam qvam veterem illam, argentariis istis argentum omne eripientibus, crescente luxu supellectilis cum divitiis civium, donec ad dimidium marca etiam illa prolapsa sit, hodieq; 24. marcæ denariorum, 384. scillingi, denarii verò 1608. Lubecensis moneta ad marcam argenti explendam reqvirantur.

(21.)

MIDSOMMERS GILDE. Midsommer tempus est mediæ æstatis mense Junio & circa festum S. Johannis. Gilde est à Gielde censu quem solvere debent. Germani vocant eadem ratione die Gültten.

(22.)

PROPTER JUSTITIAM EXSULANTI. Archiepiscopus ille Ericus dictus est

Cæcilius,

Cæcus, qvod oculorum vitio laboraret; sponte suâ exsulatum abiit in Daniam, nemine cogente, Sverro M. Rege Norvegiæ æqvas conditiones volente, qvas cum accipere nolent, nec Archiepiscopus, nec Episcopi, ut Reges Daniæ & Sueciæ in eum concitarent cessabant, exilio arrepto eò citius commotos iri Reges sperantes. Hæc causa est, cur legata Archiepiscopo & Episcopis Norvegiæ Absalon hic nuncupet, quia tunc aderant omnes in Dania. Sverrus ab Anno 1178. regnum capeſſere cœpit. Ericus Archiepiscopus in Catalogo Episcoporum Nidrosiensium electus ponitur ad Ann. 1184. Mox à Huitfeldio Sverrus ad Ann. 1195. mortuuſ scribitur: qvod sanè ſi verum eſſet, omnis hæc chronologia Testamenti Absalonis concideret, & ante Annum 1195. nuncupatum fuifſet, ſi quidem Episcopi Sverro mortuo redierunt protinus in Norvegiā ad suas Ecclesiās. Illud igitur Hvitfeldio imposuit historia qvædam minus fida, qvid pro qvo qvæ ſolet arripere. Verum tamen eſt hoc Anno 1195. die Sanctorum Petri & Pauli Sverrum publicè primū coronatum ac proclaimatum eſſe Regem Bergis, teſtante Chronico Norvegico p. m. 524. niſi quod perperam Annum addiderint in margine 1194 ipsa enim verba. Om Baſren derefter h. e. victoriam Sverri contra Sigurdum Magni excipiente; Victoria ſanè illa Anno 1194. Sverro obtigit, ergo vernum tem-

tempus qvod seqvitur est Anni 1195. qvo comitia Coronationis suæ Sverrus indixit ad diem Petri & Pauli. Verior igitur est sententia Chronicorum Norvegicorum, Sverrum obiisse ad A. C. 1202. 8. Idus Martii Bergis. coronatum esse 1195. die Petri & Pauli, coepisse regnare 1178. Sverri temporibus ita constitutis, jam etiam de Episcoporum temporibus ad hæc Testamenti verba elucidanda qvædam afferamus. Dux Ericum electum 1184. Oysteno Archiepiscopo adhuc vivente, qvod ille viribus defectus muneri haud amplius superesse posset; mortuo deinde Oysteno circa Ann. Chr. 1186. durantibus adhuc seditiobus & partibus, Electus mansit Ericus usque ad Ann. 1188. qvando Româ pallium petuit & impetravit. Sic constitutus Archiepiscopus cœpit Sverro se variis modis oppondere; qvæ cum Sverrus valde moderatus & mitis exciperet, hominemq; sedare cuperet, ille tanquam oleo affuso flamas flammis addidit, & incendia incendiis, ita ut Sverro necessitas dictaret acrius contra ire, & hæc imperia circumscribere, qvæ non ferens Archiepiscopus, circa Ann. 1191. excessit, evasit, erupit, in Daniam. Hæc illa est JUSTITIA, ob qvam exsulare hic dicitur, & legatis Archiepiscopi Absalonis non parum recreatus invenitur. Cœteri tamen, qui hic nominantur Episcopi Norvegici, non cum Archiepiscopo exsulatum iverunt, sed post Sverrum

rum coronatum 1195. aut 96. in Daniam quoque ad Archiepiscopum perrexerunt , tantumque effecerunt suis inspirationibus , ut Canutus Rex Daniæ exercitum contra Sverrum miserit in Norvegiam , qui victor magnis calamitatibus Norvegiam attrivit , donec ad Ann. 1201. cæsus adeò fuit à Sverro , ut respirare rursus non potuerit . Hæc Chronicon Norvegicum docet , & addit p. 530. Archiepiscopum & Episcopos non rediisse ad sedes suas in Norvegiam ante Ann. 1203. Sverro mortuo , & Haqvino ejus filio regnante , ac cum Episcopis transigente : sicq; rursus evincitur Testamentum hoc Absalonis non nisi circa finem vitæ ipsius conceptum fuisse.

(23.)

NIGELLO EPISCOPO. Is An. 1190. Stavangriensem Episcopatum sortitus erat , & 1196 cum Nicolao Aslöensi Daniam petebat . *Nield* vocatus in Chronico Norvegico , sed in Catalogo Episcoporum Stavangriensium apud Hvitfeldium & male nomen se habet , & annus adjectus 1185. vocatur enim Nicolaus , qui est Niellus , Nigellus & Nialus , nomen Norvegis non ignotum: etiam in Chronico Norvegico erratum est , quando redditum ejus p. 530. adducit , ubi *Niels* impressa habent pro *Nield*

(24.) IV-

(24.)

IVARO HAMARCO ENSI. Hinc discimus oppidum primarium Hammerensis Dioeceseos illa ætate non *Hammer*, sed *Hammerkiøbing* dictum fuisse, vulgus tamen, cui omnia verba, si liceret, sunt monosyllaba, (ita omnia contrahunt) *Hammer* potius vocarunt quam *Hammerkiøbing*.

(25.)

NICOLAO ASLO NENSI. Legendum *Asloensi*, Norvegis *Opslœ* hodie est *Christiania*, post quam Christianus IV. illam transposuit & nitidius ædificari curavit, quæ ut diutissimè floreat exopto, quoniam civitas mihi patria est, quam puer nondum biennis & ex uberibus adhuc pendens reliqui, nec postea videre contigit. Nicolaus autem Episcopus princeps facile tunc erat Episcoporum, qui Episcopatum suscepserat Anno 1190. & ceremoniis Coronationis Sverri Anno 1195. præsidebat, Nicolaus Arneson in Chronico Norvegico appellatus: cui legatum unctius propterea contulit Archiepiscopus, quod prudentiâ in rebus gerendis cœteris exercitior esset, & acceptior, licet ultimo loco inter Episcopos ponatur, quod post cœteros Episcopatum adeptus esset.

(26.)

CIFFUM ARGENTEUM. Ciffus hic pro scypho ponitur, Danicè dicitur een
Skaal

Glaal propriè: cuius figura vasis qvalis sit neminem nostrum latet, facilius tamen oculis qvàm calamo describitur. Alii enim scyphi in pateræ formam minùs profundi, nec gibbo satis conspicuo intelliguntur; alii majores & profundiores gibbosioresq;, plerique rotundi & patentes; qvâ scilicet formâ maximè differunt à cœteris poculis, qvæ & sunt altiora, & minùs patent scyphis. Græcæ originis est vocabulum & antiquitatis magnæ, Homero satis cognitum; qvod ipsum qui à Scythis factum esse scyphum & derivari crediderunt, satis confutat, inter qvos Græci ipsi hallucinati sunt, & in primis Athenæus l. XI. Neque enim Scythæ Homero aut Hesiodo noti aut dicti sunt, σκύφοι verò sunt, adeò ut Scythis ipsis antiquius nomen sit scyphi. Melius fortè apud eundem Athenæum divinarunt, qvi δέ της σκαφίδες scyphum denominatum voluerunt, qvod plerique scaphiæ figuram imitarentur: sed cum scaphia dicta sint ista vasa peculiariter, haud etiam isthuc scyphorum originem referre licet. qvin etiam scyphi scaphiis priores sunt, ut jam dixi, adeò ut originem antiquiora à seriis accendentibus petere non possint. Eustathius mihi videtur optimè δέ τις κύφος & à gibbo deduxisse, sunt enim scyphi ferè omnes ὀπισθόκυφοι, & gibbum insignem convexum, qvi concavo suo respondeat, præferunt

runt pede humili addito, cui gibbus innititur. Homero est τὸ σκύφος neutro genere, ut & Phædimo & Theocrito.

Δερδέου σκύφος ἐνὶ μελιζωροῖ πόλοῖ
ut antiquitatem primi orbis elucere in scypho ligneo videamus, cum nondum argenti-
aut auri aut æris aut stanni tanta copia sup-
peteret, sed linea ferè suppellex omnis suf-
ficeret. Tibullus qvoqve faginum scyphum
commemoravit l. i. Eleg. 10. v. 2. Ad for-
mas varias scyphorum pertinet Stesichori
σκυφίον δέως, poculum scypho simile quod tam
poculum qvām scyphum refert, & ὁσκύ-
φα apud Athenæum, qvæ ovoruni figuram
repræsentarunt: qvales scyphos etiamnum
hodie servamus. Cur verò hic Ciffi extent
non scyphi, ex pronunciatione & scriptione
diversâ manavit. Quidam enim SCI. pro-
nunciant ut ZI. & CI. sic SCIRE, NESCI-
RE emolliendo pronunciamus, cum σκυ-
φωτὸν nimis videatur per SKIRE, & NESKI-
RE illud efferre. Interim Græcissant multa
verba, & more Græcorum exprimuntur, ut
Scyphus, *Scythæ*, *Sceptici*, quæ quoque Latinif-
fiant apud multos, ut *cypbos* & *cifbos*, & *Cy-
thas* & *Ceplicos* pronunciari audiamus potius,
ne dura sit nimis pronunciatio, sed delicati-
or auribus illabatur, idq; ad scriptionem e-
tiam extenderunt, præcipue in verbo CIF-
FUS,

FUS, ubi φ. Græcum f. Latino gemino compensarunt quoque, nam & Græcè dicitur σκύπαφος Hesiodo

πλήσιας δ' αργύρεον σκύπαφον Φερέ δῶκε δ'
αναστήσει

Hinc igitur Cippi in hoc Testamento scripti exstiterunt,

(27.)

SCUTELLAS ARGENTEAS.

Cicero scutellæ voce, usus est, sed aliâ significatione, qvam huic loco convenit: sumitur enim Ciceroni pro poculo ex quo pròpinqnatūr; Tuscul. qvæst. Eripiamus huic ægritudinem; quomodo? collocemus in culcitram plumeam, psalteriam adducamus, hedychrum incendamus, demus scutellam dulcicula potionis, aliquid provideamus & cibi. Delicatulo delicata maximiè verba dat, hinc illa scutella Ciceroni nata, & dulcicula. Nam ad cibos apponendos non scutellam reqvirit sed vas aliud: differt ergo Ciceronis scutella ab his nostris. Scutulâ tamen Martialis usus est pro patina & paropside qva cibi apponuntur, comparat enim eam cum lancibus & gabatis. I. XI.

Sic implet gabatas paropsidesq;
Et leves scutulas cavasq; lances.

qvin & I. 8.

Bessalem ad scutulam sexto pervenimus
anno.

Pati-

Patinas ergo significat scuto similes, quin enim scutulæ & scutellæ ex scuto descendant, nullum est dubium, adeò ut Cicero quoque l. 2. de nat. Deor. scutulum dixerit pro parvulo scuto. Hodie scutulæ & scutellæ pleræque sunt rotundæ, olim oblongæ ad scuti Romani formam, unde dictæ sint. Sic araneæ tela dicitur Plinius scutulata, l. 11. c. 23. ubi lacunæ oblongæ in retibus apparent, non rotundæ planè, ut volunt aliqui. *Quantâ arte, dicit, celant pedicas, scutulato rete grassantes.* Prout enim in retibus videmus lacunas internodiis suis distinctas, qvas Germani & Dani Massen vocare solent, oblongâ rotunditate sibi invicem junctas, sic scutulas retis & telæ aranearum eleganter illas appellarent: quin & scutulam corticis eadem ratione scripsit eximi arboribus idem Plinius l. 17. c. 16. ubi insitionis artem elegantissimis verbis describit *amputatis omnibus ramis, ne succum avocent, nitidissimâ in parte, quaq; præcipua cer natur hilaritas, exempta scutula, ita ne descendat ultra ferrum, cortici imprimitur ex alia cortex par cum sui germinis mammâ.* Hoc igitur qvod eximitur, quâ forma eximi contingat, docet: esse nimirum scutulæ formam aptissimam, non rotundam planè sed oblongam. Vox igitur rebus scuto vulgari minoribus, ejus tamen formam referentibus ab antiquis applicata, nam & scutulæ vestes & eqvi dicuntur, talibus figuris reticulatis sparsi, pom melez

melez vocarunt Francici Appfelgraue Pferde
 Germani. Hinc quoque scutrum, vasis ge-
 nus, quod instar scuti se porrigat, prout ho-
 die lebetes multi præcipue quos Spillkessel
 vocamus, ad vitra & pocula emundanda a-
 quam habentes, hi enim propriè scutra dici
 possunt, legiturq; vox ea apud Varronem,
 & Plautum in Persâ Act. I. sc. 3. Bene & in
 scutris concileat, & calamum iniice. Unde con-
 stat æreum fuisse, ut igni admoveri potue-
 rit, & scutiforme. ut scutiscum ejusdem for-
 mæ vasculum apud Catonem de re rust. c. 10.
 Hæc omnia à scuto ejusq; formâ Romanis
 desumpta sunt & in lingvam introducta, licet
 ipsa vox scuti Græca sit, & à σκύτῳ corium
 originem Latinis monstraverit. Jam verò
 cum ista forma scutularum oblonga incom-
 modior cœperit esse in patinis & patellis, ad
 rotundam formam redactæ sunt, & nihilo-
 minus scutulæ perrexerunt vocari. Si enim
 ab initio ista forma rotunda patinis fuisset,
 non scutulæ, sed clypeæ dici meruissent, quod
 clypei essent rotundi, non oblongi velut
 scuta. Optimè verò patinæ nomen scutularum
 profunditatem exprimit, qvod totæ pateant,
 nullâ fere profunditate gaudentes planè, &
 humiles, flach und plat unde Francici patinas
 appellarunt desplats & scutulas des escuelles I-
 tali & Hispani quoque in suam lingvam re-
 ceperunt, ita ut Germanos etiam eam vo-
 cem retinere voluisse mirari non possim,
 qui

qui Skottel & Belgicè Schootel, in superiori Germania Schüssel partinas appellant, velut scutulas & scutellas orbes & quadras quæ nobis Zeller & Zellerken dicuntur, à telle scindere, vel quod ligneæ essent, ex ligno paratæ cultro, & in formam redactæ, vel quod cibos in illis scindamus. Dani enim & septentriionales vix illam vocem Skottel admiserunt. Fuerunt tamen tempora quando in Islandicam aut veterem Danicam nomen illud concessisse licet observare. Notus illis fuit *Scutifvein*, & dictum legimus in aulâ eum, qui omnem illam supellectilem suæ custodiæ demandatam habuit. Hæc autem pompa ministeriorum aulicorum circa tempora Olai Kirre Regis Norvegiæ cum novis nominibus etiam ultimo septentrioni placuit. Veteres enim mores & nomina adhuc in Daniâ supersunt, ubi scutellæ non nisi Fadæ dicuntur, quod cibum capiant, & Fadebur locus, ubi vasa talia servantur, & Fadeburs Pige ancilla quæ proma conda talium habebatur. Pomposius erat autem in comitatu ministros habere peculiares argento & auro præpositos, quos Gølf Poppe vocare solemus, aut qui fercula patinis allata Regibus deserviunt, Credenzer, Vorschneider, Dugsvenne, ut Kertisveini vocabantur, qui cereos præferebant, & tenebant ad mensam sedentibus Regibus, Tam latè igitur se sparserunt scutellæ, per omnes

mnes lingvas, & ab hac origine nomen in usum fuit receptum.

(28.)

D N O. R E G I. Observetur arrogantia Clericorum, qui Regibus se præponi volebant, præcedunt enim Archiepiscopus & Episcopi Norvegiae licet exsules.

(29.)

MIRABILITER FABREFACTUM. h.e. magnâ & mirabili arte, cui tunc aurifex non obiter studebant, præclara edentes opera: Cornu aureum, quod inter Regum Daniæ stupendi operis est, has artes veterum maximè commendat, est enim peculiare tam arte quam ingenio, cui vix simile reliquus orbis ab ea ætate producere potest. Et quia Mexicanorum aurifex pagina scriptoribus laude dignissima passim recensentur, Mexicanos autem pariter ac septentrionales nostros e Scythia primùm transisse docemur, majores nostros magni ingenii & solertiæ homines fuisse fateri necesse est, omnes reliquos facilè superantes. Nam quæ hodie vulgares & inficiet ac paupertini ruricolæ in Norvegia plures, tam in ebore, dente Rosmarin, & lignis unico cultello præstant artifex, malo tacere, quam antiquis his comparare.

(30.)

D N S. S U N O Erat filius Ebonis filii Skial-

Skialmonis Candidi, patruelis Absolonis, cui plures filii, Petrus Sunonis Episcopus Roschilensis, & Andreas Sunonis, qui hic dicitur Cancellarius, sed Saxoni Grammatico *Epistolarius Regius*, quiq; Absaloni in Archiepiscopatu successit. Mortuus est ille Suno Ebbonis A. C. 1186. Ebbo Pater ejus à Suenone Graethe Præfectus Roschildiæ constitutus diem suum obiit An. 1150. Sensus autem verborum est, Sunonē 130. marcas argenti Absoloni debuisse, quod debitum Petrus ac ejus Fratres heredes, Sunonis filii, Absaloni reddere tenebantur: sed nunc iis hoc remisit, nec unquam posthac exigi voluit, sunt unciales thaleri 1040. nostræ monetæ.

(31.)

EPISCOPO ROSCHILDENSI.
Est idem Petrus Sunonis, cuius Patri Absalon Archiepiscopus 130. marcas, ipsi Petro 48. concesserat, h. est, mutuò dederat. Absalon Archiepiscopus Lundensis factus, Episcopatum Roschildensem non dimisit statim, sed donec PETRO huic Sunonis, Patrui sui filio illum tradere posset, retinuit, usque ad Annum 1192. Seditq; usq; ad Annum 1214. postridie Simonis Judæ mortuus. In eo autem errat Chronicon Episcopale, qvod Hvitfeldius edidit, dum eum Valdemari Regis Cancellarium dixit, sicq; successerit necesse est Fratri suo Andreæ in hoc officio,

E 4

post-

postquam is Lundensem Archiepiscopatum suscepit: sed de hac re nulla nos docent monumenta, qvin & sequitur statim in iisdem verbis alias error, quo Petrum Fratris Absalonis filium, hvis Brodersøn hand var/ facere voluerunt, cum fuerit Petrus Absaloni pro-nepos ex Patruo Ebbone. Hæc igitur nota-da, & emendanda.

(32.)

DNO. CANCELLARIO. Hic est Andreas Sunonis frater Petri Episcopi Roschildensis, qui tunc erat Cancellarius Regis Canuti, & EPISTOLARIS Saxoni, qvod Cancellarii nomen vulgare ipsi minus Latinum videretur.

(33.)

DNO ESBERNO. An Fratri Absalonis Esberno Snare? an alii Esberno ipsius Absalonis propinquus? forte Fratri Petri & Andreæ Sunonis? Utrumque intelligi potest; sed alienum est Esbernum Archiepiscopi Fratrem aliis remotioribus postponi, cuius legata præponi maximè debebant aliis propinquis. Nee Esbernum Snerling significari judico, filium Nicolai Mule, filii Esberni Snare. Vix enim eum natū Absolon vidit, aut si vidit, filios ejus videre non potuit, qvos hic adducit. Necesse est igitur alias Esbernus hic indigetetur, sed qvinam revera sit, minime liquet: ex Sunonis prosapia esse cum Petro & Andrea,

drea, qvi proximè præcesserunt in hoc Testamento, non videtur absimile. Infra nominatur Esbernus Mule, qui loricam Absalon dederit, qvam Absalon rursus legavit Ulfo Fratri Petri Stabularii sui. Hunc ego Esbiornum esse puto, qui hoc loco significatur, quiq; occurrit cum Absolone ipso memoratus in lapide Aasumenſi Scaniæ, apud wor- mium p. m. 171. Nam quod eum filium Nico- lai Mule faciunt, ego qvidem non assentior, cum jam dixerim Esbernum Nicolai Mule filium nec cognomen illud gestasse, nec ejus ætatis fuisse cum Absalon moreretur, ut cum eo stare ac res gessisse dici potuerit, qvod & ipsum saxum videtur testari, ubi conjunguntur Absalon Archiepiscopus, & Asbiorn Mule, quasi pares ætate. Nam Nicolai Mu- le filius dictus est Esbiorn Snerling, pro quo *Suerting* legit Wormius ex genealogia Martini Petreji. Sive igitur *Snerling* sive *Sverting* cognominatus fuit ille Esbernus Nicolai Mu- le filius, non est omnino ille Esbernus qui in Testamento Absalonis hic, & in lapide Aasumenſi *Mule* cognomen tenuit, sed alius Esbernus ætate major, & par Absoloni, pa- trui fortè Sunonis vel Ebonis vel Tocko- nis filius. Multi sanè Esberni in Absalonis familia memorantur, nullus verò convenit Absalonis ætati, præterquam Frater ejus Es- bernus Snare, & qvui hic nominatur Esber-

nus Mule, quem etiam Nicolao Mule majorem existimo, & ætate præcessisse.

(34.)

HILDEBRAND FECERAT. Morris hoc fuit veteribus ab artifice etiam dona commendare & æstimationa censere, Sic apud Plinium l. 33. c. XI. L. Crassum *scyphos* Mentoris artificis manu cœlatos festertiis centum habuisse scribit. Sic Martialis l. 6. Ep. 92.

Cœlatus tibi cum sit, Ammiane
Serpens in paterâ Myronis arte
& l. 3. Epig. 35

— quem tenebat
Artis Phidiacæ toreuma clarum
Pisces adspicis, adde aquam, natabunt.
Sed omnium optimè Virgilius

Eclog. 3.

— pocula ponam
Fagina, cœlatum divini opus Alcimedontis

Lenta quibus torno facili superaddita
vitis,

Diffusos hederâ vestit pallente corymbos.
In medio duo signa Conon, & quis fuit
alter,

Descripsit radio totum qui gentibus or-
bem?

Tempora quæ melior, quæ curvus arator
haberet,

Nec-

Necdum illis labra admovi, sed condita
servo.

PA: Et nobis idem Alcimedon duo pocu-
la fecit,

Et molli circum est ansas complexus a-
cantho

Opheaq; in medio posuit, sylvasque se-
quentes.

Eadem ratione Septentrionales suos artifices
habebant eximios, inter quos HILDE-
BRAND non postremus fuit, qvi scyphum
istum argenteum arte suâ commendatissi-
mum reddidit, qvem Absalon Esberno do-
navit.

(35.)

DNO. ALEXANDRO. Hic Ale-
xander nepos fuit Absalonis ex sorore INGE-
FRITH, ut didici ex illorum catalogo Ma-
nuscr. qui Soræ sepulti sunt: ibi enim dicitur
sepultus *juxta introitum chori Dominus Alexander Nepos Dn. Absalonis Archiepiscopi ex sorore Ingifridh.* & in Genealogia Absalonis Manuscr.
quæ penes me est, idem habetur his verbis:
Iusuper supradictus Dominus Ascerus Ryg genuit filiam Ingifrid, ex qua ALEXANDER, à quo Absolon, Alexander & Nicolaus. Hæc Genea-
logia Absalonis ad illustrandum hoc Absa-
lonis Testamentum unicè facit, debueratq;
juxta edi, sed parco sumtibus, quos nemo
suppeditat, ideoque in alia tempora cùm
locu-

locupletior ero, hæc & alia servare preme-
req; necesse est.

(36.)

ET LORICAS QVASHABEBAT. Absalon scilicet Archiepiscopus, & indicant Alexandrum Sororis ejus filium insignem Militem fuisse, dignum cui tanta dona loricarum Archiepiscopalium legarentur, erant enim tunc loricæ auro contra, & ἀλλων ἀνταξιαὶ πολλῶν.

(37.)

ET DUOBUS FILIIS SUIS. Genuit Alexander tres, Absolonem, Alexandrum, Nicolaum, ut ex observatione præcedente constat. aut igitur unus eorum post Testamentum factum accessit, aut ante Testamento decesserat.

(38.)

DNÆ MARGARETÆ. In familia Dn: Absalonis multæ sunt Margaretæ: nam Skialmo Candidus filiam habuit Margaretam, qvæ ingressa est cœnobium Roschilense; hæc nimis est remota ab Absalone ejusq; legatis. Habuit autem alteram quoque filiam Cæciliam, nuptam Petro Torst de Pedersburg, genuitq; Ingerdam, qvæ nuptum collocata Vagno filiam inter cœteros proge-

progenuerunt MARGARETAM, ex qua
Vogn Gallen, & ex Vogno rursus Margare-
ta, quæ uxor facta est Juris Stigson, Viri cele-
berrimi. Hæc igitur Margareta, Ingerdæ fi-
lia, videtur indicari, cui legatum hoc Absa-
lon relinqvere voluit, utpote pronepti e-
jus ex Amita Cæciliâ. Erat & altera M A R-
GARETA filia Sunonis filii Ebbonis, filii
Skialmonis Candidi, ideoq; proneptis & il-
la Absalonis ex patruo Ebbone, cui hoc le-
gatum convenire poterit: sorori ut pote An-
dreæ Archiepiscopi & Petri Roschildensis,
qvibus hic quoque legata scripta reperiun-
tur. fateorq; me suffragium pro hac ultima
Margareta ferre posse, quod videam Absa-
lonem in Sunonis familiam propensum ma-
xime toto hoc Testamento ferri.

39.

ROIANORUM IDOLORUM.

Rugianorum, ex insulâ Rugiâ hic indicantur:
Novimus enim Valdemarum primum Regem
Rugios non solum devicisse, sed & Christianos
effecisse, atque Absalonem præcipuum
hujus militiæ Ducem existitis. Idolis autem
istis suos Flamines, & ingentem familiam
fuisse, variiq; generis suppellestilem auream
& argenteam, manifestius est, qvam ut hic
prolixè repeti debeat: sufficit scire, ex istâ
prædâ Absalonem hos scyphos servasse, egre-
giosq; fuisse, ut servari mererentur.

40. CANO.

40.

CANONICIS DE PARACLETO.

Indicantur Ebelholenses Canonici Monasterii S. Thomæ, quorum Abbas tunc fuit Willhelmus, quem Parisiis Absalon evocatum per Saxonem Præpositum Roschildensem, non per Saxonem Grammaticum, isthic loci constituerat. Vocatur hoc Cœnobium ad S. Paracletum, zum heiligen Geist / locus autem, ubi situm ac fundatum erat hoc Cœnobium, non procul Roschildiâ distabat, in insulâ Eschilda òe dictâ & dicebatur Estildtune: Insulam totam mari undique cinctam monuit autor vitae S. Willhelmi Abbatis, describitq; quod locus per amoenus fuerit, pratis virentibus & diversis nemorum arboribus oblectans oculos animosq; illic degentium. Hvitfeldius ait ad Ann. 1201. hanc insulam sitam fuisse propè Sielsöe p. m. 168. translatum deinde fuisse monasterium Ann. 1238 ad Ebbelholt oppidum, ubi Ecclesia in honorem S. Thomæ ædificata: sed cum Fridericiburgum à FRIDERICO II. Rege strueretur, & oppidum & monasterium in proximo sita diruta fuerunt Ante Willhelnum Abbatem sub Priore regabantur hi Canonici, Willhelmo vero accedente, & Abate constituto, S. Augustini regulam suscepereunt, secundum S. Victoris præcepta, quæ Parisiis solent observari, sicq; Canonici Regulares facti videntur, prius

Mona-

Monachi Ordinis S. Benedicti. Ab Eskillo Archiepiscopo fundatum primò hoc quoque Cœnobium video, ideoq; *Eskilds öe & Eskilstune* imposita nomina. Qvando tamen Eskillus hoc monasterium instituerit, non annotatum reperio. *Hervad* monasterium, in Scaniâ condidit Anno 1144. *Efferum* in Selandiâ Ann. 1150. ex voto enim tenebatur ad quinque erigenda: sed in Manuscr. de Exordio Cisterciensis Ordinis Dist. 3. c. 25. qvæ beueficio Arnæ Magnæi nunc edita & excerpta legimus in Chronico Danorum Anonymi, qvod ille publici juris fecit, disertè dicitur, Eskillum, postqvam Archiepiscopus factus est ab Anno 1138. illicò reddendi voti sui tempus adesse cognovisse. Nactus igitur oportunitatem, de remotis Galliarum partibus, ubi fontem religionis esse cognoverat, non solum quinque sed etiam plures spiritualis professionis conventus evocare curavit. Sic paulò post: Et ut perfectè semetipsum redimeret, mensuramq; bonam & supereffluentem liberatrici suæ, sicut promiserat, persolveret, quinque Cœnobiorum fundatione contentus esse noluit, sed alia atque alia tam de suo, quam de aliorum fidelium dono studuit ædificare. Inter illa igitur Eskilstune in insula Eskilli qvin ab ipso fuerit fundatum dubitari amplius nequit; adeò ut falsi sint isti, qui Absalonem primum conditorem fuisse contendunt, exornavit enim ille, correxit & emendavit qvæ subnata erant vitia, non fundamenta prima posuit.

Et

Et si vera est sententia Hvitfeldii Abbatem Willhelnum deceisse Ann. 1201. monasteriumq; translatum esse ab Eskilli insula ad Ebbelholt, Ann. 1238, prout credo verum esse, nescio qvâ ratione vera esse possint, qvæ ex codice qvodam Manuscrit. Stephanius in prologo ad Saxonem c. XI. commemo-ravit dicens: *Obiit autem S. Willhelmas XL. anno postquam curam Pastoralem suscepit, & sepultus in monasterio D. Thomæ in oppidulo Ebbelholt dicto Anno 1202.* Nam sanè quidquid de oppidulo Ebbelholt esse queat, monasterium D. Thomæ nondum ibi fuit, cum Willhelmus moreretur, in quo sepeliri potuit, alias duo monasteria statuenda forent, unum in Eskildsöe, alterum in Ebbelholt, sub uno Abbatem, qvod non convenit. Videntur verba ipsa legati etiam indicare, Abbatem Willhelnum ante Absalonem jam vitam finisse eodem anno 1201. qvo Absalon; cum Canonicis de Paralito donatio fiat, haud verò Abbatem. Erat verò Wilhelmus Absaloni charissimus, quem sanè non præteriisset, in vivis adhuc si fuisset.

(41.)

DE PLANO OPERE. Nemo est, qui non sciat distingvere hæc opera in argento, schlecht Arbeit vocant Germani, cum nullis emblematis argenteum, aut sculpturis pictum vel vermiculatum exhibet artifex: *imaginata usq; media ætatis Scriptores, pustulata vetus Latina*

Latium appellavit, getriebene und verhobene Ar-
beit in figuras varias elaborata.

(42.)

DECEM MARCAS ARGENTI.

Cujus igitur ponderis Scyphi fuerint obser-
vare licet: hic erat semunciarum 160, uni-
ciales thaleros 80. pretio æqvans,

(43.)

AD CALICEM FACIENDUM.

Distincta sunt poculorum nomina, propter
distinctas qvas ostendunt formas; Scyphos
Danis *Skaale* vocari jam dictum est, estq;
patera cum pede humili, unde at dritte
Skaale formula remanet. *Caucium & Caucia*
qvorum in Codice Justinianeo, & alibi quo-
que, mentio occurrit, Danis *Kousken* dicitur
habetq; figuram pateræ sine pede. *Calices*
non adeò patent, sed profundius & angusti-
us in pede conspicuo surgunt. *Quid Bicca-*
ria differant, infra dicetur. *Calices* autem
cœperunt Christianis plerumque dici, illa
pocula vel *πολήρια*, qvæ in sacrâ cœna solùm
usui erant, adeò ut Germanis & Danis reli-
gioni fuerit alio nomine poculum illud san-
ctum exprimere: Den ny *Testamentis Kalk.*
& nam er den *Kelch*. Latinis enim calicis vo-
cabulum non ita restringitur. calices igitur
fortes & sufficienes, qvi in monasterio B.
Laurentii, etiam ad sacros usus pertinent &

F

alta-

altaria istius Ecclesiæ ac monasterii. Calices igitur hodie in sacris considerari debent usibus, & quidem Eucharisticis solis, suâ formâ distinctâ; vel etiam extra sacram usum in communi vitâ, qui fuit antiquissimus. Hoc loco non nisi calix S. cœnæ destinatus ex argento elaborandus indicatur. Quando calicis nomen primum his sacris poculis dari cœperit, non potest latere, nimirum postquam Hieronymi verlio Latina sacrorum codicum cœpit invalescere Seculo V. ante enim quovis poculi nomine hæc pocula Latinæ & Romanæ Ecclesiæ dicebantur. nam & scyphos, & calices, & cuppas promiscue vocabant. Tertullianus jam calicum meminit sacrorum cum agno Dei in humeris Pastoris sculptorum l. de pudic. c. 7. Procedant ipse picturæ calicum vestrorum, si vel in illis perlucebit interpretatio pecudis illius &c. & mox c. 10. At ego ejus Pastoris, quem in calice depingis scripturam haurio, quæ non potest frangi. Sed non restrictus fuit usus Sacræ cœnæ tunc ad nomen solum calicis, prout postea, quando Hieronymus in Latinam lingvam Scripta sacra transfuderat, tunc enim verbis Sacræ Scripturæ loqui videbantur, cum Hieronymo loquentes, Reperiuntur plura antiquis nomina poculorum, non solius calicis, si quis veteres consulere ac colligere velit. In Græco textu non est nisi τὸ ινέτον ubique, tam apud Evangelistas quam apud S. Paulum, quod est

est poculum, & vasculum ex quo potum sumimus. Promiscua igitur principio nomina his sacris poculis, prout etiam promiscua horum poculorum materia in Ecclesiis vigebat, vel lignea, vel testacea, vel vitrea, vel cornea, vel argentea, vel aurea, vel lapidea, & etiam gemmea, tum verò etiam stannea, pro cuiusque Ecclesiæ conditione & opibus. Ex lignis variis in hodiernum usque diem, pocula fabricari frequens est in communivitâ, olim fagina præprimis obvia sunt. adeo ut ἔπος ξάλς, a ligno, calicis nomen emannasse voluerint plurimi: sed in sacris his venerandis ligna vino minus convenire citò deprehenderunt, siqvidem lignum aliquas particulas vini consecrati imbibere necesse fuit, quod ἀνόσιον nimis videbatur. ideoq; licet ratio ipsa svadeat à lignis abstinere, & à cupreis, necessitas tamen ipsa aliquando etiam lignea pocula inter mysteria tanta jussit admitti, qvod Zepherinus Papa corrigere cupiens, neque necessitatem tantam aut inopiam occurrere posse judicavit, qvin vitro saltem poculo administrare possent, qui argenteis aut lapideis carebant, cum vitra tunc temporis lignum pretio non multum superarent, sicq; divinos illos haustus nitidius servari ac porrigit posse. Nam quod Pontificii nonnulli negare sibi sumserint eò rem unquam devenisse, ut ligneis poculis alicubi propinarentur sacra mysteria, hoc ego quidem

dem simpliciter cum illis nolo statuere, neque enim res est incredibilis; exstant plurimi canones in hunc usum lignea pocula prohibentes. Canon 6tus Concilii Rhemensis disertè statuerat, *ut nullus in ligneo vel vitro calice missam cantare præsumat*, ex qvo Gratianus suum attulit de Consecr. dist. I. c. ut calix. Triburiense Concilium Anno 895. habitum can. 18. sic habet: *Statuimus, ut deinceps nullus sacerdos sacrum mysterium corporis & sanguinis Jesu Christi Domini nostri in ligneis vasculis ullo modo confidere præsumat, ne unde placari debet, inde irascatur Deus.* Bene satis, qvod planè prohibuerint, nullâ tanta necessitate incidente, qvæ illos ad pocula lignea redigeret; at quod in communi usu lignea pocula frequentarentur, hinc in sacris etiam eorum usum primi Antistites non damnarunt, sed ut rem liberi arbitrii semper habuerunt. Neqve tamen Honorii Augustodunensis sententiam tueri velim *Apostolos in ligneis calicibus missas celebrasse l. i. de antiq. missar. ritu c. 89.* illud saltem, etiam in ligneis calicibus qvondam celebratum esse ut obtineam, labore, qvod aliàs canones prohibentes edi non potuissent. Triburiense enim Concilium reliquos calices, vitreos, corneos, vel lapideos nullo modo prohibet, sed ligneos solos. At circa Ann. 787. in Anglia in Concilio Calchutensi sub Hedriano l. Papâ habito cap. 10. vetuerunt Patres, *ne de cornu bovis calix aut patera-*

fieq

fieret ad sacrificandum. Vitrea pocula diutius Ecclesia retinuit, nam & Sec. 4to & sto adhuc de illis legimus. Exuperium Tolosanum vergente Seculo 4to viventem in vitreis administrasse sacramentum monuit Hieronymus Ep. 4. *Nihil illo ditiis, qui corpus Christi canistro vimineo, sanguinem portat in vitro.* De S. Cæsario Arelatensi seculo sto labente & finiente claro, Cyprianus ejus vitæ scriptor retulit; *Annon in vitro habetur sanguis Christi?* Gregor. Turonensis l. de gloria martyrum. c. 46. chryſtallini qvoque calicis meminit, admirabili pulchritudine, qvem Diaconus in basilicâ S. Laurentii Levitæ elabi manibus si- verit, ita ut confringeretur. Baronius in notat. ad 7. Idus Aug. à temporibus Apostolorum vitreos calices in usu fuisse altaris meminit, de quâ re mihi dubitandum aliquatenus foret, quod vitrea tunc temporis auri & gemmarum pretio non essent inferiora: inter oblata tamen dona tales calices etiam Apostolos in Ecclesiis vidisse, nec illis uti designatos esse, qvid qvæſo habet absurdum? Urbanum Papam numero 18vum, qui sedit ab Anno 224. *omnia ministeria sacrata fecisse argentea,* dicit idem Concilium Triburiense supra laudatum, at non inde seqvitur omnes coactos esse ad argentea, siquidem necessitas etiam alia permiserit, & post Urbanum etiam aliis calicibus usi sint non argenteis. Nam Stanneis calicibus uti etiam Innocentius

Atus concessit, in regulis qvas præscripsit Nicosiensi Episcopo & Episcopis regni Cypri controvertentibus, circa Ann. 1243. Hæc cum ita se habeant, facile pellucet fraus ac mendacium Clericorum ac Monachorum de calice Hierosolymis servato, ex quo Christus ministravit discipulis, ultimum Pascha celebrans. Et jam Beda suo tempore libello de locis Sanctis c. 2, his sanctis fraudibus perswasus scripsit: *In plateā quæ martyrium & Golgatha continuat, exedra est, in qua calix Domini scrinio reconditus per operculi foramen tangi solet & osculari, h. e. osculis adorari: qui argenteus calix hinc inde duas habens ansulas sextarii Gallici mensuram capit, in quo est illa spongia potū ministra.* Sic illo tempore homines facile credebant, illecti Clericorum susurris, neque enim Beda Hierosolymam venit, aut hæc vidit, sed et si vidisset & palpasset, & osculis veneratus esset Hierosolymis argenteum poculum utrinque ansatum, illud magis fidem faceret, istum calicem Christi manibus unquam tractatum fuisse? quam facile enim ejusmodi somnia confungi possunt? in primis lucri spe affulcente. Sed & magis inde hominum versutia colligi potest, qui Valentiae in Hispaniâ quoque calicem ex Agathe punicei & cœrulei coloris pulcherrimo, ibi sanctissime reclusum & servatum in Christi manibus quondam serviisse volunt; Joh. à Chartagena Pauli sti Papæ tempestate hoc

afferente. Francici nihil cedere cupientes Hispanis, sibi quoque hunc calicem obtigisse gloriantur, & ostenditur Lugduni in templo Domini nostri de Insula, sed & alibi in quodam Ecclesia Augustinensium Monachorum eundem calicem custodiri scripserunt. Tenuerunt mendacium, cito pellucet, & irascuntur nobis Pontificii, quod haec credere nolimus: Sanctos enim hos dolos ad pietatem ingenerandam mentibus facere, quos laudare potius quam vituperare aequaliter censem, quasi vera pietas his fraudibus & fucis indigeret. Sed & excusant & tuentur acriter haec figmenta: esse enim Christum munere prædicationis functum tribus annis, & tria festa Paschatos ipsum celebrasse, unde calicem gemmeum ex Achate, qui Valentiae servatur ad primum Pascha Christi pertinere; secundum Lugdunensem in Francia, ad secundi anni Pascha; tertium quod Hierosolymis custoditur, verum & Eucharisticum ultimum calicem esse, ex quo Christus biberit ac propinaverit, sanctissimum instituendo Sacratum: quartum Augustinensium in lite esse cum Lugdunensibus, quibus pares non sint, fortioribus enim Lugdunenses pugnare rationibus & armis. Ejusmodi pallia fculnea his nugamentis obtenderet se posse gaudent; Neque enim quidquam cuiquam constat, quo genere poculi Christus in Sacra cœna usus sit, nec magni refert hoc scire;

quodvis enim honestum poculum & mundum tanto Sacramento sufficit, sive calicem nomines, sive craterem, sive scyphum, sive cuppam, ut Francici, la coupe, idem est. Non irascitur Deus his nominibus aut figuris poculorum, qvæ hominum arbitrio facile relinqvit. quamvis ad pulchrum & egregium in Ecclesiâ ordinem spectare Pontificij velint, quod ubique ejusdem generis paténis & calicibus sanctissima mysteria porrigantur. Hæc ipsis uniformitas dicitur, quem neque vitzuperamus, modo obtineri queat, nec libertas Christiana nimis impediatur vel adstringatur. Paschasius sanè c. 10. libello de corpore & sangvine Domini jam dixit: *inde mos inolevit, quod sanguis Christi nunquam in catino, nunquam in cratero, vel alio vase quam in calice consecratur.* Non tamen calices omnes sacri sacræ cœnæ solùm serviebant, sed etiam ornatui Ecclesiæ plurimi dicabantur, quos vel sedentes ideo, vel pendentiles appellabant, quod vel sederent in altari ejusq; cornibus, aut penderent ex catenulis: ut ex Anastasio Bibliothecario videre licet aliquibus locis. nam in leone IV. sic: obtulit etiam B. Petro Apostolo calices de argento, qui sedent super eironiæ zu altaris, numero 16. & mox: verū etiam calicem pendentilem cum catenulis & delphinis. ubi delphini sunt ansæ calicem. Hæc etiam annotavit deinde: Michael filius Theophili Cpolitana urbis Imperator ob amorem Apostolorum, misit

ad B. Petrum Apostolum etc. per manum Lazarī monachi etc: calicem similiter de auro & lapidibus circumdataum, resticulo pendente de gemmis albis pretiosis mirae pulchritudinis decoratum, & parva cooperatoria ipsius calicis, sicut mos Græcorum est. His addam adhuc ex vita Leonis. III. Fecit in basiliça B. Pauli Apostoli calices maiores fundatos ex argento purissimo ex ipsis Apostoli donis qui pendunt in arcu numero 10. & alios qui pendunt inter columnas maiores dextra levāq; 40. pensantes simul libras 267. Sic etiam in Paschalis I. historiā: Fecit calices maiores ex argento pendentes, numero 42. qui omnes simul pensant libras 281. Haud erant spernendæ magnitudinis hi calices, cum in singulos sex libras, & qvod excedit, argenti, computare liceret, 80. ferè unciales thaleros, si monetæ nostræ ratio ineatur, & si manupretium aurificum pariter æstimari debet in semunciam 4. assium Lubecensium, transcendet pretium singulorum calicis ad 93. unciales thaleros. Es his liqvet alios calices fuisse sanctos, qui non nisi Eucharistiæ serviebant, alii erant ministeriales, ex quibus populo ministrabatur; alii, calices præcipui, h. e. præcipuae magnitudinis & decoris, alii calices pendentiles, de quibus ante monui; his jungantur calices fundati, qui non sunt fusi & conflati, ut voluerunt nonnulli, sed fundati ex fundo & donis Ecclesiæ. sic etiam vestes de fundato dicuntur Anastasio de Ecclesiæ rebus & donis texta & sumta. illudq; sa-

tis explicavit in loco superiùs adducto , ubi
 calices maiores fundatos ex argento purissimo ex ip-
 sius Apostoli donis h. e. ex donis, qvæ Apostolo
 S. Paulo à fidelibus Christianis donata fu-
 runt & oblata significavit, sicq; uestes ex fun-
 dato quoque , ex fundo Ecclesiæ ipsius para-
 tas, indicare voluit. Hoc Anastasio est fun-
 dari , & ex fundato parari, quod multos hacte-
 nus torsit, veramq; mentem Anastasii asse-
 qui non potuerunt. Erant præterea in anti-
 qvâ Ecclesiâ calices Baptismi de qvibus Ana-
 stasius in Innocenio I. Obtulit, ait , calices
 argenteos baptismi numero tres , pensantes singuli
 libras duas. In his calicibus baptismi conse-
 crabantur lac & mel & vinum etiam , com-
 mixta , qvæ nuper baptizatis præbebantur ,
 & ad calices ministeriales pertinebant, unde
 in tertio Concilio Carthaginensi c. 24. dici-
 tur: primitiæ vero , seu lac & mel , quod uno die
 solemnissimo pro infantum mysterio solet offerri ,
 quamvis in altari offeratur , habet propriam bene-
 dictionem ut à Sacramento corporis ac sanguinis
 Domini distingvatur. Hi ergo erant calices
 baptismi ; erant etiam calices poenitentie , de
 quibus idem Anastasius in Sexto III. scribit ,
 eosq; vocat ibi ministerium ad Sacrum baptis-
 tum vel pœnitentiam , quod pœnitentes conciliati
 Ecclesiæ ex his calicibus aquâ benedi-
 cta adspargerentur. Calices quoque reticula-
 tos nonnulli nobis ex Anastasio eodem sug-
 gesserunt , qvos tamen ego nullos unquam
 fuis-

fuisse censeo, nec in Anastasio illos reperi-
 xi. Locum enim ex Anastasio quem pro-
 ducent, & malè legerunt editores, & seipso
 edentes nec intelligere nec explicare potu-
 erunt: nemo enim hactenus, quid sit calix
 reticulatus, aut esse debeat, ullo verbo expo-
 suit, neque hoc dixit ullibi Anastasius; verba
 ejus supra sunt adducta, quae nihil aliud ha-
 bent, quam Michaelem Theophili Impera-
 toris filium dona sua B. Petro Apostolo Ro-
 manam misisse, & inter alia, *calicem similiter de*
auro & lapidibus circumdataum, h. e. gemmis
 distinctum, *reticulo pendente* sic legunt editi
 libri, sed facile videmus legi oportere uni-
 cā literā additā, *resticulo pendente de gemmis al-*
bis pretiosis mirae pulchritudinis decoratum: Erat
 enim hic calix ex pomposis, & pendentili-
 bus, ut ante monui, sed loco catenularum,
 quæ cœteros calices pendentiles sequebantur,
 ut ex iis pendere possent, hic resticulus unio-
 nibus pretiosissimis vestitus eodem fine addi-
 tus erat, cum parvis cooperioriis ipsius calicis ad-
 de etiam resticuli, ne pendens pulvere &
 sordibus corrumperetur: illud igitur est cal-
 lux *resticulo pendente de gemmis albis pretiosis mi-*
rae pulchritudinis decoratus: siq; explodimus il-
 los calices reticulatos, aut de *resticulo pen-*
 dentes, quod nihil sic dicatur aut inferatur:
 Jam vero quod alii calices fuerint *ansati*, sine
 ansis alii, non opus est monere aut explicare.
 Novimus omnes quid sint ansæ in urceis &
 pocu-

poculis, & qvod unâ ansa multi calices, binis ansis etiam permulti fabricentur; *delphinos* vocavit Anastasius anfas, ut supra dixi, quod elaboratores in figuram delphinorum fingi jungiq; solerent: illud saltem de calicibus, ansis duabus præditis, addere mihi lubet, eos semper in suo genere ponderosiores fuisse, qvam non ansatos, & in craterum natram transire potius, qvam in classibus scyphorum aut calicum manere, qualis omnino fuit Caroli M. donantis S. Petro *calicem maiorem, cum gemmis & ansis duabus pensantem libras 58.* Tudem etiam meminit *calicis tetragoni* Anastasius in Leone 3tio, quod formâ vulgari calicum rotunda spretâ, quadrangulari figurâ majestuosiorem in oculis hominum fore crediderit, ideo addit, præcipuum fuisse: *Fecit Beato Apostolo nutritori suo calicem aureum, præcipuum, tetragonum.* De calicibus imaginatis, deauratis, aureis, majoribus, minoribus nihil dico, quod satis seipso explicent, de gemmeis & gemmatis fortè monere opus est, confundi hæc à scriptoribus sæpenumero, cum gemmea pocula sint, & gemmei calices, ex unâ gemmâ, ut Agathe Smaragdo, Saphiro, in calicis formam parati, vel si ex pluribus gemmis coagmentati unum corpus efficiant, vel si maxima pars calicis gemma sit continua, minor ex auro addita fortè visatur, ut pes fortè calicis ex auro, vasculum ipsum totum gemmeum, vel la-

labrum cum pede ex auro, reliquum corpus, gemma. Gemmati verò sunt, qui gemmis hinc inde distincti sunt, ita ut non aliter ac aurei calices & aurati differant gemmei & gemmati. Hæc mihi de calicibus sacris ad hunc locum differere visum fuit, in qua re non diffiteor *Andream du Sauzay* in *Panoplia suâ Sacerdotali l. 8.* me juavasse. Qvod verò calicis ejusq; nominis originem attinet, an Latina sit vel Græca, non admodum laborandum esse puto, cum ipsi veteres eā de re dissentiant, & ad omnem usum, non pro potu solum, adhibitos esse calices statuant. Qui enim à caldo & calido calicem derivant, in eo coqui consuevisse ignibus admota declararunt, prout etiam Ovidius ita de calicibus sentit l. 5. Fastor.

Stant calices, minor inde fabas, olus alter habebat.

plerumque tamen, & frequenter pro vase potorio sumitur, eoq; propendeo, ut à Græco κύλιξ calicem Romanis factum credam, non propter rotunditatem poculi, quasi κύλιξ, sed quod epotos calices vertigine quādam circum agitemus, priusquam ad standum redigantur. hæc κύλισις nobis κύλικας dedit & κυλίσκας h.e. capedunculas & minores calices, à κυλίνδω igitur κύλισις, à κυλίσιαι, κύλιξ & κυλίσκη. Tales autem κύλικες κυλισόμεναι Germanis adhuc supersunt inter

inter pocula & eleganti ac proprio vocabulo
vocantur *Tilmeler*, quod se vertant in gyros
amoenos circumagitati, nec statione tamen
excidant suâ. Curverò Latini calices potius
dixerint, exinde est, qvod u. s̄aepius in *ad.*
transeat, ut hoc ipsum *κυλινδομα* s̄aepius
καλινδομα legitur, vel quod Latini respexe-
rint ad calyces florum & *καλυκάδεα*, quæ
quoque calicum figuram referunt. Aliud au-
tem est *κάλυξ* aliud *κύλιξ*. Sed non in-
digent hoc loco ulteriori examine talia.

(44.)

CORONAS IN TEMPLO. Au-
divimus superiùs duas fuisse, nec fuerunt ni-
mius ornatus, requirebat enim templum
Cathedrale etiam plures, siquidem minores
etiam Ecclesiæ Cathedralibus hodie arcus &
porticus omnes his coronis pensilibus exor-
nant, adeò ut qvædam etiam fuerint & sint
trecentorum brachiorum, sed hic luxus Ab-
salonis temporibus eorumq; simplicitati non-
dum conveniebat; sufficiebat, eum æreas ar-
gentreas efficere posse, & hic unde sumi de-
beat argentum ad istas coronas perficiendas
& ornandas auro commonstrat.

(45.)

DN. ALEXANDER. S̄aepius in hoc
Testamento nominatus: est idem ille qui su-
pra, nepos Absalonis ex Sorore Ingefrida.

(46) OC-

(46.)

OCTO MARCAS AURI. Octo marcæ cum dimidiâ in auro , si Hungaricæ probitatis fuit , ut solebant veteres obryzo maximè studere, efficiunt 1088. unciales thaleros nostræ monetæ. Nec quisquam hinc concludere debet , ut casulæ aurum solidum insui solebat & applicari, ita Coronas quoque auro solidio exornatas fuisse. Auro induebatur argentum suis locis, qvod sufficiebat, vocantq; Germani egregio vocabulo, zierguldt/ hoc artificium.

(47.)

AD OPUS CASULÆ. Prout hodie usurpatur, Sacerdotum est vestitus altari servientium, Francici vocant *chasuble* Germani quoque retinent ex Latino, Kasel/ Dani *Messhagel*/ exprimunt, non parum cœteris elegantiūs , in missis enim celebrandis hanc vestem induunt , & fibulis in humero nec tunt , qvod est *Hage* Danis , hinc *Messhagel* à forma & usu simul nominata. Anteqvam adhibita fuit, apud Latinos servuli illa utebantur, sicut Procopius indicat 2. Vandalicor. μάλιον ἀμπεχόμενον έτε σραηγῶν, οτε ἄλλω σραηνομένω ἀνδρὶ ἐωηδείως ἔχον, ἄλλὰ δέλω ηδιώη παντάσι πρέων, κασβλαν ἀντὸ τῆ λαγίων Φωνῇ καλῶσι Ρωμαῖοι. Huc respiciunt verba Karolomanni & Synodi habitæ

An-

Anno 742. XI. cal. Majas, prout exstant l. 5. Capit. Caroli & Ludovici Impp. tit. 2. Presbyteri vel Diaconi non sagis Laicorum more, sed casulis uantur ritu servorum Dei. Ad servos igitur casulæ pertinebant, qvod citò superjicerentur, nec ullo labore indigerent amiciendi, nec in ullo obstarent expeditis esse volentibus, nisi quod manus præcluderent, qvæ servis nimis erant expeditæ, eaq; de causa inventæ creduntur. Ut igitur Sacerdotes suam quoque humilitatem ostenderent, se servis similes esse, ad sacra casulam transire fecerunt, illam injicientes, & hoc habitu servos se Dei, & servorum Dei profitentes: multis deinde aurifrigiis & aurifrisiis, gemmis, unionibus, pretiosissimisq; aliis *δαναρίους* vestem exornantes, ut nihil servile amplius in ea supersit, sed Imperatorum & vestium omnium luxuriam saepe vincat. Saepius quoque forma ejus mutata, dum in potestate Ecclesiasticorum fuit, & multis nominibus confusa potius quam illustrata fuit: nam ad penulam & planetam plerique retulerunt; alii vestem Sacerdotalem *κατ' ἔξοχην*, vocare maluerunt: sacco similem vestem alii depinxerunt, ut Simon Thessalonicensis lib. de templo: apud Græcos enim aliter casula se habebat, quam apud Latinos. Effigiem ejus Goarius in scholiis ad Euchologium Græcorum produxit, & ex eo Andreas du Saussay in panoplia Sacerdotali p. m. 126. Sacco sane.

non

non absimile vestimentum, undique clausum
sine manicis, sub qvo totum corpus cum
brachiis latet, præterqvam caput: descendit
usque ad pedes, constrictius circa collum, u-
bi foramen, per qvod caput mittitur, & sac-
cus ille induitur. adscriptum habet illa effigies,
O ΑΓΙΟC ΣΑΜΨΩN. Longe alia apud Lat-
inos casula deservit, cujus effigiem ibidem
quoque produxit ex codice quodam membra-
neo veteri Liturgico Ecclesiæ Leodiensis,
quem ante annos 650. scriptum affirmat, à
suâ ætate computando, & S. Sylvestro I. Pa-
pæ tribuit, qvâ in refidem meam non obstrin-
go, sed penes autorem esse fino. Habet illa
casula multa cum nostris casulis hodiernis
communia, anterius & posterius dependens
à scapulis, lateribus apertis & hiantibus, ut
brachiorum & manuum usus sit in exporri-
gendo, qvod in sacco & casulâ Græcorum
dependente nequaqvam fieri potuit, sed ne-
cessè fuit casulam eò usqve anterius subleva-
re, & super brachia tenere, ut manus liberas
haberet Sacerdos; qvod tandem casulam
Græcorum aliquo modo similem reddit casul-
æ Latinorum, adeò ut videamus Latinos Sa-
cerdotes à Græcis casulis uti didicisse, sed suo
modo illas aptasse, ut commodiiores essent
ministrantibus & utentibus Sacerdotibus:
qvod pulchrè satis Dñ. du Saußay ibidem
demonstrat, dum in casulâ S. Sylvestri expli-
candâ pergit p. m. 128. Unde miror cum ve-

stem Norberti Archiepiscopi Magdeburgen-
 sis qui Anno 1134. sepultus ibidem, illi totus
 involutus jacuit, Casulam appellare voluisse,
 cum nihil simile casulæ habuerit illa vestis, nec
 Acta, ex quibus quædam verba producit, ca-
 sulam appellant vestem illam peculiarem,
 sed ita describunt: *Vestis superior, quæ parte*
maximâ superest, punicei coloris serica erat, aureis
filis florum vel rosarum instar intersparsa, quæ to-
tum corpus NB. cum brachiis ad plantas usq; con-
vestiebat vestis: Sub hac NB. transversæ manus ad
modum crucis pectori superpositæ; vestis eadem obvo-
luta duabus argenteis acubis, superiore parte gem-
meo opere exornatis, connectebatur. Nihil in illa
 veste simile casulæ Latinorum, sed sacco vel
 casulæ Græcorum comparari potius poterit.
 Primus sanè post Procopium, qui Casulæ me-
 minit inter vestes, est Isidorus Hispalensis, O-
 rigin. l. 19. c. 24. Scriptor Seculi Septimi ab
 A.C. 620. usque ad 636. *Casula est, inquit, ve-*
stis cucullata, dicta per diminutionem à casa, quod
totum hominem tegat, quasi minor casa, unde &
Cuculla, quasi minor Cella; sic & Græci planetas di-
ctas volunt, quia oris errantibus evagantur. Dum
 cucullatam vestem casulam vocavit, & to-
 tum corpus tegentem, Græcæ casulæ similio-
 rem facit & sacco, de quo diximus; nec in-
 ter sacras vestes casulam refert, sed inter vul-
 gares adhuc & paganicas. quod miror; non
 deficiente occasione, dum de ueste Sacerdotali
 in lege, c. 21. sigillatim tractavit, nec in ejus
 libris

libris de Ecclesiasticis officiis, qvidqvam de Clericorum vestimentis adduxit. Beda primus est, qvi Casulam inter vestes Sacerdotales recensuit Seculo integro post Isidorum, utpote qvi ab Anno 725. scripsit. Is in Collectan. tit. de septem ordinib. sic ait: *Septimum vestimentum est, qvod casulam vocant, hanc Graeci planetam dicunt, qvia suprema omnium vestimentorum, & suo munimine alia tegit.* Planetam quod Græcis dici & Isidorus innuit, & Beda posuit, haud qvidem satis intelligo, nulla enim vox est apud veteres Græcos, *πλανήτη*, qvæ vestem significet, nec apud recentiores. In hoc igitur & Isidorus & Beda falsi fuisse dicendi sunt, cum nullibi apud Græcos id nomen vesti positum unqvam fuerit. *Planeta* potius ex Latina Origine deducenda, à *plano* & *planè*, qvod planè tegat hominem, sicq; convenit Casulæ, qvæ quoque planè tegebatur hominem, ut ex figura Sancti Sampsonis apud Goarium percepimus, & ex vestimento Norberti Archiepiscopi descripto. quibus consentit Albertus Crantzius Canonicus & Lector Hamburgensis primarius, in libr. de Instit. Sacerdot. ad offic. Missæ Anno 1506. edito Rostochii. *Casula suprema vestis Sacerdotis est, & sic dicitur, qvia in morem casæ cingit omnia qvæ in Sacerdote sunt.* Ejus autem figura dicitur esse orbicularis ut demissis manibus Sacerdotis ex a quo undique dependeat. Recte omnino secundum illam figuram, qvam Goarius depingi curavit

vit & Græcis tribuit. Manibus enim sublevatis & exsertis extra casulam, necesse fuit simum istum anteriorem & posteriorem in acumen qvoddam defluere, latera nudari, & in brachiis ea casulæ gestari, qvæ sublevata fuerunt, per plicas & rugas retorta: qvæ rursus demissis manibus & reductis latera tegebant, ac figuram orbicularem recipiebant, totumq; hominem includebant & cingebant. Nec potuit nescire Crantzius, qvid Casula esset suo tempore, sacris jam à pueris innutritus & inter vestes sacras versatissimus. Nondum igitur Casula ita fissæ ad latera furerunt; prout hodie commodior usus eas parari jussit, sed demissis manibus Sacerdotis ad rotunditatem suam orbicularem decidentes redibant, sicq; explicanda sunt verba Amalarii Fortunati Episcopi Treverensis l. 2. de Offic. Ecclesiast. c. 19. *Casula dupla est, post tergum, super humeros, & ante pectus.* Scinditur enim casula velut in duas partes, manibus sublevatis & exsertis extra casulam, posteriorem scilicet & anteriorem, de qvâ figurâ Sacerdotis in casulâ ministrantis loquitur Amalarius, manibus verò demissis & retractis istæ duæ partes consolidantur, & ex equo undique dependent, ut loquitur Crantzius. Philotheus Episcopus Copolitanus de *demissa casula* quoque loquitur in ordine instituendi Diaconum, qui Tom. 6. Biblioth. SS. Patrum exstat. Ibi aliquot locis: *egreditur etiam retro Sacerdos demissam*

missam portans casulam. Nec aliud quid dicit, quam Casulam tunc dependere, manus & brachia intra se continentem, qvibus alias eam sublevat, ut ex figura Goarii observeare quoque licet. Inferius ita loquitur *Sacerdos aperiens sanctas portas, demissum Phælonium gestans*, ubi Phælonium pænula vocatur, & est eadem cum casulâ; rursus subjungit: *At Sacerdos demisse phælonium gestans, & Evangelium ante pectus portans exit, & stat in medio templi, Diacono ad dextram ejus existente cum cereo ardente.* Qværi posset, quomodo Evangelium ante pectus gestare, & casulam nihilo minus demissam habere potuerit, nam manibus etiam non exsertis, nec sublevatâ casulâ Evangelium ante pectus tenens & apprimens ostendere poterat. His ita de Casulâ explicatis, quando vox illa cœperit, inter paganos, ex Procopio Seculi 6. Scriptore aliquatenus constat, & mansisse inter vulgares vestes Seculo 7. adhuc ex Isidoro monstravimus. Seculo 8vo ad sacras vestes & usus migraverat, ut Beda docuit, nec ante quidquam de ejus usu in sacris antiqui docuerunt, unde quæcumque de Casulâ S. Petri, & Φελονη Pauli Apostoli Pontificii urgent, suâ sponte protinus concidunt, nemo enim Petrum aut Paulum penulam gestasse negare cupiat, at Casulæ vel nomen notum fuisse tunc, vel ad sacros usus penulas destinatas fuisse, nemo Pontificiorum decebit, puto, cum sciamus Apostolos

docuisse gentes qvocunqve habitu sumto,
 vulgari & communi, & missos esse sine perâ,
 argento & Zonâ μῆτε ἀνὰ δύο χιλῶν εἴκονας.
 Sic enim appellat Christus ipse vestes Apo-
 stolorum apud Evangelistas. In qvibus ve-
 rò vestibus sacra celebrarint apud eos, qvos
 jani docuerant, & ad fidem perduxerant, an
 in qvotidianis, aut peculiaribus, sacris solùm
 usibus dicatis, tacet Scriptura, nec adqvie-
 scere possumus piis qvorundam Patrum con-
 jecturis, qvas in medio facilè relinqimus,
 qvoties antiquitati contrarium nihil secum
 afferunt; Non loqvor hic de vestibus Sacer-
 dotalibus Judæorum & V. T. de qvibus diser-
 tè præcipitur Ezech. 44. v. 19. Und wann sie
 etwa zu einem eußeren Vorhoff zum Volck heraus
 gehen / sollen sie die Kleyder darinn sie gedienet ha-
 ben aufziehen / und dieselben in die Kammeren des
 Heylighthums legen / und andere Kleyder anziehen /
 und das Volck nicht heyligen in ihren enghen
 Kleydern. Hic verò Sacerdotium est novum
 & liberum in Christo , antiquis ceremoniis
 non alligatum, quibus etiam Apostolos Chri-
 sti nequaquam inhæsse deprehendimus.
 Miracula *Casulae S. Petri* qvod tantopere cre-
 pent Pontificii, mirari satis non possumus,
 postqvam tot fraudes apertæ illorum ferè fi-
 dem labefactarunt, veraq; simul cum fictis
 confuderunt. Idem sentiendum de picturis,
 in quibus producendis

~~2010~~ ~~2010~~ pictoribus atque Poëtis

~~2010~~

Quid-

Qvidlibet audendi semper fuit æqua potestas.

Docuimus etiam hac occasione & Casulam & Planetam Latinæ originis esse, nec ad Græcam lingvam pertinere, tum verò etiam, unde forma & figura nostrarum Casularum hodie prodierit; Atque in his subsistimus, nemis prolixii & tædiosissimus.

(48.)

DENARIORUM SCHANIENSIVM.

Scanienses Denarii non cudebantur nisi Lundis: Lundensis verò monetæ vestigia retrò legere possumus, usque ad Canutum IV. Regem, qui primus Archiepiscopo Lundensi quartam partem istius monetæ concessit, circa Ann. 1080. Ego à Svenone Esthritio primam Monetæ domum Lundis erectam judico, postquam illic Episcopatum constituit insignem ab Ann. Chr. 1065. nec ante Canutum M. Danos propriam monetam constitutam habuisse intra Danicum Regnum, facile quis evincet. Is autem Canutus, qui Anno 1036. diem suum obiit, ex Angliâ monetarios videtur in Daniam primus alegasse, & Roschildiæ primam monetam Danicosq; denarios procuos habuisse, ad exemplum Anglicæ monetæ, licet mihi quidem hactenus sub CANUTI REGIS DANIAE nomine denarii nulli occurserint, sed plerique ejus CNVT REX ANG. præferant. Ab illis sanè

temporibus & moneta Roschildensis & Lundensis initia sua cunasq; ostendunt, & non nihil de illis legitur: ideoq; non mirum est hic addi denarios Scanienses, *veteris monetæ*, scil. ante Canutum VI. Valdemari I. filium percusso, qvi meliores erant novis. Pondus & puritatem denariorum Scaniensium illa ætate superius attigi not. 20.

(49.)

FILIUS HARINÆ. Legendum puto, **KARINÆ.** Harinæ sanè nomen hactenus est incognitum apud Septentrionales; *Carina* verò satis notum, descendens ex *Catharinæ* nomine contracto, qvam Karen Dani vocant, hinc *Carina*; ut ex Mariâ Maren & hinc Marina, derivantur.

(50.)

PRO ANIMA SUA. Vetus formula Christianorum, qvibus persuasum erat à Doctoribus Pontificiis, hominis salutem non solum eleemosynis sed & donationibus piis procurari, animæ in primis cruciatus in purgatorio sublevari, & citius evolare his alis, valde carnem & seculum spirantibus, ad beatiora. Hinc illæ formulæ natæ, qvæ toties occurruunt: **PRO ANIMA SUA DARE:** **PRO REMEDIO ANIMÆ SUÆ:** **PRO ÆTERNA RETRIBUTIONE:** **IN ELEMOSYNAM NOSTRAM:** **PRO ANIMÆ**

NIMÆ MEÆ SALUTE: PRO MERCEDE ANIMÆ MEÆ: COGITAVI DEI INTUITUM VEL DIVINAM RETRIBUTIONEM, VEL PECCATORUM MEORUM VENIAM PROMERERE: UT MIHI IN FUTURO MERCES BONI OPERIS ADCRESCAT: PRO REMEDIO ANIMÆ MEÆ CONJUGISq; MEÆ. PARENTUM ET LIBERORUM: UT TERRENIS FACULTATIBUS MERCARER ÆTERNAS ET BONIS TRANSITORIIS MANSURA CONQUIREREM: COGITAVI VITAM FUTURAM ET ÆTERNAM RETRIBUTIONEM: INTER COETERA CURATIONUM MEDICAMENTA ETIAM ET HOC DEUS REMEDIUM CONTULIT, UT PROPRIIS DIVITIIS HOMINES SUAS ANIMAS AB INFERNI TARTARIS REDIMERE POSSINT: cum aliis innumeris, qvo errore etiam Absalon Archiepiscopus irretitus hic sua testatur & donat.

(51.)

CAPPAM FORRATAM. Postquam aurum & argentum divisit, jam ad supellecilem vestiariam & alia progreditur donan-

G 5

da:

da: Dicemus igitur primū de *cappā*, deinceps
 de *forratis* agemus. Differunt *cappæ* & *palla*
 & *juppæ*, qvæ hic leguntur. Et primò
 qvidem attendi debet omne vestimentum
 superius, sive sit pallium, sive toga, sive tu-
 nica non semel *cappam* vocari scriptoribus:
 deinde *cappam* hic indicari *usualem*, qvam
 vocant, & quotidianam Archiepiscopi, non
 verò *cappam* sacram, qvâ induebantur vio-
 laceâ Episcopi, sacris præfuturi aut adfis-
 tates. *Cappæ* igitur illæ *usuales* manicis erant
 præditæ, *cappæ* verò sacræ sine manicis cor-
 pus ambiebant. *Cappæ* istæ *usuales* similes
 erant *cappis* monachorum, divisæ anteriùs
 & apertæ, ita tamen, ut fibulâ circa collum,
 & cingulo circa medium injecto continere-
 tur circa corpus, præterqvam qvod manicis
 etiam indueretur, qvæ faciebant, ut eò fir-
 miùs corpori inhæreret: *cappæ* verò in sa-
 cris usitatæ, ut aliâ forma ac figurâ fabrica-
 tæ tractabantur, ita anteriùs planè patentes
 circumjiciebantur, fibulâ solâ mento suffixæ,
 cœtera sine manicis longo syrmate prodigæ
 & fluentes. Erant & *cappæ* laicorum homi-
 num, ab his & illis, de qvibus loquimur,
 etiam distinctæ, unde *mantum*, *mantulum*,
mantellum, Francicis *manteau*, Germanis *Mans-*
tel dici solet, qvod non ultra manus penden-
 tes porrigeretur, nec ποδῆρις esset, ut *cappa*
 Sacerdotum. Dani autem & Septentriona-
 les etiam hoc pallium Laicorum *Kappe* per-
 gunt

gunt vocare. Solis enim Danis debetur hæc
 vox, nec sine illorum lingvâ satis intelligi
 potest. Frustra sunt, qvi à *capiendo* deriva-
 runt, Isidori Etymologiam secuti, qvod to-
 tum hominem capiat: vel à *capite*, qvod ca-
 put illo involvatur in luctu, pluviisq; & aliis
 temporibus: multò minus à *cap*, & pa. qvod
 capiat Patrem: qvia monachi & sacerdotes,
 cappis utentes, Patres honoris ergo solent
 appellari; qvi lusus est Andreæ du Saussay,
 in Panopliâ Sacerdotali p. m. 144. qvando
 veram Etymologiam vocis reperire non po-
 tuit. Mira est Vossii de vitiis sermonis l. 3.
 hujus vocis explicatio, fatetur enim cappam
 ex Germanico *Kappe* manasse, & tamen ad-
 dit, qvod *Kappe* / à *Caput*. Si *Kappe* à *Caput*,
 non est illa vox Germanicæ originis, sed La-
 tinæ, & si Germanicæ originis est, non est
 sanè à *Caput*. Sed video, qvid illos move-
 rit, & cur ad *caput* referri voluerint cap-
 pam, non solùm allusionem seqventes, sed
 ideo præprimis, qvod plures cappæ tam in-
 fœminis qvàm in viris ad *caput* solum obnu-
 bendum pertineant, nec ulterius extendan-
 tur. At hinc non seqvitur alias cappas præ-
 ter *capitis* non fuisse, ideoq; manifestum
 est, vocem tam latè patentem, cujus usus
 ad totum corpus se extendat, non posse ad
caput solum trahi, aut originem exinde du-
 cere. Hic autem intelliguntur cappæ mani-
 catæ Ecclesiasticis qvotidianæ, nobis die *Hart*
Kappæ

Kappē / nam cappas sine manicis sub palliis
 comprehendit. Aliqvid viderunt, qvi Cap-
 pam Francicum vocabulum esse dixerunt : à
 Francis enim eorumq; lingva in Ecclesiam
 Christianam ingressa est cappa, & vestitum
 Ecclesiasticorum hominum ornare cœpit :
 Sed qvod Franci reliquiq; Germani è Dan-
 iā Lingvā sublegerint ac retinuerint plera-
 que sua , exq; Danis & Septentrionalibus
 confluxerint, nec nisi dialectis distingvantur
 in qvam pluribus, hoc est, qvod nunqvm
 attenderunt Franci vel Francici, vel Germa-
 norum qvisqvam , nec tantum debere cu-
 piunt locupletissimæ Matri, ut illam solūm
 respiciant, ex cuius utero prodierunt & lo-
 qui cœperunt, sed malunt αὐλόχθωνες & αὐ-
 λόγλωσσοι videri, qvamvis non sint. In Da-
 nica sanè lingvā solâ vera vocis *cappæ* origo,
 ejusq; causa reperitur, in nullâ aliâ. Kappē
 enim illis vestitus dici cœpit , quo quis in-
 volvitur contra pluvias, vel alias ob causas,
 & est Danis Kappē idem quod Latinis *tegere*.
 Hinc non mirum est apud antiquos monasti-
 cos Scriptores cappam, Ecclesiasticam licet,
 etiam *Pluviale* vocari, cum tamen vix in plu-
 viis adhibeatur, sed intra Ecclesiam, fudo ac
 sereno cœlo , sacris intenti illâ induantur E-
 piscopi. Wibertus Archidiaconns de vita
 Leonis IX. Papæ sic loquitur: *Videbatur sibi,*
qvod stans in edito familiares suos ad se de peri-
cula

culo confugientes reciperet, eisq; subter pluviali ve-
 ste, quæ cappa dicitur, inclusis, sanguine eorum
 sibi uestes infici consiperet. Ideo enim apud pa-
 ganos Danos hoc tegumentum Ḵappe dici
 cœpit, quod contra pluviam defenderet &
 tegeret, & contra illas tempestates sumere-
 tur: unde inferiùs disertè dicitur. *Zofrida*
coco duas cappas pluviales. Nam & qvando ca-
 put involvebant caputio, vel cum cappa,
 vel sine eâ, ut agnoscí non possent, dice-
 bantur *forskapped*, & sig at *forskappe*, quod e-
 tiam Germani retinuerunt, licet Ḵappe vox
 apud illos exoleverit, zu *verkappen*, & *verlap-*
pet, quando larvati ac personati incedunt.
 Manifestum igitur est & monachos & Sacer-
 dotes hanc vocem suam fecisse, quæ ex pa-
 ganismo, ut plures aliæ, descendit, & *pluvia-*
le vocasse, qvod est Danorum *Regenkappe*,
 cum Latinè loqui vellent. Sed *cappa* tamen
 vocabulum prævaluit, qvascunque mutatio-
 nes subierit, & ad quos homines pervenerit.
 Qvod verò attinet dñe *Harzkappe*, Germano-
 rum Sacerdotum, illa non ex Danica lingvâ
 nomen hausit, sed ex *cappa* Francicorum,
 postquam vocula ista civitate Latinâ ibi do-
 nata, & inter omnes Christianos recepta
 fuit pro ueste Sacerdotali, & qvidem ex quo
 Ecclesiasticis placuit, more Johannis Bapti-
 stæ, illam uestem & cappam ex pilis came-
 lorum contextam gestare, novo textorum
 invento productam, tunc enim *Harzkappe*
Germa-

Germanis cœpit vocari , & in hunc usque
diem à plerisque Sacerdotibus gestatur , à
quibus ad alios quoque translatus est mos ,
tales vestes postmodum induendi , suisq; u-
sibus , sine nomine cappæ tamen , applicandi .
Ein haaren Kleid / von Kameels-Haar / unde
Kamelot / Mercatorum vocabulum , qui istos
pannos vendunt , etiam manavit , tametsi
distinctionibus aliis subinde mutatum sit , &
ad undulatos pannos ac vestes restrictum ,
quales sunt die gewässerte Zafften / Tobinen / &c.
propriè tamen panni von Kameels-Haar ge-
macht iis initio significabantur . Apocal . 6 . v .

I2. occurrit , nec solum ex
pilis camelii , sed etiam ex caprinis vestes hæ
pilosæ veteribus conficiebantur , at vix eo mo-
re , quo hodie , dicendum est textus eos tra-
ctatos fuisse . Neque enim Germanis aut
Europæo orbi antiquum est ex his pilis pan-
nos contexere & cappas parare , ciliciis qvam-
vis vigentibus , quæ quoque ex pilis anima-
lium texebantur , non verò Camelorum ,
sed alium usum sui præbebant , non in cap-
pis aut exterioribus vestibus . Nec ibi substi-
terunt Dani , prout est lingua eorum fœcun-
dissima , quin ex Kappe etiam aliam vocem
producerent , Kaabe / quâ fœminarum pallia
præprimis significarunt , id quod nulla alia
lingua tam facile præsttit , aut præstare potest .
Neque enim diu est , quod fœminæ hic pal-
lia

lia deposituerunt: ante 36. annos nulla matrona in publicum absque suo pallio & ~~Raabē~~
prodibat. Ex his jam dictis, Archiepiscopus cappas donando, quid vestitūs indicare voluerit, satis, puto, explicatum dedimus, nimirum togas Ecclesiasticas, quas ipse extra sacra gestare solitus erat.

Nunc de *forratis* aliquid dicendum: *Forrata* hic dicuntur vestimenta, quæ pellibus villosois, hirtis ac hirsutis sunt subducta, quod nesciverunt Romani & Græci, quorum ~~κλιμάτα~~ temperata tales non requirebant vesteres. Deductum itaque vocabulum *forratum* à Septentrionalibus eorumq; lingvâ, qui *Fo*der / *Foer* / *Foderwerd* pelles has pilis obsitas vocarunt, ex quâ pronunciatione Germani superiores *Futter* / *Futterwerd* / *Fütern* didicerunt flectere, unde *forrata*, & *furrata*, & *foderata* exstiterunt apud Scriptores monasticos & mediæ ætatis; probè distingvenda à *Fodro* *Foder* / vel *Futter* / quod etiam pro pabulo in legibus antiquis Germanorum & Danorum, nec non Latinis sæpiissimè reperitur, eratq; onus tributi, quo subditi tenebantur Dominis ad pabula subministranda illorum jumentis: quod quia Romani Græciq; nesciverunt, vel quasi, sed à Germanis primum didicere, Germanico propterea nomine in memoriam, illud expressum legimus. Male verò confuderunt Latini *Forr* & *Foder*

Dano-

Danorum ac Septentrionalium, sua eupho-
niâ rem totam invertentes, aliud enim est
Foder & *Fodrum*, pabulum; aliud *Forr* & pel-
lis hirsuta. *Foder* originem dicit à *Føde* Da-
nico, pabulum, quod alit, & quo quis alitur.
non ita *Forr* quod de hispidis & pilosis u-
surpatur: ideoq; hic melius scribitur *forrata*,
qvām *foderata*. Francici etiam & Angli re-
ctam flexionem istius vocis retinuerunt, *four-
rez* dicentes & *furring*, quod Latini *foderare*
& *foderaturam*. Latini verò pervertentes vo-
cabulum suum literam *d.* interponendo etiam
Germanos & Danos seduxerunt, ut multi
Foder potius scribant Latinissantes, qvām
Forr cum Septentrionalibus, quibus origo
vocis debetur, secundum qvam ejus quoque
Scriptio attemperanda. Inter Latinos alii
hanc vocem *Forring* non *Fodenaturam*, sed
Fordaturam dixerunt, & *Fordare* pro *Forrare*,
minusq; peccarunt qvam priores. Alias La-
tino nomine *pellis* etiam Germanica & Dani-
ca lingva vicissim imbuta fuit: *Pelz* enim &
Pilz vocant ejusmodi furratas tunicas & ve-
stes tam viri qvam fœminæ, einen gesutterten
Pelz / *Pelzrock* / der *Pelzher* & similia vocabula.
qvamvis hæc pellicia propriè dicantur vestes,
qvæ nihil nisi pelles sunt, nec pannum su-
perius additum habent, *Skindkortel* Danis:
neque enim *foderata* aut *forrata* sunt talia,
sed *fodra*, pellesq; meræ. Qvin & latius ista
pellicia sumuntur, non solum pro *fodris*, &
hirsu-

hirsutis pellibus, sed etiam pro lævigatis &
 depilatis, ut sunt braccæ, & qvæ vocantur
 Kollerten / quæ tamen Germanicè loquendo
 Pelzen non sunt, sed sub pelliceorum nomi-
 ne Latinis etiam veniunt: Danis enim Pel-
 zen non sunt nisi hirsutæ pelles, pilis suis o-
 nustæ; nec solum pelliceæ dicuntur illæ, qvæ
 interius pilos versos habent, exterius gla-
 bræ, sed & illæ, qvæ vice versâ sunt, aut
 quæ intus & exterius pellibus hirsutis dupli-
 catæ sunt, ut *muffule* hodie quæ leguntur in
 addit. 1. Cap. Ludovici Imp. tit. 22. aut Lap-
 ponum tunicae & ocreæ. hæ enim pelliceæ,
 meræ quoque pelles sunt, sed forraturam
 insuperhabent pilosam & pelliceam. In al-
 legato tit. Cap. monachis singulis pelliceæ bin-
 usque ad talos descendentes dari jubentur. Ca-
 rolus M. Imp. *pellicium berbicum habebat*, ut
 est in Chronico Sangall. l. 2. p. m. 422. h. e.
 ex vervecina pelle paratum, non exterius
 pilos gerens, sed interius versos. Majores
 nostri pellibus aliter utebantur, exterius
 enim plerumque pili sedebant, glabras partes
 interius obversas gerentes, sicq; frigus longè
 melius arcebant, naturam in his secuti pel-
 lium & sua commoda, non decorum aut ai-
 tem. Christianis verò factis opinio nocuit
 neque enim se homines videri, si sic amici-
 rentur, sed bruta & pecora, & feras. Hinc
 illæ pellionum artes enatæ, quæ inverso or-
 dine pelles interius subducebant, ut honesti-
 tate pellitur. **H**oc est aliq; opinum, or

or & magis humanus appareret vestitus. adeò ut Underfoder / Untersutter omnia cœperint dici, qvæ subducuntur vestibus, non solæ pelles. *doublure* vocant Francici, quamvis & *fouler* dicant forratas vestes & alias res, ut nummos & denarios *fourrez* appellant, qui sub argento æs tegunt, voce ipsis natâ ex Danicâ & Germanica lingvis.

(52.)

DE PELLIBUS MARTURUM.

Hæ sunt illæ pelles de qvibus Adamus Bre-mensis in libello de situ Daniæ p. m. 147. dum ait: Sembî vel Prutzi aurum argentumq; pro minimo ducunt, pellibus abundant peregrinis, quo-rum odor nostro orbi lethiferum superbiae venenum propinavit. Et illi quidem ut stercora hæc ad no-stram habent damnationem, qui per fas nefasq; ad vestem anhelamus marturinam quasi ad summam beatitudinem. Ex quibus judicare licet non vile fuisse tunc temporis legatum marturi-næ cappæ.

(53.)

DE PELLIBUS GRISEIS.

Qvæ-nam pelles illæ sint facile ex Danica lingvâ sciri potest, qvi eas appellamus Graafkind / Graaverd / Graavare / & Germanicè Grau-verk. sunt sciuris detracta spolia, quæ nobis Norvegia Russiaq; incredibili numero mittit, ubi istorum animalculorum venationes sunt exercitatissimæ: hyeme solent grisei evade-re, mixtiq; pilis rufis grisescunt aut albican-

Dan-

Dantur quoque in Jutiâ extremâ planè nigri,
 quorum venatio & possessio nobilissimæ fa-
 miliæ Frisiorum insignia cœpit ornare in hunc
 usque diem. in Chronico Norvegico p. m.
 94. Haraldum Erici, Regem, Graafell à pel-
 libus istis griseis cognomen tulisse dicitur,
 qvod vestem suam griseis pellibus forratam
 gestare cœperit, navemq; griseis istis onu-
 stam ex Islandiâ in Norvegiam appulisse. In
 eodem Chronico p. m. 226. narratur de Ot-
 thone stulto venante Sciuros in Vermalandiâ:
Hand fik saa mange Graafkind / at hand
sylte sin Slæde saa / at hand kunde ikke drage
meere. h. e. tot sciuros dejecit, ut traham suam
 totam impleret, nec plures ferre posset. Hæc de-
 pellibus griseis monere libuit, ut intelligatur
 qvænam significantur, hodie enim nondum
 desierunt, sed inter delicatores forraturas,
 levitate suâ commendatissimas, non minus
 qvâm qvod corpora satis foveant, & frigus
 penetrare non sinant, æstimantur.

(54.)

PALLIUM MARTURUM. Intel-
 ligitur pallium ordinarium, qvo hyeme Ar-
 chiepiscopus uti solitus est, non Româ mis-
 sum inibiq; consecratum, quod Archiepi-
 scopi non nisi certis diebus feltis induere po-
 terant, in Ecclesiâ. De hoc pallio non hic
 loquitur, sed pallium innuit, quod Archiepi-
 scopi etiam extra Ecclesiam sumebant, quo-
 ties solemniter indui comparere debebant

Hz

in

in publico. Sicut enim oraria & stolæ quædam *usuales* erant Clericis & Episcopis extra Ecclesiam, sic quoque pallia, vestes omnino distinctæ ab illis, quibus intra Ecclesiam, sacris operati induebantur, quasq; peractis sacriss exsuentes in Ecclesiæ sacrario relinquebant, resuientes quotidianas. Ex his erat hoc pallium Absolonis legato destinatum, & pallium marturum dixit, quod, sicut cappa in superiori membro forratum esset de pellibus marturum, panno serico aut laneo superiore & exteriorem partem pallii tegente, quare paulo post sequitur de pallio quotidiano, quod donaverit & legaverit *Petro Stamme griseum pallium quotidianum.*

(55.)

SUPER-PELLICUM CUM PELLICO. Est vestimentum linteum Clericorum, paulò infra genua descendens, manicis amplissimis, sicq; distingvitur *ab Albâ*, quæ quidem linea quoque fuit, sed manicis strictioribus, & longior, quippe quæ ad talos descendebat, ποδῆσις: Albâ quoque uti non licebat nisi in sacrificio missæ, superpellicio etiam in aliis quibusvis functionibus sacriss. Dicitur etiam *superlicium*, & Francicis, *surplis*, quod veram originem vocis nobis monstrat, à plicis deducendæ, ut sit *superlicium* scribendum, non vero *superpellicium* neque enim ex pellibus conficitur, cum linea

linea sit vestis, nec super pellem aut cutem induitur, ut *camisia*, aut interula, sed super alias vestes injicitur, plicas suas varias accipiendo, propter amplitudinem quâ gaudet. Ultra sexcentos annos non adhibitam hanc carbasinam aut lineam, ipsi Pontificii concedunt, qui alias à S. Petro vestium sacrarum originem libenter repetunt. Qvod verò hoc loco additur, *cum pellicio de marturibus*, superpellicium donatum esse, attendere debemus, has lineas vestes variè exornari solitas esse, ante manus, in collo, & lateribus, clavis inseritis, aut ex holoserico, aut auro, prout etiamnum fœmellæ subcululis suis aurum intexere, aut alia ornatiora pergunt; & Francicum proverbium produxerunt, *Vous estez fille de Chevalier, vous avez la chemise dorée.* Vetus hoc esse discimus ex Lampadio in Alessandro Mammææ filio, qui *in linea aurum mitti etiam dementiam* judicabat, *cum asperitati adderetur rigor*, cutemq; effricari contingeret sèpius, sed in superpliciis hoc non impeditabat, aliis vestibus subtus defendantibus, unde Anastasius in vitâ Benedicti III. camisias auro clavatas commemoravit, *camisas*, inquit, *albas sigillatas holosericis cum chrysoclavio.* Et sicut auro clavatas *Albas* dixi ac holosericis limbis decoratas, sic quoque *superplicia*, ita ut quæ hyemi convenire deberent, hic pellicio de marturibus dicantur instructa fuisse. Inferius occurrit *superpelliceum vario forratum*

tum Nicolao filio Archidiaconi legatum. Egregius est locus in Concilio Generali Constantiensi sess. 43. Can. de vita & honestate Clericorum. hanc rem illustrans: *Decernimus penitus abolendum, quod Clerici & personæ Ecclesiasticae longas cum magna superfluitate vestes, etiam fissas retrò, & in lateribus cum fodraturis ultra oram excedentibus etiam in fissuris deferunt.* Hoc tam ad lineas quam laneas & sericas Clericorum vestes spectare facile judicamus. Multi mecum testari possunt, si memoriam excutere lubet, non ita diu depositas esse has vestes, quæ fissuras suas retrò ostendebant; quæ vero fodraturæ vocantur *ultra oram excedentes* etiamnum maribus & fœminis, Clericis & nonnis, manent ac perseverant.

(56.)

VARIO FORRATAM. Distinguenda veniunt varia & Grisea. Griseæ quæ fuerint pelles & unde, jam explicatum dedimus notâ 53. præc. nunc quoque variæ quænam sint dicam: pantherarum enim, lyncium & pardorum pelles, aliarumq; ferarum, maculis suis conspicuæ, variæ dicuntur, Danis & Germanis, bunt. Variis enim coloribus natæ pelles non solum, sed etiam consutæ & conjunctæ à pellionibus cum aliquo decore & gratia Buntfoderi & Buntverð dicuntur, ipsiq; pelliones ideo Buntmagere & Buntverðer. Varias has pelles semper amarunt Septem-

rentrionales, ita ut quoties natura negaverat, arte varium adderent, quod discere licet ex Tacito, qui de omnibus Germanis varias has pelles appetentibus pronunciavit c. 17. Eligunt feras, & detracta velamina spar-gunt maculis, pellibusq; belluarum, quas exterior oceanus atque ignotum mare gignit. Ad phocas procul dubio respicit, Sælhunde Danis, & cœteras pilosas oceani belluas, quas insuebant hinc inde ferarum terrestrium pellibus, ut maculosæ & variæ apparerent. Sive igitur lyncibus solis cappa hæc subducta fuit, quos Norvegia elegantissimis maculis distinctos ut & Russia mittit, sive variis pellibus, partim melinis, partim felinis, marturinis sabelinis, vulpinis, lupinis, aliisq; conjunctis parata fuit, *vario forrata* potuit appellari, Occurrit illa forratura in hoc Testamento sæpius, pleræque enim vestes vario potius quam aliis pellibus consuebantur, ita ut mirum videri nequeat, pelliones Buntmagere nomen adquisivisse, ex variis potius quam ex griseis, marturinis &c. quia in variis con-suendis occupatos maximè legimus.

(57.)

ET JUPPAM. Hæc vox verè Danica antiqua est, quam tunicam significare solent, een Goop transiitq; ad Germanos, & Franci- ci quoque retinuerunt, *la juppe*, suppara fœminarum plerumque hoc nomine significan-

ces, quæ nos Skort / & Germanicè Schörten & Schürzen propriè vocamus, quod circa medium fœminarum in varias rugas ac plicas contractæ cingantur & firmentur. Sed & ab aliis Nocke vocantur, quod nomen est velut universale, omnibus indumentis ferè applicatum. Hodie Joopen de rusticis tunicas propè solum effertur, quin & cerevisiam egregiè rusticos exhilarantem ideo Joopen Beer vocarunt, quod hæc saltationibus & homines & tunicas indulgere faciat: Islandis Faldafeycckir dici mereretur. Tantam enim vim bene potis ingenerat talis vel Bacchus vel Ceres, ut etiam vestes illam sentiant. Hinc Belgæ: *Hy heeft wat in syn muts in syn temp, in syn wams &c. gevattet,* quando cœperunt ad ebrietatem vergere, & hilariatem nimiam prodere. Saxones inferiores de homine appoto: *He heeft syn Hoop full Malè igitur Ferrarius, qui giubba & giubbone Italorum, & giubbarello,* derivat à supparo, ut solent, qui Danica nostra contemnunt, nec respicere dignantur, ad Græca statim, & Hebraica & Latina in his nominibus derivandis confugiunt; nescientes, aut non memores, quoisque Dani & peregrinationibus & armis lingvam suam aliis gentibus insinuarint: Cum Vandalis sanè hæc vox transiit in Africam ad Arabes, cum Gothis, Normannis & Danis in Franciam, Germaniam, Italiam, Hispaniam, qui tamen à Mauris Arabis

rabicè loqventibus *Aljuba* videntur didicisse,
 Mauri à Vandalis. Nec Græcia hanc vocem
 sprevit, postquam & eò Danicæ gentes per-
 venerunt: ζωαν enim vocarunt *juppam*, ut
 solent sic derivare & pronunciare. ζωρα
 dixerunt pro *Justa*: ζωλάτιον pro *Julapium*.
 Apud Achmetem in Onirocrit. sàpe reperi-
 tur hæc vox; sic enim c. 228. legere potes:
 ἐὰν ἴδῃ τις ὅτε ενεδύσατο ζωαν, εἰ μὲν ἔσιν εξα-
 σιάζων, ὄνομα καὶ Φήμην καλὴν εὐρήσει, διὸ τὸ
 ζωάνω Φορεῖσθαι τὴν ζόπαν ἀεί. Quin & Aga-
 pius in Gepon. ζωόν habet à *Juppon* Fran-
 corum & Normanorum, quod terminatio
 satis indicat, & minorem tunicam quam
 ζωαν significat, unde & ζωῆν in Turco-
 Græcia Crusii, adhuc minor tunica quam
 ζωόν, ut apud Italos *Giubbōne*, *Giubetto*, &
Giubettino. Ex hac veste dignitas maxima a-
 pud Græcos inferioris ætatis fluxit, ut ζω-
 ράν[◎] diceretur *Præfectus vestiarii Princi-*
pis: quin & ad Slavonios illa vox concessit,
 Servios & Hungaros, qui suos Principes &
 satrapas ζωάνγες, Αρχιζωάνγες, Μεγάλαγες ζω-
 ράνγες ab hac veste appellare cœperunt, quæ
 erat superior, ut ex Achmete audivimus, in
 gloriam Francicæ Danicæq; Nationis, qui
 hanc vestem hocq; nomen Cpoli militantes
 & mercantes in has regiones primum attu-
 lerunt, tantamq; in iis, majestatem & glori-

am admirati sunt, ut vestiti incedere sicut Dani, Normanni & Francici, virtutem sum-
mam & Principe dignam, Danisq; similem
crediderint. Jamq; intelligi potest locus
Constantini de Adm. Imp. c. 29. Ἀρχοντας
δε, ὡς Φασι, ταῦτα τὰ ἔθνη μὴ ἔχει, ταῖς ζε-
πάντας γέροντας, καθὼς καὶ αἱ λοιπαὶ Σκλαβίνι-
αι ἔχουσι τύπον, Idem Scriptor cod. cap. &
sæpius ζεπάντας vocat provincias, quibus hi
ζεπάνοι, præerant. Innocentius Papa in Epi-
stolis suis & Actis rectè illos vocat Jupanos &
Magnum Jupanum, vocis analogiam Latinam
rectè secutus. Regis Hungariæ legatus Περῆς
ad Alexium Imperatorem in pacto Boëmuni-
di Ducis se subscripsit ζεπάν@ ὁ Περῆς. A-
pud Nicetam & Johan. Cinnamum Αρχιζε-
παν@ reperitur. Hæc debeo doctissimo
Dn. du Fresne, ejusq; Glossario, qui tamen
originem harum vocum non vidit, nec atten-
dit. Nos verò discamus quid vocula faciat
unius vestis, & quo usque fimbrias & pinnas
extendat, quamvis enim vestis virum non
faciat, vulgo tamen sæpe Græcum illud placet:
ημα ἀνήρ. Qvis verò crederet Danicam
vocem Ιοοπ tot terras peragrasse, & tantam
gloriam sui excitare potuisse? Bene conclu-
dit Menagius postquam in lexico suo omnia
recensuit: *Les Allemans disent GILIPP. pour di-
re un Juppon, & je eroy que e' est de ce mot Alle-
man,*

man, que l' Italien GIUBBA à estè formè. Unde Germani traxerint ac habuerint hoc nomen, & alia plura nemo hactenus solicitus fuit. Ex Daniâ enim Norvegia & Sveciâ nemo credit quidqvam proficisci posse quod juvet, cum tamen ad antiquitatem omnem illustrandam hinc ferè petenda sint omnia, si qvis rectè sapere vult. Usus est illa voce Chronicci Norvegici Scriptor in Manuscr. de Magno Barfod Rege Norvegiæ, dum ejus armaturam & vestitum describit, p. m. 399.
Hann hafdi oc silke HILLP rauthan yfir Skyrto, oc skorit fyrer oc à back med guli silki Leo. h. e. tunicam rubram sericeam, anterius & posterius leone flavi serici insignitam super inducio gestavit. Qvod satis docet vocem Joob & Hiup antiquam Danicam & Islandicam esse. Ita quoque paulo post eadem historia memorat. Eyvindr hafdi oc silki hiup, med sama hætti sem Konungr. h. e. Evindus etiam tunica serica eodem modo quo Rex indutus erat. Erant hæ juppæ majores & minores, longiores & breviores, ampliores & strictiores, ideoq; legimus etiam hic *minorem juppam de griseo forratam proximè sequentem*; quam Belgicæ fœminæ vocare solent *eene Jacke: jacquet Francicis*, quæ paulò infra cingulum circa medios lumbos desinit, adeò ut multi *juppon* interpretati sint thoracem, quæ non nisi ad cingulum pertingit, inq; his videmus Hamburgi & Amstelodami *de Karen-schuyvers, Kruyers, Lijkenbröder &c.*

(58.)

COOPERTORIUM VULPINUM.

Ita vocat, ni fallor tegmen superius lecti,
pellibus vulpinis subductum: infra *lectisternium forratum de marturibus* occurrit, quod Archidiacono legavit, estq; idem cum cooperio. ut & lectisternium vario forratum, quod Mag. Hugoni donatum relinquit.

(59.)

STABULARIO. Danicè *Stallmesteri*, quod nomen hodie non tam magistris stabuli, quam servis convenit, ut observemus, quantum mutatus ab illis Magister stabuli nunc incedat.

(60.)

ESBERNUS MULE. De hoc Esberno superius notâ (33) fatis.

(61.)

H A Q V I N O C A M E R A R I O. Etiam hunc superiùs notâ (8) attigimus, ubi inter testes aderat, hîc legatum accipit.

(62.)

BRUNEI COLORIS. Hæc latinitas tunc placebat, qvod rem distinctiùs explicaret ac significaret, melius quam si fusci, vel sub fusci, coloris dixisset, desunt enim Latinis verba, quibus colores distingvant septentrionalibus

libus notos ac quotidianos, est enim inter fuscum & bruneum discrimen non modicum, alter enim saturum colorem ejus generis indicat, alter remissior color est. Sic *blaveos* lapides adduxerunt colore proprio se eximentes à cœruleis, quem colorem solum Romani norunt in eo genere. *Blavotas* aves, quæ pedibus coeruleis visebantur, appellabant, quod coeruleum colorem iis minimè convenire facile cernerent, aliud enim est bla / aliud *Himmelbla*. ita quoque bruneus color distinctiones omnigenas recipit, *Hirschfarbe* / *Haarfarbe* / *Leberbraun* / &c. qui colores omnes brunei sunt.

(63.)

EQVUM BLACCATUM. Ita vocavit, qvod aliter Latinè efferri non posset, quem Dani vocant *ein blakket Hest*. Germani & Angli *Blak* vocant nigrum, ut atramentum Danis *Blef*. Hinc *blakfed* / quæ quidem colore nigro saturo non lucent aut vigent, sed veluti deficiunt ad pallorem. Germani vocant *falsb illum* colorem, ut *Maus-falsb* / *ein falsbes Pferd*. Francici vocant, *une couleur effacée*, propriè *blafard*: qvod à Græco βλαχός & βλαχικός deducunt, quæ nihil ad colores faciunt, sed ignavos, stolidos, molles, ac delicatos significant. Non igitur Francici suum inde *blafard* acceperunt, sed potius à *blac* & *faire*, quæ color similitudinem aliquam nigredinis faci-

faciens, ut sunt plerique colores ex albo interlucentes, illi enim blakfed verè sunt.

(64.)

ESCHILLUM BATHSVEIN. Sic vocabantur remiges incymbis: Baad hodie scribimus & Svend, unde compositum hoc nomen, *servus cymbæ* Pontificalis, cui remiges peculiares dati erant, illam curantes & regentes. Hodie Baadskarle potius vocamus quam Svenne, Noerkarle, &c.

(65.)

NICOLAUS STABELLARIUS. Ita scriptum reperi, & nisi stabularius sit, ein Stallmeister prout ante Petrum Stabularium commemoratum audivimus, nescio quid nominis aut officii sit, quod indicare voluerunt, nusquam enim sic scriptum aut exstructum nomen aliquod animadverti.

(66.)

SAXONI CLERICÓ SUO. Hic Saxo, quin sit Historicus ille Daniæ celeberrimus dubitari nequit, in primis quod de libris referendis ad monasterium Soranum addidit, eum in historiâ scribenda occupatum atque eo fine libros, beneficio Archiepiscopi ex monasterii Bibliothecâ de promptos habuisse judicamus, quos hic reddi monasterio jubet. Ita Chronicum parvum, quod nuper de Danicis rebus edidit Arnas Magnæus Islandus

ex

ex Manuscrit. disertè Saxonem Historicum
Clerici nomine p. 10. nobilitavit. Vocat eum
 hic Absalon *Clericum suum*, h. e. scribam,
 Secretarium, à manu, ab Epistolis, aliisq;
 scribendi officiis Archiepiscopo apparentem,
 hoc enim est Clericum alicujus esse: ita Re-
 ges Clericos suos habebant, qui scribenda &
 notanda maximè curabant: in hodiernum
 usque diem Belgæ veteri more Scribas & Se-
 cretarios suos *Klercke* vocare pergunt, etiam
 postquam religioni pontificiæ repudium mi-
 serunt: ad hoc enim officium scriptionis non
 adhibebant olim nisi Clericos, quod Laici
 tunc vix operam darent, & pessimè literas
 pingerent: ita ut mirari liceat, si pagani ad-
 huc Dani, literis scribendis incubuerunt;
 qvod quidam ex Saxone probare se posse
 perperam contendunt, Saxonem minimè in-
 telligentes; cur non Scaldos potius & ejus-
 modi homines Reges literis suis scribendis
 admoverint potius qvām Clericos? quod ta-
 men nusquam reperitur Regibus in usu fuisse,
 vel ante Christianismum, vel post eundem:
 ne in Danicis quidem scribendis ullos
 initio Danicos seculares adhibuerunt, sed u-
 bique Clericorum hoc erat officium. At cum
 Clericus talis Saxo fuerit Archiepiscopi, us-
 que ad ultimum ejus spiritum, quomodo
 statuere potuerunt eum unquam Præpositum
 Roschildensem fuisse? & quidem ab anno
 1161, quo missus est Parisios, ut adduceret S.

Wil-

Wilhelnum? Miror Stephanii sententiam, hanc esse potuisse, doctissimi sanè in omni Historiâ viri; miror: qui Saxònem nostrum, verè satis, circa Ann. 1150. natum judicavit. Fuit ergo non nisi undecim annorum Saxo, cum Præpositus Roschildensis S. Wilhelnum Parisiis qværeret; quomodo hæc quæso co-hærent? quomodo Stephanii sententiam servare aut amplecti licet? Audimus huic testamento Præpositos interfuisse testes duos, Tuchonem Roschildensem, & Achonem, nisi fallor, Lundensem; audimus etiam Saxonii ut Clerico legatum ab Archiepiscopo relinqui hoc loco, quando ergo Præpositus Roschildensis fuit? num Clericus Absalonis ejusq; munus dignius est Præpositurâ Roschildensi? quis ita ratiocinatur? contra veritatem sanè, qvam scimus omnes, haud licet. neque enim Præpositi, qui in Prælatorum dignitate constituti vivebant, ad Clericorum officium rursus se deprimi facile patarentur, nec quemquam hoc flagitare decens erat. Certo igitur certius hoc concludendum superest, Saxònem Historicum Dano-rum Præpositum Roschildensem minimè fuisse, dum Absalon superfuit, qui in fine vi-tæ eum Clericum suum adhuc vocavit, & Saxònem qui in literis à Stephanio produc-tis Præpositus Roschildensis vocatur & sub-scripsit, quiq; S. Wilhelnum à Parisiis in Daniam ut adduceret missus fuit, alium fu-
isse

isse à Saxone Grammatico & Historico; cum
Saxo Præpositus Roschildensis ante Absalonem
decessisse videatur, saltem Tockonem
successorem habuerit in Præpositurâ, qui
Absaloni Testamentum nuncupanti affuit ut
Præpositus; Saxo autem, ut Clericus Archie-
piscopi, absens, in Scaniâ, ni fallor, & mo-
nasterio S. Laurentii vixit; aliás inter testes
cum cœteris comparuisset, seqvuntur etiam
statim Mag. Johannes & Mag. Waltherus,
qui presbyteri in monasterio S. Laurentii,
& magistri scholarum ejus loci fuisse viden-
tur, quin & plenarium monasterii B. Lauren-
tii, & Acho Præpositus ordine conjungun-
tur, ut omnia Lundense monasterium hæc
legata videantur respicere. Saxo autem
Grammaticus & Clericus, qui jam duas illas
marcas cum dimidiâ ab Archipiscopo mu-
tuò datas acceperat, si plures Archiepiscopo
debuisset, plures quoque marcas donatas ac
legatas recepisset: hæc enim mens est ver-
borum, *Saxoni Clerico suo duas marcas argenti*
& dimidiam concessit, quas sibi donavit; Archie-
piscopum, scilicet ante Saxoni hanc sum-
mam concessisse utendam, viginti nempe
unciales thaleros nostræ monetæ, quos nunc
ipsi Archiepiscopus donet & leget, ut ad il-
los reddendos Saxo compelli deinceps non
debeat.

(67.)

MAGISTRO JOHANNI; Nondum
I Magi-

Magistri nomen inter titulos eruditorum honoratores receptum fuit , prout hodie moris est literatos ad Magistri gradum ascendere , iisq; præmiis , laudibus ac titulis insigniri , ob egregiam eruditionem , quam præ cœteris adquisiverunt : sed vocantur hic Magistri ab officio quod gesserunt inscholis quibus præerant: illos enim Magistros simpliciter dictos fuisse multa docent exempla. Helmoldus l. i. c. 14. Adamum Bremensem Magistrum vocat , quod scholæ Bremensi præesset , eamq; regeret : *testis est Magister Adam , qui gesta Hammenburgensis Ecclesie conscripsit.* Sic quoque Ditmarus Mersburgensis Ekkihardum *Grammaticum & Magistrum scholæ* vocavit , & Anskarius ipse Magister talis initio fuit ;

— *Magistratus regimen Preceptor adeptus* ut ait Gualdo Pöeta versibus Anskarii vitam reddens: neque enim in cœnobiis & Ecclesiis inter Clericos alii Magistri occurrunt. A Romanis quidem hoc adsumptum est nomen, qui multos Magistros agnoscebant domi militiæq; in sacris , in conviviis, in collegiis artificum & opificum , eaq; de re testantur Inscriptiones non solùm, sed & ad nostros offices redundavit nomen Magistri , qui Meister & Mester appellantur passim: inferius legitur , *Achoni magistro laterum der Ziegelmeister.* At post tempora Absalonis Archiepiscopi Fridericus II. Inip. primus Magistri nomen inter

magistri

inter honores & titulos literatorum esse ius-
sit, ut eo gauderent, qui in literis profecis-
sent, nulli licet officio essent admoti. Hic
verò Mag. Johannes superiùs inter testes
adstitit & audivit Absalonem testantem &
legantem, ubi quoq; Lundensis Ecclesiæ Ca-
nonicus appellatur, ita ut Magister Walthe-
rus, qui proximè sequitur, Canonicus
quoque fuerit ejusdem Ecclesiæ, & scholam
insignem ac frequentem fuisse tunc Lundis
indicant, quæ plures Magistros Canonicos
habere debuerit præpositos, hæcq; causa est
cur Mag. Johannes Absolonem sequi potu-
erit, & in comitatu ejus apparere; nam si
solus Magister scholæ regendæ præfuissest,
haud munus illud permisisset ipsi abesse. Mo-
nendi quoque sumus tunc Magistros Scho-
larum, licet Canonicos, ipsos scholas rexis-
se, & in iis docuisse: sed postquam præben-
dæ majores & minores prodierunt, ac di-
stingvi cœperunt, ad minores Canonicos
scholæ labores pertinere cœperunt, ad ma-
jorem vero nomen dignitatis & Scholastice
concessit, qui aliis docendi munus impone-
bant, ipsi consilio scholis præerant, ut Re-
ctores & Inspectores, philosophâ sententiâ
non operâ: Canonici enim ferè cum Episco-
pis hanc vitam sibi probrosam tandem existi-
marunt, in qvâ docendi munus superesset ad-
huc, per Vicarios enim hæc facile præstari
obtinebant, qui infra mores ac dignitatem

suam illas operas esse credebant, sic Magistri Scholarum postmodum ad Vicarios Domini Scholaftici & Canonici Prælati concesserunt, ex ejusq; nutu pendebant, quod Lundis tamen Absalonis ætate nondum invaluerat, siquidem ipsi Magistri Canonici non Vicarii erant.

(68.)

BICCARIUM ARGENTI. Utitur etiam illa voce Arnoldus in Chronico Slavor. I. 4. c. 14. ablutionem digitorum fecit in biccario mundo. Hic protinus, more suo solito, Etymologistæ biccarium ex Græco βικάριον deducere jubent, quod orcam & amphoram, aut vas aliquod simile denotat, dolium, urceum, lagenam, σάμυνα, & Hebraicum בְּקָבֵךְ Backbuck eò quoque referunt, ita ut ex Hebraica voce dicta Græci βικάριον; ejusq; diminutivum βικιδίον, inde Latini bicarium, Germani Bescher / Dani deinde & septentrionales Begere fecerint. Egregie profectò sibi sic ratiocinari videntur, mihi vero hallucinari. Dicant mihi, quando bicarium apud Latinos usurpari cœperit, dicant quæso: num apud Varronē de Latinâ lingva legitur, aut Gellium in noctibus Atticis, aut similes Autores? Solet Varro, quæ ex Celticā ad lingvam Latinam ornandam & locupletandam prodierunt, non semel indicare, sed de bicario, nec ille, nec aliis quis monuit. Est vero Celtica lingva, nihil nisi

VC-

vetus septentrionalium populorum, sub quibus Norvegi, Sveci, Dani, Germani, Galli, Illyrici quoque comprehenduntur non Hebræi, non Græci, non Latini vel Romani. Nunc videamus an non felicius bicarium ex illis linguis cognatis Celticis, vel recentioribus Danicis deducatur, quam ex Hebræo *Backbuck* vel Græco *Βίνθη*, & *Βινθίδον* quod apud Suidam legitur. Bicarium sanè apud Latinos non legitur, anteqvam Gothi Italiā Galliam & Hispaniam insederant, ut verè Gothicum nomen antiquum esse dici queat. Gothi autem quod ex septentrione sæpius exiverint, & nomine ac lingua suâ Germaniam, Illyricum, Russiam impleveriut totam, Historiæ loqvuntur antiquissimæ, & ego probatum dedi alias; à Ponto deinde & Mæoti palude reversi, eodem nomine, eadem lingvâ Italiam, Gallias & Hispanias inundarunt; Quid igitur mirum ex illa lingvâ Septentrionalium, tot gentium factâ, monachos ejusq; farinæ & Latinitatis homines vocabula sumsisse, & detorsisse, quoties opus erat, & significantius res exprimere se posse credebant. *Bicarium* sanè est inter illa pocula, quæ peculiarem formam habent, à Gothis forsan etiam in Italiam introducta, aut à Francicis, aut Germanis & Normannis. Romani enim hanc poculi figuram nesciebant, ut & Græci, ita ut *Backbuk* & *Βίνθη* illi figuræ nequaquam convenient, sed urceis & urceolis

potius aut amphoris. Hebræi sanè omnes
 Backbuck dicunt à sono, quem reddunt aquæ
 effusæ per urcei collum angustum, nomen
 accepisse; hunc sonum Græci κόπαρον
 peculiariter dixerunt, & κόπαριζεν eos, qui
 hos sonos crebrò producunt, helluones in-
 signes. quid illic bicario simile? *Bicarium* est
 poculum, rotundum ferè, quod inferiùs co-
 angustatum, ita tamen ut suâ sponte stare
 possit, superiùs magis patet. Hæc vera an-
 tiqva & nova figura est *bicarii*, nam adhuc
 nobis illa supereft. Danis *Begere*; Suecis,
Begare; Germanis superioribus *Becher*/infe-
 rioribus *Beker* audit; Italîs, *Bicchiero*, qui de
 vitreo tamen poculo illud usurpant plerum-
 que, unde *Bicchierajo* is dicitur, qui pocula
 vitrea vel vendit, vel facit. sed hic
 non qværitur ex quâ materiâ *biccaria* fieri
 consverint, vel quâm stricte & καταχεισ-
 ξως ab his vel illis sumantur, sed ex quâ ori-
 gine nomen illud descenderit, & quâ formâ
 principio fuerit bicarium. Sufficit, jam me
 monstrasse à Danis & septentrionalibus ori-
 ginem petendam esse, ubi hujus nominis
 vestigia multa & clara & antiqua reperiun-
 tur, nulla apud Hebræos vel Græcos, vel La-
 tinôs antiquos, ut frustra sit ad illos fontes
 accedere, turbidos nimis, & allusionibus me-
 ris foedatos, qui habemus domi puriores &
 purissimos, quod facile vident, si videre vo-
 lunt.

lunt. Habent verò Dani ex eadem origine plura, nam & *Becken* quod significat *pelvum*, ejusdem radicis est, licet ejusdem figuræ vel formæ non sit eum *bicario* & *Begere* propriâ enim figurâ gaudet *pelvis* & *Becken*, amplioribus labris præditum vas, & ferè humilius quò magis patet: exinde Itali fecerunt *Bacino* suâ pronunciatione, ad nostram enim fuit *Bakino* hinc *bacinello* & *bacinetto* sed ad alias usus quam *bacino*, quod originem non impedit, sæpe enim usus verborum *avaua-λίζει*. Francici suum *bassin* inde traxerunt, quod scribî debebat *bacin* ut origo nominis conservaretur, quemadmodum Itali quoque loqvuntur in proverbio, *netto come un bacin da barbiere* Cur verò hic (a) appareat, non (e) vel (i) exinde fluxit, quod septentrionales parvulo sono (a) & (e) literas mutent, (a) scilicet clarum habentes, & (a) soni mixti ut (a) & (ä) seu (æ.) Originarium enim nomen Danicæ lingvæ, ex quo *Begere* & *Beke-ken* derivantur, est *Bæk*. quod etiam olim vas aliquod majus significabat, quam aut *Begere* aut *Becken*, & usurpatur adhuc apud Belgas, qui retinuerunt in suâ lingvâ illa vasa, vocantes *Bæk*, vasa quibus pluvias aquas colligunt *een regenback*, *cisternas*, *een Back* Omne vas, in quo arida & sicca quævis reponunt: etiam patinas nautæ in navibus, ex quâ cibos capiunt, *Bak* vocant, ut *aen den-*

Bak gaen &c. vetus nomen quo vasā appellabant. Hinc jam apud Festum Pauli, Bacar vas vinarium simile bacrioni. BACRIONEM dicebant genus vasis longioris manubrii, hoc alii trulam appellant. Rectè igitur Laurembergii Antiquarius hæc verba explicavit: Vocatur & Bacar, Bacarion, Becario, & Becarium, Meminere ejus Apulejus, Tertullianus & alii. Glossæ Bacarium, eidem ἀγάλης. quæ sanè nec apud Græcos natæ nomina dici possunt, nec apud Latinos, sed ex Celticâ antiqua, h. e. Danica septentrionali per Germanias Galliasq; ad Latinos transierunt: ibi enim foetura talium vocum: adeò ut rectius hinc scribere doceamus hodie een Bæck quam Beck. amnem, rivulum, quæ vox mater est omnium dictarum, nam ob aquam hauriendam vasā inventa. Saxones quoque Bæck dixerunt, Belgæ Beeck, Germani superiores Bach; hinc illa vasā & pocula aquæ & munditiei destinata, quæ haçtenus enumeravimus, se invicem seqvuuntur: Bæk/ Becher/ Begere/ Becher/ Baccar, Bacrio, Bacarium, Becario, Becarium, Biccarium, Becken/ quæ scribi debebant Båker/ Bågere Båcher/ Båcken/ adeò ut etiam in Islandiâ eorumq; lingvâ, vetustam septentrionalem adhuc referente, supersint Bekur, rivus, & Bikar & Boukr poculum; quin & Batiolam vel baciolam apud Nonium Marcellum inter poculorum genera positam c. 15, ex eâdem lingvâ Celti-

Celticâ Septentriouali ac Gallicâ fluxisse,
 nunc videre licet, à Plauto usurpatam vocem,
 ut ait in *Colace*: *Baciolam auream octo pondo
 habebat, accipere voluit.* Adde etiam locum
Plautinum ex Sticho, *Quibus divitiæ sunt domi,*
scaphio, cantharis, baciolis bibunt: convenient
Glossæ veteres Latino - Græcæ: *Batiola*,
πολύηρον. Et cur non ex illâ lingva originem
 potius hauriendam judicamus, in quâ solâ
 tot convenientes voces matrices, sororian-
 tes, cognatæ, sibi invicem lampada manusq;
 tradunt, qvâm ex Græcorum & Hebræorum
 longè dissitis fontibus, & peregrinis omnino,
 vocabulorum talium etymologias accersere?
 ubi quando voces singulas probè jam torsis-
 mus, nihil tandem egisse nos videmus; sunt
 coacta, affectata, ludi, & nugæ omnia. Sed
 vix in laudes Danicæ lingvæ exspatiari mihi
 nunc licebit, nisi amorem patriæ objici mihi
 velim; qvasi affectibus magis ducar, qm̄
 veritatis studio, id quod semper à me alienum
 esse debere censui. Doctissimi Censores
 Lipsienses ita judicarunt de scripto meo
 Danicæ lingvæ præstantiæ dicato, me fecisse
 quod solent, qui in patriæ laudes, aut ejus
 loci, ubi bene est, profusi & proclives maxi-
 mè sunt. Debetur hoc patriæ profecto,
 dummodo veritatis limites non transiliamus,
 quod spero etiam à me factum, nec enim
 affectibus servire, sed aliquantum imperare

didici; Quin & Germanicæ & Suecicæ & Francicæ lingvæ non inviderem eas laudes, si inter antiquos præ Danicâ eas laudatas ullibi reperissem: at cum antiquior laus Danicæ lingvæ repeti potuerit, ex optimis & bonæ fidei monumentis, cur veritatem dissimulandam sumerem, nihil opus erat, illam maximè, quæ cum patriæ laude sese mihi conjunctam obtulit. Est igitur *biccarium vox tam Celticæ, qvàm Danicæ & Gothicæ antiquitatis; & Celtsa quidem jam exspirare cœperat, nisi Danica tenacior iterum succurisset, ac in memoriam deperdita revocasset, dum loco Celticæ suam per Gothos in Italiâ, & ubique, vigere denuo vel reviviscere fecit.* Goths enim secum ex septentrione lingvam Celticam passim extinctam ferre in Latinam lingvam & Italianam & Franciam, &c, adduxerunt, & servarunt, ut vix nunc extingvi rursus queat. De *Bicareo* autem argenteo loquitur etiam ante Absalonem Ditmarus Mersburgensis Seculi XI. scriptor ante Adamum Bremensem l. 8. p.m. 241. --- cum duobus thuribulis ac argenteo bicareo larga manu Cæsar nostræ dedit Ecclesiæ.

(69.)

MAG. WALTHERO. Dixi de eo notâ 67. Seqvitur inferiùs Mag. Hugo, cuius quoque præbenda peculiaris memoratur, adeò ut & ille Canonicus fuerit, & propter officium,

um, quo in scholâ Lundensi cum binis jam memoratis fungebatur, tertius Magister hic adducitur, & legatum etiam non minùs qvàm Magister Johannes aut Mag. Waltherus, lectisternium vario forratum nactus est, ut hic apparet: quæ Absalonem scholæ Lundensi non obiter prospexit & favisse nos monent.

(70.)

PALLIUM GRISEUM. Intelligit hic pallium non grisei coloris, sed griseis Sciu-rorum pellibus subductum, de quâ forratu-râ priùs dixi, illudq; aptum erat, quod gestari posset in Natali Domini tempore hy-berno. Nam griseus panni color neque multum conveniebat Archiepiscopo, neque Presbytero Canonico, qualis erat Mag. Wal-therus, unde est, quod de pellibus griseis capi debeat.

(71.)

AB PLENARIUM FACIENDUM. Plenarium licet sæpius occurrat in Historia mediâ, pauci tamen quid sit vel fuerit expli-carunt. Ex Henrici Wolteri Chronico Bre-mensi p. m. 43. adducam primò plenarium, quod Henricus IV. Imp. inter alia Ecclesiæ Bremensis donavit, *cujus tabula habuit novem talenta auri Lubecensis*, h. e. novem libras au-ri ponderis Lubecensis; quod etiam Adamus Bremensis his verbis explicavit l. 4. de iis-
dem

dem donariis loquens, & unum PLENARIUM
 cuius tabula videbatur novem libras auri habere.
 p. m. 112. Ante Adamum Ditmarus Mers-
 burgensis, aut qui vitam Ditmari paulò post
 conscripsit, Henrici II. Imp. donaria, Eccle-
 siæ Mersburgensi collata, recenset. p. m. 261.
 Dedit hic Imperator nobis plurima divino officio
 convenientia, scilicet tria PLENARIA, unum de
 auro, eburneâ tabulâ ornatum, quod minimum est;
 secundum, auro gemmis & eburnea tabulâ varia-
 tum, quod pretiosius est: tertium, auro, electro, &
 pretiosissimis gemmis artificiosè decoratum, quod
 optimum est. De Conrado Abbe Rasteden-
 si septimo circa Annum 1240. legimus in
 Chronico Rastedensi, p. m. 102. quod fieri fe-
 cerit PLENARIUM Ecclesiæ Rastedis, de argento
 cum gemmis micantibus, quomodo adhuc in mona-
 stero esse dignoscitur. Nec Chronicum Min-
 dense obliviscitur Sigeberti Episcopi sui li-
 beralitatem deprædicare circa Ann. 1029.
 quæ ad domus Dei decorem pertinent reliquit, ca-
 lices, & thuribula pulchra, ac PLENARIA novem
 valde pretiosa, cum diversis materiis intus depicta,
 & exterius argento & auro lapidibusq; pretiosis ad-
 ornata. Sed ex his omnibus nemo facile
 percipiet, quid nominis aut rei sit PLENA-
 RIUM. Hoc ergo nunc explicatius stude-
 bo facere. Et PLENARIUM esse librum,
 Missalem & sacris Missæ servientem, in quo
 omnia AGENDA, festis, Dominicis aliisq;
 diebus plenè perscripta habebantur, ita ut
 Sacer-

Sacerdoti nihil deesset celebranti quæ dicenda vel agenda forent: ideo enim *plenarium*, vocatur iste liber, quod omnia contineret, plenè & ad amissim, quæ in Ecclesia requiebantur in Antiphonis, Seqventiis, Responsoriis, Collectis, Legendis aliisq;. Hi libri & hæc Plenaria, quod in altari posserentur, tanto apparatu gemmarum & auri & eboris & electri, & argenti onerabantur, ut ex his jam dictis audivimus. Et quidem qvod de tabulâ dicitur aurum novem librarum Lubecensium, quam Plenarium Bremense habuit, scire vos cupio, librorum tegmina intelligi, quando compacti sunt, & corio circumvestiti, alterum enim latus libri in altari positi, quod exterius ad populum spectabat, tabulam quandam auream vel eburneam solidam insertam acceperat in corio & assere, quo liber tenebatur, gemmisq; variis circumpositis cingebatur hæc tabula, & lucem magnam ac pomparam faciebat, dum reliquum latus interius versum istum fastum minimè ostendebat, sed in vulgari cultu corii & asseris, sine gemmis, sine auro adquiescere sinebatur; Hæc causa est cur tabula una tantum cuivis Plenario tribuatur, non tabulæ duæ aut plures. Hujus rei exemplum aliquod qui videre cupit, adeat Bibliothecam Ecclesiæ Cathedralis Hamburgensis, ubi superesse videbunt adhuc in formâ, qvâ dicunt, quartâ, tale Plenarium

um corio purpureo compactum, cuius me-
dium tabula eburnea inserta tenet, medio-
criter sculpta, quam ambiunt lapides, olim
pretiosi, nunc chrystillini & vitrei, exem-
tos enim & suppositos alias facile percipi po-
test: alterum verò latus libri solo corio cir-
cumseptum, à reliquo prioris lateris ornatu
vacuum planè conspicitur. Complectitur
iste liber, Collectarium, Homiliarium, An-
tiphonarium, & plura in membranis exara-
ta, ita ut plenarium dici queat, ut nos ho-
die ein vollständig Hand- oder Kirchenbuch vo-
re solemus, in quo singula quæ in Ecclesiis
occurrunt legenda, vel canenda collecta le-
guntur. Nec sola *Plenaria* tam sumtuose or-
nabantur, sed etiam alii libri. Sic enim Dit-
marus sub finem l. 6. de eodem Henrico II.
Imperatore commemoravit, *Evangelium*, h.
e. librum Evangeliorum, auro & tabula orna-
tum eburneâ dedit. Simile est quod habet Ta-
vernier in peregrinationibus suis l. I. p. m. 35.
de libro Evangeliorum in Armenia, quem
Archiepiscopus lecto Evangelio, cœteris Pa-
triarchæ & Episcopis osculandum præbet:
ubi addit. *Sur un des costez de la couverture de*
ce livre, il y a des reliques enchaſſées, & couver-
tes d' un crystall, & c' est le costé du livre, qu'
on donne a baiser. Nec quidquam nunc ad-
dam de Plenario, nisi ut doceam librum fu-
isse: quod autor Chronicus Mindensis nobis
monstravit p. m. 105, dum ait Miloneum Epi-
SCO-

scopum qui sedet ab Ann. 974. ad Ann. 996.
donasse monasterio in monte Wedegonis
pulchrum Plenarium; in isto sculpti habentur ver-
sus quos B. Gorgonio obtulit.

SIT TIBI GORGONI LIBER HIC. RO-
GO. VALDE DECORI.

ORNARI MILO QVEM FECIT EPISCO-
PUS AURO.

Eodem pacto Henricus Wolteri, in Chro-
nico Bremensi, dum Henrici IV. Imperato-
ris donaria Breniensi Ecclesiæ tradita recen-
set, primò *χρυσῶς* illa proponit; misit Ecclesiæ
Bremensi multa digna & cara clenodia, centum,
videlicet, aurea pallia, & sagas deauratas, thuri-
bulum & librum auro & argento circumductum
jamq; pergit sibi ipsi objicere: Sed dices? qua-
sunt hujusmodi in numero, pondere, & mensurâ ac
nomine clenodia missa à Cæsare? Dico respondendo
&c. & unum Plenarium, cuius tabula habuit no-
vem talenta auri Lubecensis. Ecce Plenarium
cum tabulâ novem librarum auri, est idem
ille liber auro & argento circumductus. Ad-
de Baluzium ad Cap. Regg. Francorum
p. m. 1156. qui Missalia & Missales libros Ple-
naria dicta fuisse notavit. Reperitur quo-
que in Jure Græco πληνάριον, sed non eo-
dem sensu, licet quoque circa membranas
& chartas versetur. πληνάριον enim in Jure
significat apocham omnia in universum de-
bita tollentem & delentem, unde βασιλικῶν

Eclog.

Eclog. 6. etiam ἀμερινία πληναρία Securitas plenaria vocatur, cui opponitur ἀποχὴ μερικὴ, apocha, qua pars tantum debiti soluta agnoscitur: in curialibus nostris hodie *Quitantiarum* dicitur talis apocha universalis, & explicatur *quietancia* *Quietanciarum omnium* adeo ut illud Plenarium quoad chartas & libros, tam apud Ecclesiasticos quam apud Jurisconsultos valere, & in usum deduci coepit.

(72.)

PRÆPOSITO ACHONI. Ille ipse, qui supra not. (5.) adductus inter testes, eumq; Præpositum Lundensem fuisse judico, quod hic præcedant & sequantur ea legata, quæ Lundenses & Scanienses solum spectant. Tockonem Roschildensem fuisse Præpositum jam ante docui. Saxo etiam Lundis vivebat, cum hoc Testamentum conderetur, ideoq; etiam in illâ classe ponitur.

(73.)

APUD CLUNIACUM. Conditum fuit illud cœnobium in Burgundiâ Anno Chr. 895. testibus Sigeberto Gemblacensi & Trithemio, à Bernone Comite Burgundiæ & Abate Gigniacensi, qui Odonem primum Abbatem Cluniacensem constituit.

(74.)

AD CLARAM VALLEM. Institutum est

est hoc Cœnobium à S. Bernhardo circa Ann. 1117. alii 1115. Paucissimi sunt Geographi, qui hujus cœnobii situm monstrarunt; ipsi Francici illud neglexerunt & omiserunt, aut quod clarus ille locus brevi post in cineres subsederit; nec tanta famâ resurgere potuerit quam quondam, aut quod cœnobiorum districtus Geographis indigni plerumque videantur. Bernhardus Abbas 700. monachis illud cœnobium habitatum reliquit, ita ut tunc magna & præclaræ famæ fuerit, & Danicis Epi- scopis in Franciam euntibus freqventer vi- sum. Situm est autem Cœnobium illud in Campaniâ Franciæ ad Albulam fluv. 3. leucis à confiniis Burgundiæ, medium inter Cheau- mont ad ortum, & Barium ad Seqyanam in occidente, Vallis Absinthii priùs dictum, & precibus Theobaldi Comitis Campaniæ à Bernardo conditum.

(75.)

ECCLESIA DE WELLINGE.

Familia adhuc ejus in Sveciâ superest non ignobilis, quamvis tunc parochia ruralis in Scaniâ fuerit, ut & seqventia nomina Stang- bye, Köping, Hypbakre, Arlef, Asmundathorp, Nyebyle, Saxelstorp villæ sint Scanicæ, partim adhuc satis notæ, iisdem nominibus ab antiquo servatis.

(76.)

MANSUM UNUM REDDERE.

K

Man-

Mansum dici agrum, ubi quis simul manere
 possit & habitare, ex multis Scriptoribus no-
 tum est; Germani vocant, een *Hove* / een *Hove*
Landes / ager qui unam familiam juxta habi-
 tantem alere potest. Inde *Hoba* & *Huba* apud
 aliquos Historicos, qui originem vocis ve-
 ram non attenderunt; nec recte Germani
 Superiores efferunt eine *Husse Landes* debet e-
 nim esse ein *Hoff Landes* / cum sit *Hoffstete* /
 locus ubi habitant, qui agrum conjacentem
 colunt. *Curia* igitur est, cum sola domus at-
 tenditur, *mansus* autem cum ager & domus
 simul intelliguntur. Ille enim ager mansus
 est, qui curiam junctam habet, ut ibi mane-
 re possint Domini & Coloni. *Berghave* locus
 & vicus *Hamburgi* totam rem explicat.
 Mons ille acclivis, ubi ager colebatur, nunc
 occupatur *S. Jacobi Ecclesiâ*, Foro equino;
 domibusq; & ædificiis, à plateâ vulgo *Steen-*
straten dictâ, usque ad portam *Alsteræ* & *Al-*
steram ipsam; nec ager iste mansus fuit unus,
 sed & alter: ideoq; *kleenen Barghaye* & *groo-*
ten Barghaye adhuc audit, scilicet ubi curiae
 positæ fuerunt in fronte agri, quiq; illos mon-
 ticulos colebant ac habitabant, locupletio-
 res effecti, & propter curias ac mansos hos
 agros in re lautâ satis constituti de von *Bar-*
gen dici cœperunt, qvorum aliqui postmo-
 dum in Senatu Civitatis celebre nomen man-
 serunt. Dicebantur ergo *Hove* vel *Hove*,
 & qvia in monticulo acclivi ager tendebat,

Barghave: Secundum istius seculi Latinitatem, mansus montanus.

(77.)

MAG. HUGO, De eo superius annotatum reperietis.

(78.)

PALLIUM MAGNUM DE LÆKATTE. Erat fera maculosa *Lækatt*, solis Norvegis nota hoc nomine: tot enim Catti regiones Norvegicas obsident, tam varii generis, ut vix nominibus inveniendis sufficere possimus. Hermelinas pelles vocant, *Noisekatt* & *Urfatte*; atque *Læfatte*, si non iidem, sanè non multum diversi ab illis fuerunt; Hæc sanè pelles omnium nobilissimæ, Hermelin propterea dictæ, qvod non nisi Regibus, Principibus & Dominis convenient; ideoq; hic comparantur cum marturinis, qvæ alias gloriam primam ferunt, ut hodie Sabellinæ ex Russiâ, post illos felinæ hæc, tunc marturinæ seqvuntur, & murinæ. Nec mirum est istas bestiolas *Katte* vocari, licet feles magnitudine non æquent, sed minores sint, & nisi longitudine ac formâ suâ mustelas referrent, ad murinas & glirinas pelles referri possent. Sunt igitur ex mustelarum genere, qvæ animalcula mures & glires perseqvuntur, ideoq; feles & *Katte* appellati, qvorum est mures venari. *Læfatte* nomen videntur accepisse tamen à *Læ*, qvod Islandis & Norvegis *noxa* & *damnum*

est, qvoniā hi Catti fortē plus noxæ inferrant, qvam alii similes: ita Læminge illis dicti sunt mures noxii segetibus, Norvegis peculiares, qvos cœlo decidisse, & per agros dispersos alicubi obſervarunt: qvā ratione distinguitur à Lä. qvod est motus & temperamentum, inprimis undæ fluentis. Pelliones Hermelinas pelles easdem esse volunt cum Læfatted / & melinas pelles valde expetitas tam olim qvām hodie fuisse novimus, sed explicant pro taxis, Dachse Germanis. Qvin & melinæ dicebantur, summè candidæ, qvæ ex Melo insula afferebantur, terræ, & cerussæ instar serviebant. Unde apud Plautum Mostell.

Non oportet pigmentum ullum attingere negcerussam, neg₃ melinum, nec ullam aliam officiam.

Novimus autem Hermelinas valdè candidas, nec nisi nigerrima macula in extremitate caudæ conspicuas esse, & ex hybridâ hac voce nomen fortē Germanis compositum. In veteri Synodo Londinensi circa Ann. 1138. istæ pelles hereminæ appellantur. Prohibemus Apostolicā autoritate sanctimoniales variis, seu grisii, sabellinis, marterinis, HEREMINIS, beverinis pellibus urī: Sic legitur apud Richardum Hugstaldensem p. m. 328. Sed & Francici hæc animalcula Hermines & Ermines etiamnum vocant, unde didicerunt Angli. Ermellini nominantur Italī; Latini mures Ponticos appellarunt, qvod à Ponto ipsis primū allati sint, quin

quin & mustelas albas, quod albedine canden-
tes sint, quam hyeme contrahunt, æstate co-
lorem mustelis vulgaribus similem præferen-
tes, bruneum aut russum, quod pluribus ani-
malibus in septentrione solet accidere, lepo-
ribus, ursis, aliisque, quod notum esse puto.
Sed nolo hæc, qvæ ad pellionum officinam
pertinent, ad ungvem usqve resecare, re-
spondere enim mihi licet, qvod apud Sui-
dam Xenocrates Platonicus cuidam Scholam
ejus adire cupienti, quem minus idoneum
putabat, παρεμοὶ inquit, πόνος & κνάπετη.
Apud me lana non carminatur, nec apud me pel-
les parantur, ut hæc docere possim.

(79.)

NICOLAO FILIO ARCHIDIACO-
NI. Qvomodo hæc quadrant temporibus
Absalonis? Archidiaconum habere filium?
num cum uxore quoqve in matrimonio vi-
vebat? Absit: haud sic intelligenda veniunt,
sed Archidiaconum hunc ex conversis Fra-
tribus fuisse statuendum est, qui seculum re-
linquentes & bona, & uxorem, & liberos,
toto animo & corpore sacris se mancipa-
bant: atque ad ordines deinde & dignitates
pro meritis suis evehebantur. Ex his igitur
conversis Archidiaconus hic matrimonio re-
licto, ad hunc gradum adscenderat.

(80) IN

(80.)

IN CASTRO DE HAFFN.

Hæc est Hafnia, nunc emporium ingens, totius regni Danici sedes prima. Videmus jam variis nominibus illam creuisse: arcem AXELHUS dictam esse, quod Absalon eam condidisset primus, ibiq; resideret illuc veniens: postea huic munitioni Burgum subjectum, civitatis, & quidem munitæ, qvæ castrum & castellum dici solet & Burgum, eaq; civitas STEGELBORG appellata, ideo, qvod tam altè & præruptè sita esset, ut non nisi gradibus ex mari in eam adscendere possent, à portu verò insigni κατ' εξοχὴν HAFFN vocata fuit. Sic domum Episcopi & domum Principis vocat Adamus Bremensis munitissimas illas arces Hamburgi ab illis structas; castellum verò Hamburgense civitatem ipsam fortissimis operibus inclusam, civium domos & negotiationes ab incursibus hostium defendens: unde confutantur illi, qui civitatem nullam Absalonis tempore Hafniam fuisse credunt, arcemq; & domum solam Episcopi, prætereaq; nihil hic exstitisse. Chronicon parvum de rebus Danicis, quod edidit nuper Arnas Magnæus Islandus, idem nomen HAFN Emporio tribuit ad Annum 1249. Villa Hæfn devastata est. Villa hic sumitur, ut Francis la ville pro oppido. Hoc igitur vetus nomen Civitatis; mercibus ve-

• (81)

rò

rò affluentibus Kiøbenhavn vocari cœpit, ut Germanis COOPMANNEHAVEN. Ita ut Francici & hodierni Germani perperam COPENHAGEN pro COPENHAVEN scribant; qvod lubentes seqvuntur omnes, nec error rem videre volunt, qvoniam Francicos errando etiam non errare credit vulgus.

F I N I S.



19. sufficiens p[ro]p[ri]e[ti]tate[re] sibi vocati cōdit, ut
Genuinus COOPERNINNEMAVAN. His in
His uocis & p[ro]p[ri]etatis Genuinis berberum CO-
PENHAGEN pro COOPENHAGEN f[ac]tum est
d[omi]n[u]s j[oh]annes j[oh]annesson ouines, nec enio-
t[er]m a[cc]ord[em] a[cc]ord[em] d[omi]ni m[ar]tini.
cos cit[er]o e[st]im[on]i noui c[on]tra
c[on]tra am[pli]ans.

E I N I S



